

D. STEPHANI RODERICI
CASTRENSIS LUSITANI

*Olim Serenissimi Magni Ducis Etruriæ Sanitatis Consilarii,
& in Pisana Academia Medicinam supraordinario
loco docentis*

TRACTATUS DE
NATURA MULIEBRI
SEU DISPUTATIONES AC
LECTIONES PISANÆ

Nunc primum in lucem editus.



FRANCOFURTI,
Apud HERMANNUM à SANDE.

M. DC. LXIX.



DEPARTMENT OF THE ARMY
OFFICE OF THE ADJUTANT GENERAL

TRACED BY THE
ADJUTANT GENERAL
SECTION

ADJUTANT GENERAL
M. D. LXXIX

Illustrissimo Clarissimoque Viro

**D. VALENTINO
FARINOLÆ,**

**J. C. Corso Bastiensi, & Sereniss. Magni
Etruriæ Ducis Auditori.**

PARENTES honore prosequendos lex humana,
ac divina jubet. Nihil in præsentiarum meo genitori ho-
norificentius præstare potui, quàm ejus labores è tene-
bris erutos atque summa diligentia conquistos tuo no-
mini, Vir perclarissime, inscribere. Tu eris præsidium illis, &
decus adversus obtrectatores Zoilos, & Aristarcos præsidium.
Decus, tuarum virtutum splendore eos illustrans. Illud valebit
hoc volet: ita suadebit amor, qui mutuo nexu amborum ani-
mos complexus est, dum in Pisano Lyceo uterque morabatur.
Pater meus virtutum omnium harmoniam, ac sapientiæ magni-
tudinem in te mirabatur. Tu in illo singularem animi candore
ac peritissimam philosophiæ scientiam vehementer suspi-
ciebas. Ille nunc post cineres superstes vlyus volitat per ora Vi-
rorum; tu vitali aura fruens insignibus muneribus antea Senis
nunc Florentiæ præfulgens ad nominis immortalitatem inof-
fenso pede velocissime contendis. Vale.

Dominat. Tua

Addictissimus servus

FRANCISCUS CASTRENSIS.

Habes

Habes candidatum immortalitatis Auctorem nigris capiti-
bus aliquando petiitum. Ejus venenam planè gemmeam
uberrimè hauserat Academia Pisana, ubi is duos & vigin-
ti annos titulo supraordinarii honestissimo multiplicem
tractavit materiam cum admiratione part. Auditorum, & fructu.
Felicitatem verò in curandis morbis tum ætatis illius mortales sen-
sere, tum Dynasta in primis, summique Principes celebrem encomiis
reddidere. Ex his Cardinalis Amplissimus sua manu hæc scripsit
(annus erat millesimus sexcentessimus, trigesimus primus pridie
Idus Aprilis) ex medicis, quotquot usus fui Patavinis, Venetis,
Bononienfibus, Florentinis, Romanis, & si quibus aliunde, Ne-
minem unum affirmo parem Stephano Roderico Castrensi à
me esse repertum. Hæc autem tanta gloria, quæ omni major in-
vidia crederetur, ciere pruritum potuit nescio cui juveni medico,
ut de alieno ambitiosus, ex manuscriptis Doctoris nostri lectionibus
in Hippocratem de flatibus, quæ sibi fortè in manus devenerant,
duas ipsas excerpere, sueque nomine præfixas evulgare ausus sit: &
unam quidem idiomate corruptit vulgari, inscripsitq. APOLLO:
Alteram verò, quæ ex quæstionibus erat latino ipso stylo Auctoris
intacto, QUÆSTIONVM SCHOLASTICARVM titulo
impertivit: Vtrum impudens magis fur, an imprudens: ipse cave-
rit. Enim verò & imprudentiam juvenilem demum arguet cani-
tie sua tempus, tardo procedens, sed certo vestigio: & furti simul
impudentiam propalam accusabit splendor natus Auctoris nostri
in reliquis voluminibus, quæ favente Cælo subinde prodibunt in
omnium oculis. Tu interim (lector candide) hoc accipe DE NA-
TVRA MVLTIERVM: simul & agnosce in homine demortuo
vivum adhuc, cum nomine ipsius immortalis, consulendi humano
generi studium. Vale.







TRACTATVS DE NATVRA MVLIEBRI

SEU

Disputationes ac Lectiones Pisanae;

AUCTORE

STEPHANO RODERICO CASTRENSI
LUSITANO

Olim Serenissimi Magni Ducis Etruria Medico, & in Pisana Aca-
demia supraordinario Loco docente.

P R A E F A T I O.

N hoc praesentis anni literario curriculo, meae erunt *Prima Le-*
partes, & provincia ultro suscepta agere de natura *ctio Ann.D.*
muliebri, de qua, sicut de omni materia, circa quam *1634.*
quispiam versatur, duo imprimis, ex Aristotelis de-
creto, forent inquirenda: unum an sit? alterum
quid sit? primum tamen manifesta res est, in praesente omitti potest: etenim homo natus de muliere
muliebrem naturam esse in rerum natura, propinquiusque in humana,
ni sui sit impos animi, non inficiabitur. Alterum pertractare est ne-
cessarium: quamvis enim multiplex naturae significatum ejus cognitionem
obscuram reddat, audendum nihilominus est, & qua nos sciendi de-
siderium ducit, eundem Galenus hanc obscuritatem non sustulit, imò *6. epid. sect. 1.*
auxit: cum enim nos docere debuisset quas naturas appeller Hippocra- *5. com. h.*
tes morborum medicas, conveniens esse ait hanc naturam esse vim
quandam in his ipsis corporibus, quae ab ea reguntur inhabitantem, &
tamen non se adhuc essentiam naturae tradidisse fateretur, siquidem ad-
jungit

jungit hujus essentiam, quænam sit, minimè necessarium esse tunc quærere, sicut neque de anima nostra, neque de ejus principe parit. At ego putarem ad cognoscendam naturam quæ corporibus nostris medeatur opus esse præcognoscere, quidnam sit hæc natura. Deinde si naturam, vim quandam esse dicit, vis autem est potentia: nempe qualitas de secunda specie qualitatis, quæ eo ipso quod natura est, naturalis potentia dicitur, nonne jam sic explicavit essentiam naturæ? quid amplius inquirat. Tandem cur vim appellat, hoc est qualitatem, naturam, cum tamen alibi substantiam esse dicit. Cæterum quænam sit anima medicatrix & quomodo sit substantia mox dicemus.

Gal. an. ani-
mal. lib. 4.

Cæterum tam de anima, quam de natura multa, quæ valde essentialia sunt nobis ipse tradit, differentiam constituens inter utrumque; quippe naturam mortalem atque terrenam esse ait, intelligentiæ expertem, quæ rationem non habet, & mortalem solum circumloquitur, operamque interitui obnoxiam accipit. Animam autem ab universis animis, ex cælesti choro delapsam, scientiam suscipere, semperque viam, quæ ad simile ducit sequi: Quare terram quidem superat, ab erroribus aquæ sese avertit; transcendit aerem; sit igne superior, & cælestem divinitatem attingit, sæpeque errando cælestem locum intuetur. Hisce verbis, quis negabit multa ad naturæ essentiam spectantia contineri, utinam simul etiam vera, de quo non est hic locus inquirendi. Denique ex professo in principio commentarii de natura humana pertractavit, licet ferè omnia ex veterum sapientum penu fuerint deprompta. Verum quæ hætenus confuse fuerunt prolata, deinceps, quoad fieri poterit distinctè ordinatimque trademus.

Nomen *φύσις*, hoc est naturæ trifariam acceperunt veteres naturalium rerum perscrutatores, qui propterea *φυσικοί*, hoc est naturales fuerunt nuncupati. In primis naturam esse dixerunt substantiam, non genitam, sed sempiternam, omnibus corporibus, quæ generantur, & corrumpuntur subiectum. Hanc Plato nutricem; matrem; formabile susceptaculum; rerum omnium acceptaculum; locum, nominibus scilicet appellativis, appellavit. Unde constat non adhuc Platonis seculo nomen ullam proprium ei fuisse inditum. Posterius quasi rudis & non dolata lignorum materia apta construendis ædificiis fuit nuncupata. Tandem, ut Chalcidius est author, Platonis discipuli primi omnium materiam primam dixerunt: quoniam autem inter Platonis discipulos Aristoteles principatum obtinuit, credibile est hunc præfatæ nomenclaturæ artificem fuisse. Quoniam vero ipse materiam, sicut & Mundum ipsum non genitam sed sempiternam statuit, nos sicuti ei assentien-

sentientes materiam Mundo corviam facimus, sic ab eodem penitus dis-
sentientes Mundum ab æterno esse negamus.

Ingenitam tamen, & sempiternam, alia longe diversa ratione esse
fatemur. Ingenita quidem est: quia primo non per generationem pro-
ducta, sed per productionem ex nihilo creata nunquam amplius repro-
ductione opus habuit. Sempiterna vero non à parte ante (jam enim
diximus fuisse cum Mundo productam) sed à parte post: quippe non ha-
bet causas à quibus corrumpatur. Unde post universi conflagrationem
adhuc in Mundo renovato formæ substat, perfectiori tamen modo:
nempe quemadmodum formæ cælesti nunc sua materia substat: hoc est
absque dispositionibus corrumpentibus compositum. Quod autem
formis successivè discedentibus, compositum jugi vicissitudine oriatur,
& intereat materia semper manente eadem videtur mihi sapientissimus
expressisse Salomon cum ait, *generatio præterit, & generatio advenit, terra au- Ecclien.
tem in æternum stat.* Cum enim de generatione hominis loquatur, eam-
que in perpetuo fluxu, & refluxu esse dicat non secundum unum, & idem
individuum, sed secundum plura sub una specie, terram in æternum sta-
re, nempe materiam eandem permanere affirmat. Appellat autem
materiam primam, terram: tum] quia veluti terra rebus aliis substat;
tum quia præter animam, quæ est forma, remanet materia, nempe ter-
ra, quod significavit ipse, inquiens, *& revertatur pulvis in terram suam, &
spiritus redeat ad Deum, quid sit illum.* Hoc est anima, quæ est forma de
foris adveniens ad suum Creatorem se recipiet; pulvis autem, nempe
portio materiæ quæ formam sustinebat, ad terram, videlicet, ad com-
munem materiam reverteretur.

Altera acceptio naturæ quam veteres tradiderunt, est qua dicitur
id, quod peculiari ratione, singulis corporibus, quæ oriuntur, & intere-
unt, inest. In hac mihi videtur ignotum per ignotius tradidisse. Nam
quæ sit quid natura sit respondent esse id quod peculiari ratione corpo-
ribus inest. At nemo est qui nesciat peculiarem cujusque naturam pe-
culiari ratione singulis inesse, sicut communem omnibus ratione com-
muni. At debuerant nos docere præter naturam specificam; quid est
id quod superaddit peculiarem cujusque efficiat. Sunt qui dicunt
esse temperamentum: quippe Hippocrates; ut Galenus existimat, *in li-
bro de natura humana*, naturæ nomine utitur juxta hanc secundam acce-
ptionem, & insuper, ut idem Galenus tenet, ibi naturam accipit pro
temperamento. Non mihi displicet hæc opinio, dummodo tamen
temperamentum non per se solum intelligatur, sed eo modo quo infra
dicemus. Alius fuit, qui dixit id quod peculiari ratione corporibus in-
est,

est, esse quidem materiam, non primam, nam hæc jam priore acceptione manet comprehensa, sed alia, quam proximam appellat, nec declarat quænam sit hæc proxima, forsitan proximam vocat eam quæ corporeitatis formam jam suscepit, unde proxima redditur accipiendæ formæ substantiali. Sive ergo ob hanc formam corporeitatis, sive ob alias quascumque dispositiones proxima dicatur, semper est materia prima, & quatenus materia prima, dicitur natura, superadditæ autem dispositiones non sunt quæ dicuntur inesse propria ratione, sed sunt ipsa ratio inessendi; per has enim dispositiones inest natura corporibus. Quare sive dicamus priore modo naturam esse materiam primam; sive posteriore materiam proximam, utrumque in unum, & idem coincidit.

Potius videtur dicendum, id quod peculiari ratione corporibus quæ oriuntur, & intereunt, inest, esse periphrasin, quæ forma substantialis significatur, hæc enim est id per quod res est id quod est, & peculiari ratione hoc est, sua propria essentia, suum compositum distinguit ab aliis. Inest autem corporibus quæ oriuntur, & intereunt hoc est, sub-lunaribus, & sic differt à natura cælesti.

Dicit tamen aliquis veteres non potuisse intelligere naturæ nemine formam: quia forma eis non adhuc erat nota, sed in rerum principiis conquirendis tota ad materiam convertebantur. Et tamen respondebo philosophos qui unum tantum principium statuebant, illud in materia sola collocasse, qui verò duo alterum tanquam materiam, alterum tanquam formam considerasse. Sed quicquid sit de aliis, de Aristotele verissimum est ab eo formam non solum simpliciter naturam esse dictam, sed magis naturam quàm sit materia & merito: nam, ut ipsemet ait, unumquodque tunc dicitur, cum actu sit magis, quàm cum potentia.

Tertia naturæ acceptio est qua accidentia præcipue propria, & inseparabilia natura quædam esse dicuntur. Hæc tamen impropria censetur, solumque recipi potest quod nos ad naturæ cognitionem ducit: ideo dicitur natura sensibilis, nam forma, atque materia abstrahendo ab accidentibus sola consideratione agnoscuntur, accidentia sunt quæ sensui se offerunt. Nec verò necessariū est, ut omnia accidentia ad constituendam naturam istam concurrant; sed sufficit unum, vel alterum. Exemplo est Moly herba scilicet, quam Mercurius Vlyssi tradidit ad evitandas Circes incantationes, ejus namque naturam Homerus describens ait, *flores habuisse albos, radices vero nigras*.

In qualibet istarum trium acceptio-
num natura est incompleta, omnes tres, simul efficiunt completam: nam forma, & materia partes sunt

sunt compositi naturalis, ex earum conjunctione necessario, necessitate
 physica pullulant accidentia, & perficitur unum quid natura appellatū.
 Atque hæc est illa natura quæ ab Aristotele receptissima definitione di-
 citur principium, & causa motus, & quietis ejus, in quo est primo, & per
 se, & non secundum accidens, quam definitionem Philosophis explican-
 dam relinquo. Solum animadverto materiam esse principium motus
 passivum, formam activum. Unde ab Aristotele natura dup. ex esse di-
 citur, alia quidem, ut materia, alia ut forma. Accidentia verò, teste eo-
 dem, conferunt, secundum magnam partem, ad cognoscendum ipsum
 quid est, & sic tota natura sensibilis constituitur, quæ apud Metaphysicos
 non differt ab essentia rei; in quo sensu natura divina, natura angelica,
 natura humana, & alia similia dicuntur. Solumque differunt, quia quo-
 ties naturam dicunt, respiciunt ad operari, essentiam vero ad esse.

2. Phys. tex.
 8.
 1. De Anim.
 tex. 11.

Sed restringi oportet intra medicos cancellos, & quæ ibi magis
 communia sunt naturæ signifiata contemplari. Statuite pro hypothesi
 tres esse facultates corpus nostrum gubernantes, quarum prima dicitur
 animalis, in cerebro residens, & inde sensum motumque arbitratum
 per nervos, in universum corpus diffundens; altera vitalis, quæ exercet
 principatum in corde ex quo per arteriarum tubos, & calor naturalis,
 & pullandi facultas transmittitur; tertia naturalis quæ aetheri unicui-
 que membro sit indita ejus principatus in hepate sedem habet: hepar
 namque si non insit facultatem, at ceteræ materiam communicat, nem-
 pe sanguinem per venarum ductus, qui accretionis, nutritionisque vera,
 atque unica materia in sanguineis est, in exanguibus verò aliquid quod
 supplet vicem sanguinis. Singulæ harum facultatum scotism apud Ga-
 lenum naturæ nomine donantur.

In primis virtus animalis, quæ sola, inter reliquas libertatis in a-
 gendo est particeps, natura ab eo fuit appellata, quando dixit velle se in-
 telligere naturæ nomen pro omni facultate, quæ animal, sive volunta-
 tis nutu, sive citra hunc regat. Hæc ergo facultas nutu voluntatis ani-
 mal regens, nonne ea est quam animale appellavimus? Juxta hoc signi-
 ficatum Medicus naturæ errores corrigere censetur: quippe sentiendi,
 movendique facultas à causis præter naturam coacta, falsas edit sensa-
 tiones, motusque erroneos, quos Medicus sua industria causam auge-
 rens, morbificam ad meliorem frugem reducit.

2. de caus.
 sympt. c. 1.

Altera facultas est vitalis, in corde residens, hanc quoque idem
 Galenus naturæ nomine dignatur: nempe quando ait thoracis motum
 ab anima esse, cordis verò à natura; quasi dicat thoracem moveri ope
 musculorum, qui facultatem animale a nervis sibi insertis suscipiunt,

7. v. sup. c. 9.

*Advers.
Eul. 6. 5.*

cor verò moveri à natura, hoc est à facultate vitali, quæ natura quædam esse putatur. Juxta hunc sensum Medicus dicitur naturæ imitator, nempe in fine tam enim natura, quam ars unum, & eundem sibi finem proponit, vitæ custodiam, & sanitatis tutelam. Quando autem naturam non in fine modo, sed etiam in mediis imitatur, tunc accipitur natura pro facultate, tertio modo dicta, hoc est pro facultate naturali, e.g. quando, (ut advertit Galenus) contingunt evacuationes, quas natura factas esse dicimus, vel à natura, vel naturales, tunc observandæ sunt ut cum venerit occasio iis cum manifesto ægrotantis emolumento Medicus utatur.

*Hipp. Meth.
c. 15.*

Itaq; tertia facultas, quæ naturalem appellari diximus, magis proprie quam aliæ natura appellatur; quippe cum eam animam concupiscibilem Plato, animam vegetabilem Aristot. vocaverit, Stoici non animæ quidem nomine dignati sunt, sed naturā appellatūt. Stoicis adhæret Galenus quavis quasi precariò animam etiam sed cum addito naturalem abusivè dici admittat. Hæc facultas natura illa est de qua Galenus loquitur, quando postquam sanguinis missionem in omni febre putrida commendavit, rationem adjungens ait, levata namque, quæ corpus nostrum regit natura, exonerataque eo, quo velutifarcina premitur, haud ægrè, quod reliquum est, vincet. Itaq; proprii muneris haud oblita, & coquet quod concoqui est habile, & excernet quod potest excerni, Ecce coquedi & excernendi actiones quæ duarum facultatū naturalium, quas ministrantes appellamus, sunt, naturæ nomine comprehenduntur. Formatrix facultas quæ inter naturales recensetur, dici solet natura illa quæ membra nostri corporis efformavit, huic valde mirabiles tribuuntur effectus, de quibus alibi agendum est.

*Hipp. 6.
epid. sect. 5.
sex. 1.*

Non solum facultates, sed earum ministrum calorem naturalem naturam solent tum Hippocrates, tum Galenus appellare, v. g. cum dicuntur ventres hyeme, & vere natura calidissimi esse, natura, inquam, hoc est calido innato. In hoc sensu crediderim ab eodem fuisse dictum, *morborum naturæ medicæ*, quamvis enim Galenus ibi naturæ nomine intelligat vim quandam in ipsis corporibus quæ ab ea reguntur inhabitantē, nihilominus magis exquisitè loqueretur, si calidum innatum diceret, si quidem vis omnis corporibus viventiam inhabitans à calido innato est. Hippocrates autem de viventibus loquitur & de morbis, qui sunt passionnes viventium. Juxta hanc naturæ acceptionem Medicus naturæ minister appellatur, utpote qui in caloris innati ministerio semper satagit, sine quo neque salus neque vita constare queunt.

Temperamentum quoque apud Galenum adeo frequenter natum est,

est, ut nihil frequentius reperiri, hoc ipsemet fateatur, & in hunc sensum explicat verba illa aphorismi. In morbis minus periclitantur, quorum naturæ, aut ætati, aut habitui, aut tempori magis congruit morbus, quam quibus nihil istorum congruit. In hoc etiam sensu arbitratur Galenus naturæ nomen in toto libro *denatura humana* accipi.

Gal. 3, aph. 42.

Non est tamen existimandum temperamentum ad eam dignitatem accedens, ut natu ra dici queat, esse compositum quoddam ex quatuor qualitatibus, quæ dicuntur primæ, & nihil aliud.

Nam quis hujusmodi complexui qualitaturn mirabiles tribueret vires, quibus natura est prædita, nisi secum simul haberet sociam formâ substantialem, imo prædicti effectus, qui tam temperamento, quàm substantiali formæ attribuantur magis formam, quàm temperamentum sapiunt. Accipite ventriculi v. g. humani, quæ potestatem conficiendi chyli habet: non quemlibet conficiet chylum, sed talem, ex quo caro humana, non equina aut quælibet alia fiat. Nonne in hac actione forma substantialis affulget magis, quàm qualitaturn primarum complexus?

Siquis verò interroget cur Hippocrates in libro *denatura humana* neque formæ, neque materiæ, sed temperamenti, & humorum qui temperamenti sunt soboles mentionem fecerit? Responsio est in promptu. Medicum agebat, Medicus artifex est sensualis, res per sensum iudicans: ad sensum neque forma, neque materia spectant, neque etiam ad morbos ergo quæ philosophica erant omisit, quæ medicam auscultationem postulant tractanda suscepit.

Habet ergo temperamentū à forma quam sibi sociam adiungit, quod specificum dicatur, ut equinum, bovinum, leoninū, humanū & hoc ultimum præstantissimum omnium esse merito Galenus affirmat. Si vero quærat, cui nam cura incumbit distribuendi has formas per hæc temperamenta? scire oportet hoc animæ universi munus esse, quæ natura universalis dici solet, & à Galeno mens per omnia permeans appellatur. Hæc suas ideales formas, quasi radios diffundens, in progenitoribus vim imprimere respondentem (ut Aristotelis est sermo) elementis stellarum, quæ faciunt fecunda sunt semina: inest ergo semini sic fecundato virtus qua formæ tam quæ educuntur de potentia materiæ, quàm illa quæ de foris advenit, materiæ conjunguntur, ex qua conjunctione præfixum unicuique pullulat temperamentum, quod speciem infimam omnino complens specificum appellatur, & hoc totum est illa species infima quæ natura tum equina, sic de cæteris appellatur, tum etiam humana & habemus materiam libri *denatura humana*, hoc est de humano temperamento: formæ humanæ, & materiæ primæ adjuncto.

Acci.

Accipite humanum e. g. individuum quodpiam illudque per singulas ætates deducite, nusquam temperamentum specificum mutabitur, hoc enim immutabile est nisi velimus dicere Nabucodonosorem mutatum fuisse ex homine in bestiam, ex bestia in hominem, quod tamen falsum est; & quamvis verum foret, ad supernaturalem causam refertur. Permanebit ergo specificum, mutabitur tamen debitum unicuique ætati temperamentum, atque ita in puero, erit quidem per temperamentum specificum naturæ humanæ homo, per superadditum verò temperamentum, puerile, (quod similiter in aliis speciebus licet comprehendere) jam ergo nobis proponitur materia libelli *de natura pueri*.

Iterum individuum ducite per singulos sexus (distinctionem sexuum in animalibus perfectis nunc ex hypothesi accipite) in unoquoque sexu præter speciei ætatis temperamentum, dabitur aliud quod illi sexui cōveniat, si mas esse debet, masculinum, si fœmina, fœmininū. Iam ergo istud temperamentum sexus suam peculiarem sexus naturam efficiet, virilem, si vir est, sin mulier, mulierem, & sic habemus naturam muliebrem, à nobis diligenter conquistam quæ materia sit libri *de natura muliebri*.

Quoniam autem mores hominum corporis temperamentum sequuntur, mores etiam non solum apud Medicos, sed communiter apud omnes natura appellantur, unde est illud

Natura sequitur semina quæque sua.

sunt porrò viri, & mulieris temperamenta diversa diversi etiam mores, adeò ut mirari liceat quomodo in duobus individuis, unius speciei infimæ tanta contingit morum diversitas, quæ in natura humana magis cernitur, quàm in belluina: quippe belluas ducit instinctus, qui semper uniusmodi est, hominem voluntas, quæ libertatem habet adjunctam: præterea belluarum temperamentum in qualibet specie unius individui parum distat ab alio: omnes enim leones parum inter se temperamento distant: quippe cum una species brutorum uni tantum occupationi sic addicta, non oportet ut à natura habeat diversitatem temperamentorum. Homo autem infinitis propemodum actionibus dicatus varia obtinet temperamenta.

Sed diversitatem istam temperamentorū juxta sexuū discrimen, forsitan aliquis non admittet: quandoquidem mulieres virili animo præditas nobis narrant historiæ, quas longum esse referre, sicut etiam viros muliebribus exercitiis deditos. Huic dubio faciemus satis, duo pro hypothesi habentes, unum, cuique temperamento suam inesse latitudinem, quemadmodum sanitatis latitudinem Galenus nobis tradit; alterum

rum temperamentum muliebre deterius esse temperamento virili quod inferius tractabitur. Potest ergo vir delabi in deterius, & temperamentum imperfectum obtinere, quod tamen non egrediatur è suis terminis, atque ita temperamentum istud virile propter imperfectionem ad muliebre ferè accedet, dixi ferè quoniam natura, quæ imperfectionem abhorret, resistit, ita ut manens vir intra suos limites non abeat in fæminam, sed tamen quia ad fæmineum accedit, fæminæ similis evadet. talis est turba cinædorum, qui gentibus, verbis, & obscenitate morum fæminas imitantur. Ex altera parte fæminæ, quæ prope virile temperamentum perfectione accedunt, viriles inducunt mores.

Adhuc tamen argumentabitur aliquis: nam hæcenus probavimus duntaxat fæminas perfectione sui temperamenti posse accedere proximè ad temperamentum virile, oportet autem causam reddere cur mulieres quam plurimæ viros tam bello, quàm pace, tam in æconomia, quàm in politica, ac denique in literarum studiis viros superaverint. Respon- sionem incipiam ab axiomate celeberrimo Dionysij Areopagitæ supre- mum infimū attingit infimū supremi. Cum ergo temperamentum muliebre inferius sit poterit sua perfectione superiorem attingere, cum au- tem attingat, & magno impetu feratur ad id quod est melius extremos adhibet conatus, quibus, & suam muliebrem naturam, & virilem etiā aliqua ex parte transcendit. Magnam habere vim conatus naturæ nos docet Cræsi filius, qui à nativitate mutus cum militem conspiceret stri- cto gladio Regem Cræsum eius patrem jamjam obruncare parantem, adeo vehementer nisu seipsum impulit, & loquutionis instrumenta com- movit ut exclamaverit penitus in hæc prorumpens verba *ἄνθρωπε μή κτείνῃς Κραίστον* homo ne occidas Cræsum. Franciscus Valleriola refert quendam *In observ.* fuisse, qui resolutione multos annos laborans, cum diu resolutus mansisset, incendii metu, cum se à domo saltu præcipitem dedisset, domo, & le- cto prope incensis, incolumis, & probè incedens derepente factus est. Contingit sæpissimè ægrotantes vi morbi proximos interitui subito spe- cimen sanitatis præ se ferre, adhibente scilicet natura extremos conatus, quorum tamen vis parum durat, & lætitia vertitur in luctum. Hos au- tem conatus adeo universalis natura particularibus imperat, ut inanimatorum etiam genus eos exequatur, ut unusquisque in lucerna jam jam propter defectum olei extinctioni propinqua potest considerare.

Demum tam in sanitatis, quàm in ægritudinis statu hoc muliebris & virilis discrimen naturæ apparet, & in sanitate quidem multa contin- gunt mulieribus, quæ virili conditioni & sexui contingere haud qua- quam possunt. Menstruæ purgationes adeo mulieribus peculiare

habentur, ut usufrato nomine muliebria dicantur: quæ si desint, aut minuantur; si redundant, si prævertantur pravi ominis est, naturaliter fluentes utilissimæ. Has vir sanus non habet, licet ex morbo hæmorrhoidales sanguinis fluores patiatur. Laetandi tempore lac colligunt in uberibus, quæ in hunc usum sagax fabricavit natura; non sicut in viris, quorum mamillas tanquam navulos quosdam esse, nullius usus gratia dixit Damascenus. Non melatet Andream Lacunam testem se oculatum exhibere, non nullorum, qui in Lotharingia, & Germania purificationes muliebres ordinata vicissitudine patiebantur, & lac in mamillis gigneant, viri (ut ipsi notavit) in otio, & mollitie alti, totaque victus, & exercitiatione effeminati. Sed hæc portenta sunt prorsus contemnenda; nec recipiendus Aristoteles qui tanquam rem non admodum mirabilem in manibus etiam lac fieri posse ait.

Mulier præterea concepit in utero, & fœtum edit, nam viro etiam potest hoc idem contingere. Sunt qui annuant uno, vel altero exemplo freti. Dorotheus medicus (ut refert Phlegon Trallianus) in commentarios suos retulit, Alexandriæ in Ægypto cinædum peperisse. In Germania (referente eodem Tralliano) in exercitu Romano, quem T. Curtilius Mancias duxit, servus militis peperit. Q. Volusio Saturnino, & P. Cornelio Scipione Coss. Narrat Cælius Rhodiginus, apud Gymnosophistas Indorum quasi per manus huius opinionis autoritatem tradidit Budam principem dogmatis eorum è latere suo virginem generasse. Cæterum hoc fabulosum esse nec fidem ullam merere certissimum est: hoc, inquam tertium exemplum: neque enim è latere nisi per sudorem virgo illa in lucem edi potuit, aut sicut de Baccho postea canunt, qui prius in Jovis coxam fuit immixtus; postea aperta ruptura emissus. Alia vero duo priora exempla possibilia quidem sunt, dummodo parturientes non meros viros esse credamus, sed androgynos utrumque habentes sexum, utrumque fecundum. Hinc est quod huiusmodi duplici natura præditi cum ad ætatem cœundi accedant, à Magistratu acceffiri jubentur, & quò sexu uti velint interrogantur eo quem eligunt utuntur impune, altero uti capitale est; Quod autem Androgyni utroque sexu sint fertiles confirmat id quod Callistes credidit, Sabellicus detulit: nempe supra Natamonas Machlyes habitare, Androgynosque esse, utriusque videlicet naturæ, viribusque inter se coire. Aristoteles adjicit, dextram his mammam virilem esse, lævam muliebrem. Quod si verum est quod Dion prodit & Rhodiginus refert Psyslos esse omnes viros neque compertam esse psyllam fœminam, possumus dicere hos quoque Androgynos esse, & licet in concubitu aliqui eorum fœminarum partes

3. hist. c. 12.

An viri lac

producant,

vide Mercu-

rial de mor-

bis mul. l. 3.

in præfatio-

ne.

de mirabil.

et longavis.

lib. 14. Am.

lib. 6. 1.

lib. 4. ann. 1.

lib. 4. An-

sig. lib.

8. 23.


partes, agant, aliter nec conciperent nec parerent aut saltem ab imperfectis Zoophytis non differrent, nihilominus omnes, ne vicinis contempnui forent, virile specimen præ se ferre. Itaque hæc non impediunt quo minus foeminae perfectorum animalium peculiare sit tum in utero gestare, tum etiam parere.

In statu ægritudinis tot sunt affectus præter naturam, quorum participes sunt mulieres, viri autem immunes, ut quamplurimi viri doctissimi, Hippocrate ducente agmen, volumina non parva de morbis muliebribus scripserint. Interim sciatis mihi animum non esse expositorem agere in librum de natura muliebri, qui sub Hippocratis nomine circumfertur; tum quia liber iste multa continet quæ magis confutatione, quàm expositione egent; tum quoniam expositoris munus est verba, & sententias auctoris sui, rupto plerumque tractationis filo enucleare. Præstat igitur solitariam viam sequi, quam alteri inhærendo disturbare, & pedissequorum in morem herilibus inhærerè vestigiis. Favete animis non pauca vobis non prius audita in hanc scenam prodibunt, quæ spero fore jucundissima simul, & utilissima. Ea autem à me, in extrema senectute constituto, & colorino more cantante vobis

dilectissimi adolescentes

Sint quasi de Domini funere cæpta sui.





SECTIO PRIMA.

DISPUTATIO PRIMA

Discriminis inter utrumque sexum causa.

¶ *Leſio.*



Quoniam animalia non gressilia, ut testaceum genus, & quæ saxis adhærentia vivunt, natura plantarum simili constant, ut in his, sic illis mas, & fœmina dedit, sed similitudine quadam, proportionequæ, & utero gestare, & parere, & sexus nomen accipere dicuntur. Hæc est Aristotelis sententia sæpius repetita. Quare juxta ejusdem doctrinam, mas & fœmina de plantis & animalibus imperfectis ad perfectæ per proportionem analogæ possunt censerî. Ex omnibus autem his quæ non coeunt, sola palma rationem sexus univocè cum animalibus perfectis participare videtur. Tanta in hac planta vis est ad discriminandos sexus. Fœmina in subjectionis specimen masculo suos inclinât ramos; ejus vicinitate fertiliscit; absentia sterilescit, arefcit. Quod si fructum edere desinat, sui masculi semine quomodocunque aspersa surgit, & veluti concubitus oblectamento recreatur. Tandem si mas & fœmina non longo inter se spatio distent, ruunt in mutuos amplexus, & fortiter se se invicem implicant, adeo ut nullo nisu divelli queant. Hæc omnia cum admiratione accipimus; quis enim elicitos amoris actus, ubi nec amor est, neque cognitio, non admirabitur? Cur autem palma inter reliquas plantas hanc obrinuerit prærogativam, unum est ex iis quod in arcanas causas referri debet. Secus in animalibus perfectis, quæ ad coitum, per quem generationis opus peragitur, mutuis stimulis, tam mas quam fœmina agitantur.

Finalis causa inquiritur.

Si quis finem cujus gratia sexuum discrimen à natura omnium parente fuit institutum, inquirat, in non leves incidet difficultates, quas explanare operæ pretium erit. Inprimis si dicamus gratia generationis fuisse

fuisse datum, quæram ego si generatio omnibus tum animalibus perfectis, tum imperfectis, tum etiam plantis sit communis, cur similiter hæc distinctio non omnibus communis est? Imo videtur natura magis plantis, & animalibus, quæ plantarum more affixa vivunt, aliisque imperfectis & ex putredine ortis indulgisse quàm perfectis: siquidem illa uno sexu ornavit, hæc duobus oneravit.

Deinde alvi excrementa, & lotium naturam ad expulsiorem sui irritant & sine externo aliquo, & forinsecus adveniente stimulo ad exitum proritantur. Cur ergo semini non adveniet idem? Imo longe majore ratione semen debet non expectare aliunde stimulum: siquidem, ejus exitus delectat, mulros secum spiritus, quibus prorsus debetur, defert, & per membra transit exquisitissimo sensu prædita.

Tertio gallinæ ova subventanea edunt, mulieres molas, utrumque sine masculi consortio: de gallinis satis constat, de molis ita complures gravissimi authores, suo tempore nominandi ita sentiunt. Sunt, fateor, partus isti imperfecti, sed imperfectio ex ineptitudine materiæ advenit: agens autem quantum in se est, suo munere fungitur, nempe concipit & parturit fœmina absque masculo.

Quarto sexuum discrimen accidens est, accidens autem, & a desse, & abesse potest absque subjecti corruptione, absit ergo maneatque subiectum nullam corruptionem passum. Nonne hinc arguitur non esse istud discrimen sexuum necessarium; At si necessarium non est, non est cur instituaturnatura, quæ sicut non deest in superfluis, ita non abundat in necessariis.

Hæc tamen argumenta non tanti sunt, quæ nos cogant recedere ab Aristotelis receptissima sententia; quippe ait: cum principium sit eorum mas, atque fœmina, fit ut generationis gratia sit mas æque fœmina. In quibus verbis animadversione dignum est philosophum ex eo quod principium animalium sit mas, atque fœmina deducere generationem esse id cujus gratia est mas atque fœmina, hoc est generationem esse causam finalem. Duo sunt principiorum genera in animalibus; Alterum mediatum, scilicet mas, atque fœmina, alterum immediatum, videlicet semen, & sanguis menstruus. Vtrumque genus unum & eundem habet finem, nempe generationem, & merito: nam instrumentalis causa dirigitur ad finem sui principalis; mas aut fœmina imo utrumque generans est, utiturque instrumento nempe semine & sanguine menstruo. Id autem quod est principium, habere eundem finem cum suo principatu constat. Nam unum quodque agit propter finem, principium autem agit propter id cujus est principium, itaque generationis principium nullum.

Ar. 1. gen.
animal. c. 1.

nullum alium finem sibi proponit, nisi ut generatio recte succedat. Sic lux est principium diei, & diei gratia fit, hoc est ejus causa finalis est dies.

Gen. 1. 5.

Gen. 1. 5.

Probat etiam Philosophus sexuum discrimen ad generationem dirigi similitudine ducta, ab ordine universi: quemadmodum enim in universo natura terræ quasi fœmina, materque statuitur; cœlum autem, & sol, & reliqua generis ejusdem, nomine genitoris, patrisque appellantur; sic mas dicitur id quod in alio gignit; fœmina, quod in se ipso. Plures alias apud eundem reperietis hujus rei rationes, quas repetere tædiosum esset. Vnam ex D. Thoma elicere libet, quæ (sit dictum cum patre tanti viri) censuram videtur expostulare. Animalia, inquit ille, perfectæ, ut homo, non habent utramque virtutem activam, & passivam conjunctam, sicut plantæ, quæ ex semine fiunt: cum enim in his non sit aliud perfectius vitæ opus quam generatio, non oportebat omnitempore permissum esse utrumque sexum, sed coitus tempore permisceri. Hæc tamen ratio in via Aristotelis recipi posset: cum enim vim passivam duntaxat fœminæ tribuunt masculo duntaxat activam, rectè dicit Angelicus Doctor hominem non habere utramque virtutem activam, & passivam simul conjunctam. Cæterum nos cum Galeno (ut suo loco ex professo tractabitur) tenemus & fœmineum & masculinum dari semen, & utrique, tam efficientem, quam materialem inesse vim. Deinde deficit in eo quod debuerat nos docere cur ex eo quod generatio sit perfectissimum vitæ opus, sequitur non potuisse toto tempore permissum esse utrumque sexum, neque ut puto, hoc posset probare: quid enim impedit perfectio operis quæ minus agentia sint inter se perpetuo conjuncta? Crediderim potius dicendum, cum opus ejus sit natura, ut non jugiter, sed per intervalla fieri debeat, non oportebat utrumque sexum semper esse conjunctum, ne scilicet maneret ociosum, sed per intervalla etiam utrumque permisceri.

Denique probari potest sexuum distinctionem necessariam esse, ut generatio commode fieret; quoniam alioquin unumquodque animal perfectum intra se ipsum conciperet, & tunc duo damna sequerentur. Vnum quod continua seminis effluxio generationem impediret; alterum quod animal perpetua gonorrhæa laborans colliquaretur, quod damnum homini præcipuè, utpote facile colliquabili perniciosum esset.

Contra primum damnum potest aliquis argumentari, illud non esse verum: neque enim multitudo seminis generationem impedit, imò potius qui in matrimonio conjuncti mutua motis igne flagrant frequenter coire, & copiosam prolem gignere. Quod si meretrices quæ crebro coeunt, non concipiunt, id accidit quia diversorum hominum semina non

facile

facile in unum permiscetur; non autem quia ex crebro coitu semen plurimum augetur. Respondendum tamen est, aliud esse frequentiam coitus in qua datur intervallum, quo possit materia concreescere; aliud verò assiduus, & importunus seminis cōfluxus, quo uterus repletus intumescit, subvertitur, relaxatur. Nam quemadmodum helluones avidè cibos appetunt, cum verò fuerint valde repleti, eorum ventriculus subvertitur, nauseat, evomit: sic uterus salacitate sua seminis valde appetens, illud in se suscipit, quod si redundet vulva aversionem patitur, & non amplius illud amplectitur. Meretrices licet diversorum hominū semina suscipiant, possent tamen unum ex his apprehēdi, concreescere, & in fetum evadere. Cæterum frequens Venus facit ut vulva præ madore relaxetur & retentioni inepta reddatur. Diocles Medicus (ut refert Mercatorialis) habuit hanc opinionem ideo scorta infæcunda, quia in coitu non effundunt semen: propterea Messalina Imperatrix prostitutæ libidinis dicebatur quidem lassari, non tamen satiari, eo quod semen non emittebat. Attulit & aliam causam, quia ex frequente coitu vulva calidum contrahit & asperitates amittit; nec in semen potest continere, vel etiam quia uterus ipse resolvitur & uteri substantia.

Iraque generet homo intra seipsum: nunquid id opus cum voluptate fiet, an citra delectationem? si actio non sit voluptuosa, utiq; homo variis curis distractus operationem hanc utilissimam omitteret; si erit delectabilis tunc habens intra se delectationis instrumenta plus nimio veneti indulgebis, fietque *ἀμύστος καὶ ἀφιλόσοφος*; hoc est à Musis, & philosophia alienus, quod damnum similiter incurreret homo si intestinorū involucris careret (ut Plato annotavit relatus à Galeno) quippe in volucrorum defectu alimentum celeriter permeans, in necessitatem redigeret resumendi continuè cibum, insatiabilemque ingereret gulosis.

Gal. 4. de
usup. c. 17.

Solvuntur argumenta initio proposita.

AD quæsitum initio factum, cur scilicet si generatio omnibus, tam stirpibus, quam animalibus est communis, cur etiam non est communis sexuum discretio? Respondetur jam superius dictum esse plantas, & imperfecta animalia tametsi non habeant veros sexus, habere tamen quandam eorum similitudinem, quod manifestè ostendit; quam necessaria sit huiusmodi distinctio: siquidem ubi potest adesse, adest; ubi non potest, aliquid saltem ei proportionè respondens à natura est datum. Sic in simili sanguinem nutritioni maxime necessarium habent ea animalia, quorum

*Aristot. 2. de
part. ani-
mal. c. 2.*

quorum temperamentum sanguini gignendo est aptum, quæ verò generare sanguinem nequeunt ob innatam frigiditatem, habent quidem aliquid, quod verò sanguini proportionē respondet, quod non sicut Aristoteles. Si vero quærat, cur imperfecta sunt discriminis sexuum incapacia? in promptu est responsio: nam quæ affixa sunt, æquum est, ut producant semen, quod non aliunde expectet auxilium, ac proinde indistinctè, & marem, & fæminam in se conjuncta habens; quod si conjuncta fiunt, non oportet ut varietate sexuum dividantur; quæ ex putredine oriuntur, aliqua utrumque sexum habent, & procreant quidem, sed sui generis prolem, ut Aristoteles ait, quodque prodiit, nec est mas, nec fæmina; quare licet ex putri materia orta sexum habeant adeo debilis est, ut nequeat proli communicari.

*Aristot. de
gen. anim.
lib. 1. c. 1. &
lib. 2. c. 2.*

Addebatur in argumento naturam magis indulgisse imperfectis, quorum generatio fit uno tantum sexu, quàm perfectis, quæ duobus opus habent. Respondeo assumptum esse falsum: nam imperfecta, nullum habent sexum: jam enim superius diximus imperfecta non nisi similitudine quadam nomen sexus accipere. At nullum sexum habere, imperfectio quædam est in corporalibus: quippe sexus addit aliquam entitatem, tametsi accidentalem individuo: entitas autem, qua entitas perfectionem importat. Insurgit tamen aliqui, philosophi auctoritate munitus, qui ea, quæ perfectiora sunt, paucioribus indigere motionibus, ait, quàm perfectiora, unde videtur inferri animalia perfecta non indigere ad generationem pluribus quàm imperfecta, sed potius paucioribus, ac proinde non esse tribuendas motiones duorum sexuum perfectis, unam verò duntaxat motionem imperfectis. Respondetur pronuntiātū istud plures pati exceptiones, ut constat ex Aristotelico contextu. Quare dicendum est cum duo ad unum finem consequendum concurrant, qui finis respectu utriusque sit æqualis perfectionis, tunc verum quidem esse, ea quæ perfectiora sunt paucioribus egere motionibus. e.g. scientia tam respectu hominis rudis, quàm ingeniosi eiusdem est perfectionis: quare ad eam consequendam ingeniosus & subinde perfectior paucioribus eger motionibus quàm imperfectior, nempe rudis. Et ratio id postulat, nam perfectior intellectus magis propinquus est scientiæ, quàm imperfectior, ergo perfectior qualibet exigua motionē attinget finem; non autem imperfectior, qui longè à fine distat.

*A. 2. de Ca-
lo c. 12.*

Ad alterum argumentum, diversam esse rationem dicimus in excrementorum expulsionē, & seminis ejaculationē: excrementa naturæ molesta sunt, & prorsus inutilia, quare natura satagit ea propulsare, & ideo fibras habet expulsionī dicatas, sicque post finitam coctionem excretioni

cretioni incumbit. At ſemen paulatim mittitur ad teſtes, ad eorum nutritionem, ſicut aliud alimentum ad alitionem aliorum membrorum: quare ejus portione teſtes aluntur, quod ſuperest aſſervatur, & quaſi vaſis, in quibus ſervatur connaturale non ſtimulat ad ſui exitum, quodd ſi ſuperfluat, tunc qualitate ſtimulat: ſic in ſimili ſanguis naturæ noſtræ familiaris, ſi multus ſit, naturam irritat ad hæmorrhagias. Sic lac in mammis collectus, ſuperfluens exitum quærit, & ſponte delabitur; aut retentus gravat. Semen igitur ſi moderatam excedat quantitatem, nocturnis pollutionibus ſpontaneum quærit exitum, ſin minus gravat. Unde Galenus commendat Diogenem Cynicum virum alioquin omniū mortalium, quodd ad continentiam pertinet, conſtantriſſimum, qui Veneti indulſit non ob copulatam cum illa cupiditatem, ſed ut damna; quæ ex retento ſemine eveniunt, evitaret. Poſſe autem diſſuetudine coſuendi, ut ſemen non gravet, ut contingit viris ſanctimoniam vitæ proſequentibus; & Galenus narrat concigiffe cuidam, qui uxoris mortem lugens, & à concubitu, quo antea creberrimè fuerat uſus, incidit in cibi inappetitiam, & coctionis debilitatem, actandem in affectum melancholicum, qui rediit ad priſtinam conſuetudinem, ſanus evaſit, & credibile eſt illum poſtea paulatim inducta diſſuetudine, potuiſſe à Venere immunem vitam agere. Sed de his ſatis.

*Gal de loc.
aff. lib. 6. c. 5*

Ad tertium. Non rectè ova ſubventanea, & molæ adducuntur ad probandum poſſe ſæminam ſine virili ſexu prolem gignere. Imo proriſus oppoſitum. Nam ſi ſæmina ſine viro poſſe gignere, gignat, at diceris gignit gallina ova ſubventanea, mulier molam ob materiæ ineptitudinem. Perſicacia quidem eſt velle, ut ſæmina ex materia inepta gignat inuſile, ex apta autem nihil. Demus ſæminam ab omni materia prava liberam, hæc ne gignet: proſectò ſi ita eſſet, excuſationem haberent viduæ, ſolùm recto victus ordine utentes abſque viri commercio, dicent ſe gravidæ eſſe factas.

Præterea una eadem gallina habet ſimul intra ſe ova ſubventanea, & ova perfectæ. Hoc non aliunde provenit, niſi quodd ova perfectæ ex portione ſeminis masculini ſunt facta, ſubventanea autem abſque masculini concuſſu. Diceris tamen non ita eſſe, ſed utraq; ſine maſculo fuiſſe producta: nempe ova perfectæ ex perfectæ materia. Sed ſi hoc ita eſt, cur virtus formatrix non minus perfectè figuravit ſubventanea quàm alia? cùm tamen debuiffet in materia perfectæ perfectam imprimere figuram, ex inepta autem monſtrum producere. Itaque ſubventanea ova accidere ſolent ex redundantia materiæ, quæ materia cùm non ſit maſculino, ſæmininoque aſperſa ſemine, efficit æquivocè ova talia, quæ ſub-

ventanea, seu zephyria appellantur. Sic ex redundantia materiæ procreantur fructus præcoces, qui fructus veri appellari nequeunt, sicut iam prope plantas ingentes pullulant virgulta. De molis non est cur loquamur: sunt quippe morbi, & causam habent præter naturam, ut lapis in renibus, & vesica, atque alia adnata, quæ in corpore germinare solent.

Ad quarum fatemur sexum esse accidens, & forsan nil aliud præter modum quendam, utcumque tamen sit, esse intrinsecum & inseparabile, & profluens ab essentia rei non aliter, ac risibile in homine, ac proinde non posse à subjecto, quia subjectum sui corruptionem patiatur: abest tamen à corporibus animalium imperfectorum tanquam à subjecto minimè apro, de quo jam satis, superque dictum est.

3, Sectio.

Inquiritur causa efficiens.

Discretio ista sexuum, de qua agimus, accidens esse diximus, aut modum quendam, quo forma substantialis afficitur, materialiter resultat ex membrorum genitalem differentia: quippe genitalia, sic, aut sic composita materia, quodammodo sunt huius, aut illius sexus. Formaliter verò ex dissociata societate: etenim quoddam masculinum & femina sunt duo dissociata, & tamen inter se unibilia est peculiaris ratio utriusque sexus. Hæc tamen metaphorice dicta sunt: quid ergo de causa efficiente dicendum? profectò eum debet sexuum distinctio causæ modum habere, quæ reliqua accidentia habent, quippe omnibus convenit non fieri per se, verum ut inita subjectis. Et sic velut albedo non fit per se, verum ut unita corpori colorato, sic sexus per se non fit, sed ut unitus substantiali individuo. Ego magis propriis comproduci quam produci dixerim. Itaque querere, quæ sit causa productiva sexuum, est querere, quæ producat individuum sexuum discrimine affectum: quemadmodum enim querimus quid corpus visibile efficiat necessario coloratum, sicut etiam querimus quid subjectum generans de necessario sexuum differentiis vestiatur.

Quid sentiendum in Aristotelis doctrina.

Quarite istud problema ab Aristotele, nec vobis unam & eandem utriusque sexus causam reddet, sed masculinum dicit fieri à generante, quippe generans quod effectivam vim habet, apud eum est masculus, qui intendens gignere sibi simile, masculum effecit; femininum verò nullam causam habere, siquidem in eius doctrina femina est monstrum, sed monstrum fit præter intentionem agentis, nihil autem præter intentionem

intencionem agentis propriè fit, agens enim agit ex intentione finis quare monstra per resulantiam dicuntur fieri.

Verum quod attinet ad masculinum, quæstionem expostulat, quam suo loco, ex professo ventilabimus: nam scilicet solus pater concurrat effectivè in generatione, an etiam mater. Nunc solum dicimus Aristotelis sententiam fuisse, unum duntaxat esse semen nempe paternum, & hoc esse quod efficit & licet nos cum Galeno contrariam sententiam tuemur, nihilominus nunc supponere oportet Aristotelicam esse recipiendam & videre utrum juxta eam rectè sequatur masculinum semen esse masculini sexus causam. Videtur autem affirmativa pars vera, siquidem ex communi axiomate agens assimilat sibi passum, quod non solum debet intelligi in specie, & figura, sed etiam in sexu.

Vt tamen ingenuè loquar, mihi contraria opinio potior videtur: videlicet, non ex eo quod mas solus generet, rectè sequi prolem necessariò debere esse masculum. Nam quod agens assimilet sibi passum, à natura institutum est ut species conservetur & hoc spectat tam ad animata, quam ad inanimata. Propterea assimilatio in specie prorsus necessaria est: neque enim, nisi monstrosè leo generabit equum, nec equus leonem: nec imbellem feroces progenerant aquilæ columbæ. Assimilatio in figura duplex est, una quæ respicit speciem, & hæc necessaria est, unde humano capiti cervicem jungere equinam monstrum efficere est; alia quæ respicit individuum & hæc non est omnino necessaria: proinde aliqui fiunt patri similes, alii matri, alii vero neutri. Vnde Aristoteles quando ait quod non est simile parentibus, monstrum est, intelligit in specie, aut saltem in figura specifica. Cur ergo non est necessarium assimilari prolem parentibus? nempe quia isthæc assimilatio nec si adsit conservat speciem neque si desit eam destruit. Accedo ad similitudinem in sexu hæc non est necessaria ad conservationem speciei imo vero si solus mas (ut putavit Aristoteles) generat, similitudo agentis ad prolem destrueret speciem; quippe efficeret ut omnes essent mares ac proinde perfecta animalia varietate sexuum deperdita, non possent generati. Quare duobus nominibus evanescit causa efficiens masculini sexus ex Aristotele deprompta: tum quia supponit solum masculum habere vim effectricem; tum quia licet ei hoc admittatur non in drectè colligit ex masculo non nisi masculum.

Nec magis feliciter versatur in inquirenda causa efficiente femini sexus, reducens eam ad non causam: quia, ut existimat, femina est monstrum, monstra autem ut sunt præter intentionem naturæ, sunt similiter extra omnem causam: nam non datur causa efficiens quia etiam de-

tur finalis. Non desunt aliqui Aristotelis per fas, & per nefas defensores, qui tueri volunt, eum non existimasse fœminas esse monstra & ad hoc sibi persuadent quoniam ipse multoties fœminas quidpiam necessarium esse dixit, monstrum autem nullum necessarium est. Cæterum mihi Aristoteles videtur in hoc mediam quandam suscepisse viam. Nam ex una parte fœminam naturæ læsionem, marem læsum, discessum naturæ ex proprio genere, principium degenerandi & tandem monstrum appellat. Ex altera verò parte nunquam ei aliquod ex prædictis nominibus tribuit quin protinus adjungat particulam aliquam moderantem nempe, quasi, aut quodammodo, aut aliud simile. Ut quando dicit *fœmina quasi mas læsus est*; & alibi, *sexum fœmineum quasi læsionem naturalem, & detrimentum esse putandum est*. Alibi, *qui suis parentibus similis non est, monstrum quodammodo est*, & iterum *discessit enim in eo quodammodo natura ex proprio genere*. Rursus *initium primum degenerandi est fœminam generari non marem*.

*Arist. 2. gen.
an. c. 13. c. 6.
4. c. 3.*

Facile ex his colligere possumus eum nunquam ausum fuisse liberè, & absolute fœminam in monstrorum catalogo reponere; nunquam rursus sibi persuasisse fœminam à suspitione monstruositatis liberari, unde eam jure monstrum autogenum, hoc est sui generis possumus appellare, hoc est cum nullo monstro communem neque à monstri conditione exemptam. Causam cur ita senserit, existimo esse quia ex conditionibus quæ ad monstrum constituendum requiruntur, aliqua fœminis adsunt, aliæ verò desunt. In primis, in ejus doctrina, uti jam diximus, fœmina est præter naturæ agentis intentionem, & ecce una & satis præcipua conditio monstrorum, sed ex adverso, deest ei una celebris conditio quæ requiritur ut sit monstrum: nempe esse rarum; quippe fœminarum magnus est proventus, qualis ad propagandam sobolem est necessarius, & hinc sequitur deesse aliam conditionem, nempe ut sit inutile, mulier namque, vel ipsomet Aristotele fatente, est quidpiam necessarium. Cæterum cum fœminæ tor desint condiciones ut fiat monstrum, cum illa conditio quam habet, nempe fieri præter intentionem naturæ, non sit justa, ut inferius patebit, possum fœmina eximere ex monstrorum consortio, & hanc maculam, quam fœmineo sexui inussit Aristoteles inurendo viceversa Aristoteli aliam maculam, videlicet erroris, possumus diluere.

Componere nunc hanc litem D. Thomas: quippe ait fœminam respectu naturæ universalis à natura intentam esse, ut humanæ speciei propagatio continetur & sic dicitur ab Aristotele ejus generationem esse necessariam: oratione autem particularis agentis, non esse exintenuone naturæ; quippe agens particulare, scilicet masculus, qui solus agendi

agendi vim habet, intendit gignere sibi simile, nempe masculum, & secundum hanc rationem est monstrum. Verum tamen hæc D. Thomæ doctrina, tum quia cum Aristotele, masculo duntaxat agendi vim tribuit; tum quoniam inter naturam universalem, & particularem discordias ferit, nunquam mihi placere potuit. Sed quod attinet ad vim agendi soli masculo tributam, non est hic locus examinandi hanc proportionem, quod verò attinet ad discordiam inter utramque naturam, nullo modo toleranda est.

Itaque naturam particularem semper naturæ universali obsequium præstare neque unquam unam ab altera dissentire multipliciter probari potest. In primis doctrina innata est naturæ universali: quippe ab ea particularis dirigitur, docetur, universalis autem est, quæ ab Hippocrate indocta appellatur utpote quæ sine doctore est & à nemine docta inferiorem naturam docet sic pullus equi mox natus calcitrans, canis edentulus adhuc mordere tentans, avis adhuc implumis volare tentans, hæc omnia officia unumquodque individuum particularis naturæ beneficio peragit, sed edocta ab universali quæ specierum actiones novit. Accedamus ergo ad rem nostram duo semina masculum, & fæmineum in utero conjunguntur in unum ut fiat quoddam mistum quod possit generationis opus completere. Quisnam efficit hanc conjunctionem? nempe natura communis: quippe hæc actio respicit universi regimen, alioquin si conjunctio utriusque seminis cum sanguine menstruo non fieret in pondere & mensura, prout convenit propagationi sobolis, natura particularis ad quam pertinet duntaxat cum suo individuo operari, non posset ita mensuram miscibilium seminum distribuere, ut tot efficerentur mares, tot fæminæ secundum propagationis necessitatem.

Itaque natura communis est quæ facit ut semina diversam missionem fortiantur, & in hoc prævaleat sexus masculinus, in illo fæmininus: natura verò particularis agit secundum dispositionem quam reperit in materia, si præpollat masculinus sexus generabit masculum, si fæmineus fæminam. Quare neque respectu naturæ communis neque particularis erit unquam fæmina monstrum. Non natura communis, quoniam hæc non habet à quo impediatur quominus rectam miscibilium mensuram, prout oportet, distribuat, non naturæ particularis, quippe hæc si in semine sexum fæmineum præpollentem inveniat, nulla distrahi potest à generatione fæminæ, quod si distrahitur, erit quidem monstrum, sed non erit fæmina & sic fæmina nunquam erit monstrum.

Nec tamen aliquis existimet me velle in semine virili ponere virtutem determinatam ad producendum sexum virilem in semine fæmineo

ad sexum fæmineum. Sed quemadmodum in composito ex quatuor elementis, unum prævalet, nec tamen prævalenti soli, ac per se tribuuntur operationes sic in semine uno misto ex duobus adest uterque sexus permixtus, quorum alteruter prævalet, tamen effectus licet sit similis prævalenti, non tribuitur ei soli, sed prout est simul cum alio.

Dixit alterutrum prævalere, sed cur uterque pares non habet vires: quia scilicet difficile est pugnantibus inter se extremis obtinere naturam ut in statu exquisitè medio consistat. Sic novem sunt temperamenta octo, ut sic dicam, imtemperata, medium temperatissimum & exquisitum, cum tamen natura medium semper appetat tamen extrema hinc inde distrahentia efficiunt ut non nisi rarissimè in medio possit subjectum consistere, quod si accadat, momentaneum est, & sunt complures auctores qui temperamentum medium ad pondus non posse dari autument, Porro in mixtione seminum vix unquam dabitur medium adeo justum, ut ad nullam partem deflectat, si tamen aliquando detur fœtus erit hermaphroditus, qui propterea rarissimus esse solet.

Altera probatio ad confirmandam conformitatem utriusque nature tam communis quam particularis inter se, est huiusmodi. Si fæmina est præter intentionem nature particularis, erit contingenter talis, nam quod non est ex instituto contingenter dicitur esse. Erit ergo fæmina contingens quidpiam sed contingens opponitur necessario jam ergo fæmina non erit quidpiam necessarium, cujus tamen contrarium pluries affirmavit Aristoteles. Cæterum sic ita fæmina contingenter fiat, subibit ergo leges contingentium, contingentia ita sunt, ut possint non esse, possibili autem posito in actu nullum sequitur absurdum: si possibile est fæminam non esse, non sit remanebit solus masculus, sed solus masculus non potest generare, peribit ergo generatio. Nihil hic potest responderi, nisi in eo casu naturam communem auxilium allaturam, impediendo ne omnino fæmina desinat esse. At hoc est quod intendendo probare: nempe actionem nature particularis, sive necessaria, sive contingens sit, à natura universaligubernari ac proinde nullam inter utrumque posse nasci dissonantiam.

Tertia ratio. Natura universalis versatur circa conservationem specierum infimarum easque sustinet, & tuetur, sed species hæ infimæ consistunt in forma substantiali, cujus generatio ad naturam particularem perinet, jam ergo utraque natura intendit idem, non potestque una ab altera intentionem habere diversam. Sed dicit adhuc aliquis convenire quidem inter se hæ duas naturas ratione objecti, cæterum de muliebri, aut masculo sexu nihil est sollicita universalis, satis enim sibi est quod

quod species conservetur sive sub hoc sive sub illo sexu. At si curam habet, inquit, ego, conservationis specierum, cura simul necessario ei inesse debet omnium quæ ad hanc conservationem requiruntur: Requiritur ad conservationem generatio, ad generationem distinctio sexuum, quis ergo dubitabit sexuum discrimen ad hanc universalem naturam spectare. Spectat, respondebit adhuc, nempe ad discrimen sexuum indiscriminatum: cæterum quod singulariter hoc individuum sit masculum, illud verò fæmineum, naturæ particularis est munus. Est quidem munus, respondebo, naturæ particularis, sed quatenus ab universali gubernatur, ut satis superque manet demonstratur. Nihil itaque in hac causæ efficientis inquisitione nos docet Aristoteles, quod recipi dignum videatur.

Quid in doctrina Galeni tenendum sit.

Vocemus igitur, & invocemus in hoc procelloso mari Galenum, qui nobis aliquam afferat serenitatem. Postulamus ergo ab eo ut hanc distinctionis sexuum efficientem causam nos doceat. Ille ad excessum, defectumue caloris primariò eam refert: cum enim sexuum diversitas in genitalium diversitate consistat, genitalia autem maris, & fæminæ nullam inter se habeant diversitatem præter illam quam calor præstitit, meritiò recurrere posse putas ad calorem membra isthæc vel foras projicientem præ excessu vel præ defectu recludentem interius. Omnes igitur, inquit ille, quæ viris insunt, partes in mulieribus etiam reperias, nisi in eo duntaxat discrepent (quod in hoc toto sermone tenere memoria oportet) quod in mulieribus quidem partes hæc intus sunt reconditæ, in viris autem sunt extra ad nuncupatum perineum: veras enim harum priores mente volēs concipere, mulierum quidem extra invertendo, virorum autem velut introvertendo, atque replicando, omnes sibi inter se similes invenias. Sic ille. si verò quomodo, & à quo isthæc situum diversitas contingat, velimus inquirere id à eo paulò inferius addiscemus, qui in hunc modum rem exponit, agens de fæminarum genitalibus: partes enim ipsius formata intus fuerunt, dum ipsa utero adhuc gestaretur: cum autem extare, & foras emicare præ caloris imbecillitate non possent, ipsum quidem animal, quod conformabatur, imperfectius eo, quod undique est absolutum, reddiderunt: toti verò generi utilitatem non aspernendam præstiterunt; oportebat enim quandam esse fæminam.

Gal. 14. de usu sup. c. 6.

Siquis autem est cui hæc Galeni doctrina placeat, necessario prius viros anatomicos debet consulere, si forsitan huic genitalium membrorum inter virum, & mulierem similitudini assensum præstant. Puto eos in-

venta-

ventarum unanimiter adversantes, mirorque Galenum alioquin anatomizadeo addictum, ut sine ea neminem medicum appellandum esse censuerit, cur in hac genitalium ita cæcutierit ut videatur ab autopsya omnino in hac parte alienus. Ex virilibus membris inversis, putat ille fæminea fieri posse, & rursus ex inversis fæmineis virilia evadere. Retrahit ille imaginatione duntaxat virilia membra, ut sic fæminea evadant, quod quam feliciter sibi successerit unusquisque judicet. Cæterum muliebrium genitalium descriptio prostat apud anatomicos, præcipuè apud Andream Laurentium: ex qua facile colligitur, ingens differentia, quæ inter hæc & virilia existit: eandem descriptionem scripsit eleganter Bonacciolus in sua enneide muliebri.

Sed quando omnia in Galeno tolerari possint, illud intolerabile est, quod non minus quam Aristoteles fæminam monstrum facit: quandoquidem vult intentionem naturæ esse ut genitalia foras promineant, quod cum natura præ debilitate caloris non possit assequi, relinquitur animal imperfectum, licet utile generationi, ut dici possit rectum ex errore ac proinde casu accidisset fæminam fieri conveniretque Horatianum illud dicere

————— *Amphora capit*
Institui, currente nota, cur urceus exit?


Sed dicat mihi Galenus si in muliere non potuerunt genitalia foras prominere, cur nanis, oculus & aures in ea prominent? Et è contrario cur in viris vesica & intestina & alia intus reclusa manent? Deinde cur si fæmina biliosa est calidior viro pituitoso, non contingit biliosam fæminam habere genitalia prominentia: pituitosum virum eadem retracta? Nec mihi dicatis mulierem posse esse calidiorem quoad reliquas partes, semper verò quoad genitales frigidior: ne, inquam, ita respondeatis: nam dabo vobis mulieres salacissimas, viros autem ad coitum impotentes, isthæc autem salacitas, isthæc impotentia intemperiem non aliarum, nisi genitalium partium indicat. Vallesius ait mulieres posse esse circa illas partes calidiores ob victum calefacientem, & exercitium plusquam pro ratione sexus. At ego interrogo cur non etiam possunt esse fæminæ à primo exortu secundum illa membra calidiores. Tenebatur etiam ille nobis ostendere, quare caliditas in primo exortu fecit membra prominentia, caliditas verò postea acquisita minime? Hæc sunt quæ impossibilem reddunt causam efficientem discriminis sexuum, quam à Galeno potuimus elicere.

Resolutio questionis.

Facultas formatrix, quæ præ omnibus facultatibus naturæ universali obsequens est, similitudinem in primis natorum cum progenitore in specie molitur, sed hoc totum debetur semini in quo potestate continetur id cuius est semen. v. g. in semine hominis continetur homo in potentia. Deinde efficit similitudinem natorum cum parentibus in figura: est autem figura duplex, una specifica, & hanc tuetur quantum potest: utrique si ab illa desciscat proles monstrum erit, nempe si humano capiti cervix equina apponatur. Altera figura est individualis, quæ prolem individuo generanti similem efficit, quandoque nempe parri, quandoque matri, quandoque etiam duo. & nunc in tota effigie, nunc una vel altera parte; circa hanc naturæ particularis hoc est facultas formatrix quasi ludibrio versatur, utpote in reminimè necessaria, unde contingit aliquando prolem nulli suorum similem esse, nec propterea monstrum reputantur: nam quod Aristoteles ait, quod parentibus non est simile, monstrum est, intelligitur de similitudine vel in specie, vel in figura specifica.

Tertio loco eadem formatrix, prout à causa universali docetur, membra genitalia, præcipuè testes, vel viro vel fæminæ idonea fingit. Dico præcipuè testes quia horum præsentia virilitas acquiritur, abscissis corpus redditur muliebre. Et quod Galenus ait non opus esse ut prius exuamus, quo d differenciam membrorum speculemur, sed indatos, & o. *Gal. 2. de sem. c. 5.* petros satis cognoscimus, verissimum quidem est: quippe in muliere suæ corporis motiones sunt à motionibus virorum diversæ, & toto corpore conspiciamus an mas, an fæmina quodpiam sit: neque enim in homine, sed in reliquis etiam animalibus hoc apparet, cæterum hæc diversitas corporis à testium diversitate provenit, cuius rei argumento esse potest castratio quæ masculis muliebrem infert corporis, molliciem, artuumq; flexionem. Itaque formatrix ex naturæ universi dispositione, quæ etiâ corporum cælestium interventu operatur, unde sub quodam aspectu generantur magis fæminæ sub alio mares, formatrix, inquam, fingit genitalia membra iuxta impresionem in semine factam, & sic variat generationem maris & fæminæ. Dummodo tamen intelligatis præcipuam dispositionem esse ab ipso generante: quippe uterque generans confert semen, fitque ex utroque simul cum sanguine menstruo unum compositum, in quo prævalere potest huius aut illius sexus rudimentum quoddam, quod formatricem ad productionem talis sexus facilem reddit. Accedit regio & anni tempus, sic septentriona-

les mulieres frequentius fœminas pariunt, & hyeme magis quàm æstate, sed hoc pertinet ad fœmineum temperamentum, de quo jam agere agredimur.



DISPUTATIO SECUNDA.

De muliebri temperamento.



Fœminarum temperamentum, prout fœminarum est, siue earum operationibus vitalibus inserviat, siue probis generationi, semper comparatione ad masculum est inquirendum: quippe fœmina ad masculum, respectum dicit saltem transcendentem. Propterea dum muliebri temperamentum inquiremus, ad virum convertimur, & quid respectu habito ad illum respondendum sit, perserutemur. Supponentes insuper cum de mulieris frigiditate loquimur non accipi frigiditatem simpliciter, velut eam habent animalia ex sanguine, sed intra terminos humani temperamenti, quod omnia optimum censetur: cum autem habeat suam latitudinem, in hac potest unum individuum differre ab alio. Differunt quidem in eodem sexu, ut mulier biliosa à muliere pituitosa, sed multo magis in diversis, ut mulier à viro: quamvis ergo mas, & fœmina in eadem sunt specie, ut inquit Aristoteles, nihilominus individuale temperamentum duplex; alterum quod unicuique individuo, ratione suæ propriæ individualisq; naturæ debetur; alterum quod ratione sexus; de hoc ultimo nobis est sermo.

Argumenta, quæ per suadere videntur mulierem viro calidiorem.

Democritus, & Parmenides, atque etiam author operis de morbis mulierum, qui Polybus fuisse perhibetur, mulieres viris calidiores esse dixerunt, neque vero legislatorum more, sed adhibita ratione fuerunt loquuti. Nam priores duo, caliditatis mulierum emissionem menstruorum argumento, esse posse, sic referente Aristotele, existimant. Tertius Polybus exemplo lanæ, quæ ob raritatem suam in semul-

A. 1. gener.
animal. c.
20.

A. 4. gen. a.
animal. c. 2.

tant

tam suscipit humiditatem probare contendit feminas quarum carnes raras esse putat, multum sanguinem in se ipsis imbibere, sanguinemque mulierum quam virorum calidiorem esse pronunciat.

Potest hæc eadem sententia aliis persuaderi rationibus: cum enim testes non ita sint inutiles ut existimavit Aristoteles, quippe eos adjectos *A. 1. gen. a. 2.* pendere dixit, eo modo quo pondera textrices telis annectunt, ut scilicet *nimal. 5. 4.* meatus apertos fervent: testibus namque detractis meatus intro se retrahere illius opinio est, sed longè præstantiorem habentusum, quem iis tribuit Galenus: videlicet vim quandam ab illis in totum corpus dispergi, quæ quidem in maribus robusti, & masculi habitus, in feminis ipsius *G. 1. de fem. 6. 16.* femineæ naturæ in causa est, quare inter membra præcipua recensentur velut cor, & cerebrum. Hi quia feminis intus sunt retracti, commodius possunt corpori caliditatem communicare.

Deinde cum argumentum calori tribuatur: neque enim aliud quicquam, ut Galenus ait, animal ab initio efformavit, sicut neque rursus adauxit, aut usque ad mortem enutrivit, præterquam calor innatus; cum rursus feminæ celerius augeantur, rectè inferitur feminas esse calidiores. Celerius augeri feminas dixit Galenus explicans illa Hippocratis verba: *Concretum est; constitutum est; citius motum est; coinquatum est, & tardius augetur, & per longum tempus.* *G. epid. 3. 2. 1. 45.* In commentario Galenus feminas ait citius adolescere & prius desinere augmentari.

Præterea confirmatur idem manifesto brutorum exemplo: etenim in genere avium rapacium feminæ velociores sunt maribus, velocitas autem calori debetur, sicut segnities frigori; in genere quadrupedum læna leone, & ursula urso ferociiores sunt, in specie equina equæ equos cursu antecellunt. Hæc omnia calidiores esse feminas quam masculos attestantur; neque ulla assignari potest ratio cur humanæ speciei idè non accidat.

Contrariam sententiam veram esse demonstratur.

Non tanti sunt prædicta argumenta, ut possint veritatem evertere: verissimum itaque est feminas viris esse frigidiores, eo tamen frigiditatis gradu, qui generationem non impediat, sed potius vivet: ut enim generandi opus rectè perficiatur, necesse est ut masculini seminis caliditas ab altero femineo attemperetur, attemperatio autem mediocritate fit: nam si femineum esset valde frigidum spirituosa pars seminis, in qua genitalis vis residet, præ frigore extingueretur, unde mulieres lapsæ per frigiditatem nisi viro excellentem calorem habenti jungantur non concipiant;

ciunt; ex altera parte viragines tametsi intra limites fœminei sexus temperamentum possideant, quia tamen illud est valde calidum ineptum ad attemperandum virilem calorem censentur, neque prolem gignunt nisi cum viro admodum debili jungantur. Hæc disparitas utriusque seminis postulat ut vir, quippe magis activus, calidior debeat esse, mulier magis actionis susceptiva, frigidior, hoc est, minus calida.

Porro fœminam frigidiorē esse doctrina est Hippocratico fonte derivata, quippe in opere de diætâ fœmellas, ait, ab aqua magis, & à frigidis, ac mollibus, & humidis tum cibis, tum potibus augeri, itemque studiis, & exercitiis: masculos vero magis ab igne, à siccis videlicet, ac calidis cibis, & reliqua diætâ. Si igitur fœmellam procreare velit, diætâ ad aquam vergente utendum est: si verò ad masculum, exercitiis, & victu ad ignem tendere utetur. Et paulo inferius suam mentem manifestius aperiens, inquit ex omnibus masculos calidiores esse, & sicciores, fœminas verò humidiores, ac frigidiores: propterea quòd ab initio utriusque in talibus geniti sunt, & à talibus augescunt. Hinc apparet error Scaligeri existimantis parem esse mulieris & viri calorem, in muliere autem propter adjunctam humiditatem minus apparere, quod si ita esset non forent principia generationis fœminarum frigidiora quàm virorum.

Hippocratem sequitur Galenus, apud quem nihil frequentius est quàm repetere fœminas viris esse frigidiores. quod in libris de usu partiū, pulchra quadam, meo iudicio, demonstratione confirmat in hunc modum. Fœtus ipse materiam postulat copiosam non modo ad primam sui constitutionem, sed ad omne etiam deinceps incrementum. Proinde duorum alterum accidat ipsi est necesse, aut ipsius utero gerentis alimentum rapiat, aut superfluum accipiat: verum rapere quidem non erat melius: superfluum verò assumere non poterat, si fœmina exquisitè calida: discerneret enim ipsum sic, & faciliè exsiccarer. Frigidiorē igitur eam eo usque fieri satius fuit, quoad alimentum, quod coxisset, ac confecisset, totum discutere non posset: quod enim est frigidius, ne concoquere quidem potest, quod verò planè est calidum ut concoquere, ita discutere validè potest: quod igitur non ita multum ab exquisitè calido relinquitur, & coquere satis, ut quod non amplius est frigidum, & relinquare aliquid superfluum potest, seu quod non vehementer adeo sit calidum. Hæc igitur est frigiditatis fœminæ utilitas.

Hæc ratiocinatio ferè contemptim recipitur ab Antonio Ponce utpote quæ à fine sumpta est, alteram tamen ipse ex sua penu depromptam affert, nunquid non etiam à fine? imo maxime: adeo potens est ad obcæcandos hominum animos philautia: ejus autem ratio sic habet. Fæmina

H lib. 1.
de diætâ.

Exercit.
224.

Gal. 2. de
temp. c. ult.
3. de sem. c.
4. c. 5.
14. de usu
part. c. 6. &
5. aph. 42. &
69. & 73.
caus. pul. c.
2.

Ant. Pont.

mina est animal, quod generat in se. Per hæc autem verba significatur duo: & quod sit appetitiva activi perfectientis, & quod sit receptiva illius. Ad quæ oportuit ut esset inferioris caloris ut novum reciperet, & illum appeteret. Hanc rationem suus autor sumptam esse putat à proximioris rei natura, forsan quia hæc sumitur à fæmina concumbente, illa à fœtu materiam postulante. Cæterum quoniam cum Galeno videtur velle contendere, uter melius demonstraverit, aliorum iudicium esto.

Accedo ad Aristotelem, qui in eadem cum Hippocrate sententia est, & cum pluries fæminas maribus frigidiores esse repetat, plura assert fundamenta: nonnunquam enim in coctione fundatur & hanc fæminas comparatione ad mares debiliorem habere censens, adjungit: *si omnis coctio à calore efficitur, mares quàm fæminas esse calidiores necesse est.* Interdum fundamentum suscipit à mole corporis, quæ fæminis quàm viris minor esse solet. Aliquando à salacitate quæ æstivo tempore fæminas magis, quàm viros stimulat: quippe viri calidi & sicci æstivo tempore collabuntur: Aliquando à longævitate: siquidem in universum ait mares fæminis longioris vitæ esse, causamque reddit quia calidius animal mas est, quàm fæmina. Denique si ad radicem attendamus, unde orta fuit opinio quòd fæmina sit monstrum, inveniemus esse materiæ, ex qua sit fæmina, frigiditatem: præ frigiditate enim impeditur natura ne sum finem consequatur. Cæterum relictis autorum dictis plura sunt capita ex quibus fæminarum frigiditas erui potest, quorum aliqua percurrere erit operæ pretium.

Arist. 4. gen. an. c. 1. Arist. sect. 10. prob. 38. Arist. sect. 4. prob. 26. 29. & 5. hist. c. 8. Arist. de long. & bre. vit. l. 3.

Erigitas fæminarum colligitur ex debilitate fæminei sexus.

SExum fæmineum & frigidioris esse, & debiliorem tam Hippocratis, Gal. Aristotelisque consensu, quàm evidente experimento constat, imò eo ipso quòd frigidioris dicimus, debiliorem asserimus: quod enim potest esse vitium robur, ubi sanguis, qui est fons caloris, deficit. Hoc tamen non caret dubitatione; ratio dubitandi est, quia robur in astrictione consistit: quæ enim immoderatè laxant, inquit Galenus, solvunt robur; ea verò quæ astringunt, teste eodem, firmitatem, roburque præstant. At astrictio frigori debetur. Hinc est, quòd flante aquilone vento frigidissimo robur acquiritur, deperditur flante austro vento

1. ad Glanc. c. 14. 2. Locali c. 2.

Gal. 2. ian.
tuend. c. 3.
Virgil. 9.
Æneid.

scilicet calido frigidum etiam corpus nostrum roborare dixit idem, quod confirmat barbarorum consuetudo de qua Virgilius :

Durum à stirpe genus , natos ad flumina primum

Deferimus , favoque gelu duramus , & undis.

Non desunt documenta alia ex quibus elicitur frigidi esse indurare , & condensare ; calidi relaxare rarefacere : quod cum ita sit , cur in fami-
neo sexu cum frigidityte debilitatem semper conjungimus ?

3. de caus.
puls. c. 3.

Verum cum astrictio, in qua robur consistit, siccitati propriè debeatur, frigiditas quidem quæ siccitatem habet adjunctam, astringendi ac subinde roborandi vim habet : quæ verò ut in mulieribus , cum humiditate conjuncta est , mollitiem ac præ mollitie imbecillitatem inducit. Deinde in viventibus virium robur ad operationes spectatur, operationes autem calori debentur. Frigus nulli actioni ex usu est ut Galenus testatur. Possumus ergo de primo ad ultimum (ut loquuntur Logici) argumentum conficere : nam esse rei est ejus perfectio , non verò quæcumque esse , nam in actu primo adhuc aliqua est imperfectio, quippe adhuc aliquid est in potentia : perfectio autem dicit robur , contradictio enim quædam esset, si quidpiam perfectum , & simul debile dicere-
mus. Sit itaque argumentatio, perfectio & subinde robur consistit in actu secundo : esse autem in actu secundo secum habet operari, operatio est à calore, ergo à calore est perfectio ac subinde robur. Hinc est quod Galenus medicos & philosophos testes appellet, qui calorem ajunt esse ipsam virtutum substantiam, etsi non hoc saltem primum, ac maximè necessarium earum instrumentum, & merito nam eodem autore alibi calor habet præ cæteris qualitatibus vim in agendo maximam.

Gal. 3. de
caus. prob.
c. 3.
de marc.
3. caus.
prob. c. 3.
1. Sanit.
tuend.
c. 2 & de
marc. c. 4.

Obijciat tamen aliquis, si frigiditas nocet robori, quia humiditatem habet adjunctam, quippe mollities est quæ imbecillitatem præstat, molle autem est quod humidum ; eodem jure calor si sociam habeat humiditatem, mollitiæ, debilitatisque erit causa. At calor, quem dicimus omnibus præesse actionibus, calor naturalis est, calor autem naturalis à Galeno passim humidus appellatur, imò copiosam habere humiditatem ab eodem dicitur. Habet quidem copiosam humiditatem, non tamen superfluum, sed quam ipse calor gubernat, apponit, agglutinat, ac proinde condensat, unde non patitur Galenus calorem hunc innatum flammæ comparari : quippe calor cum superflua siccitate comburit, colliquat : cum mediocri ad omnia est utilis ut ait Galenus. Porro calor initio generationis nostræ nobis ab elemento ignis inditus est ad duritiem & robur inducendum, quod eleganter docet Galenus non semel. Neesse namque est ut animalium principium molle sit, ut bene concin-

concinnari, confirmarique & ad omnia fabricanti sequax, ac præstò esse possit. Cæterum tanta mollities operationibus est inepta: quare oportuit aliquod siccum ei admisceri; siccum autem duplex est, alterum terra, alterum ignis: terram admiscere in magna quantitate oporteret, atque ita non relinqueretur humidum, quo adhuc opus erat. Admissus igitur fuit ignis, qui duas utilitates præstaret: nempe & agilitatem induceret, quæ actiones perficiuntur, & duritiem qua corroborantur. Colligere igitur vela liber, & ratum habere fæminam debiliorem esse masculo propter inopiam caloris quæ actiones efficit debiliores, cum ergo nihil magis pateat quàm actionū debilitas, & ex debilitate actionū debilitas facultatum cognoscatur, facultatum autem debilitas fiat à frigidityte, rectè ex effectu, seu, ut dici solet à posteriore ex debilitate fæminei sexus colligimus ejusdem frigiditytem. Porro debilitatis signū non prorsus contemnendum accipimus à philosopho qui fæminam catere ait iis partibus quæ tamquam arma à natura data sunt animalibus. Fæmina, inquit ille, quam mas innervior est, atque infirmior, & partes, quæ tamquam arma à natura animalibus sunt data, non fæminis, sed maribus data sunt: velut generis cervini fæmina cornuum inops, mutilaque est, & avium nonnullarum, quibus data calcaria sunt, fæminæ omnino iis carent: pari modo suæ fæminæ dentibus carent exertis. At nonnullis in generibus sunt quidem hæc etiam fæminis, sed maribus potiora, ut cornua tauris robustiora quàm vaccis.

*Arist. 4.
hist. animal.
cap. II.*

Demum fæminæ debilitatis indicium sunt Eunuchi qui exfectis testibus muliebrem acquirunt naturam, & manifestè enervantur, tanto autem magis quàm fæminæ, quanti fæminæ suos habent testes licet exiguos eunuchi autem nullos. Crediderim Hippocratem, qui & mulieres, & eunuchos podagræ immunes esse dixit, disturum etiam, si recorderetur, eunuchos ut fæminas ambidexteros non fieri, (quippe viri ob nervorum, musculorumque vim ambabus utuntur manibus, fæminæ autem non sic ob debilitatem) sic eunuchos quibus, par, aut etiam major est debilitas ambabus etiam manibus uti non posse.

Pro coronide accipite fæminas spectata rei natura communiter loquendo maribus debiliores esse hoc tamen non tollere, quo minus aliquas fæminarum vel cælesti virtute adjutas, vel ob quamlibet aliam arcanam facultatem viros posse superare. Hoc tamen quod ut possibile admittimus, ut insuetum non trahimus in consequentiam. Imo potius etsi non admittimus Aristoteli fæminam esse monstrum; admittet ille nobis fæminam quæ virum superet pro monstro habere, concurrunt namque

namque conditiones quæ monstrum faciunt: quippe hoc rarum est, & quia rarum mirabile: una fuit Semiramis in cujus columna, teste Herodoto legebatur. *Natura me fæminam fecit, ego rebus gestis nulli præstantium virorum inferior extiti, huic autem parem non adhuc tot secula protulerunt.* Monstrum est præter naturæ ordinem, ac præter naturam est fæmina quæ viro supereminet: siquidem ut naturæ ordo postulat, ex D. Pauli sententia, *caput mulieris vir est.*

Ex loco in quo fæmina procreantur, earum frigiditas colligitur:

Hipp. 5. aph.
48.

3. de partib.
anim. c. 4.

FOetus mares quidem, inquit Hippocrates, in dextris: Fæminæ vero in sinistrum magis: hujus rei rationem Galenus tradit quia dextra uteri pars calidior est, propter vicinitatem, rectitudinemque cum hepate, quod in dextro hypochondrio situm est. Aristoteles autem propter dextrum cordis ventriculum qui plurimum sanguinis calidissimi in se continet, quam ob rem pars dextra calidior est, quam sinistra. Quapropter Aristoteles, & Galenus conveniunt in eo quod uteri pars dextra sit calidior, calore scilicet aliunde mutuato; differunt tamen quia Aristoteles à corde, Galenus à jecore calorem communicari inquirunt. Nec mirum est quod ita differant: nam Aristoteles (ut sæpe apud eum videre est) officinam sanguinis in corde constituit, quam Galenus in jecore. Quod autem dextera uti pars sit in qua mas continetur, sinistra in qua fæmina, considerate magnam esse correspondentiam mammarum cum utero Hippocratemque dixisse mulieri utero gerenti si altera mamma gracilis fuit geminos habenti alterum abortit, siquidem mamma dextera gracilis fiat, marem, si verò sinistra, fæminam.

Hipp. 5.
aph. 38.

3. de part.
anim. c. 4.

Sed jam aggrediamur colligere caliditatem masculorum, frigiditatemque fæminarum ex loco in quo fœtus procreatur. Locus (ut, præter cæteros, tenent Complutenses ex calceari) aliquam habet qualitatem conservativam locati: pisces in aqua melius conservantur, & omnia quæ moventur locum sibi præscriptum conservationis ergo, quærunt. Qualitas ergo in utero conservativa fœtus, ne confugere cogamur ad occultas manifesta est caliditas, cum ergo conservatio fiat per similia manifestum est id quod caliditate intensiore pollet in calidiore uteri parte commodius conservari. Præterea quoniam poterit aliquis negare uteri partem dextra calidiorem esse: quippe influxus cordis, & jecoris non convincit: nam quod attinet ad cor ex Aristotelis sententia homini

paulo vergit ad lævam, ut ejus partis refrigerationem moderetur, quod autem ad ſecur ſpectat calorem communicat cum ſanguine per venarum tubos, venæ autem tam in dextram quam in ſiniſtram uteri partem hiant. Quoniam, inquam alicui diſplicebit iſthæc caloris communicatio ſciat oportet dextram partem ſuapte natura calidiorẽ eſſe. Eſt calidior dextera pars, ut à poſteriore conſtare poteſt, quoniam robuſtior: jam enim ſuperius dictum eſt robur in viventibus procedere à calore. Robuſtiorẽ eſſe dextram quàm ſiniſtram, repetit Philoſophus paſſim, idque probari poteſt ex eo quod (ipſo etiam teſte) initium motionis eſt à dextris, motio autem arbitraria ſemper à fortiore incipit parte. Unde ipſemet Philoſophus quod motus ex parte dextra proveniat inferit proinde naturam dextræ validiorẽ eſſe.

Ariſt. 1. hiſt. c. 15. & 4. de part. c. 8. 2 hiſt. c. 1. de Animal. in ceſſu. c. 4.

Itaque dexteram partem calidiorẽ eſſe ſatis conſtat, in eaque debere gigni id quod calidius ex rationibus ſuperius adductis patet; quod verò ex caliditate loci caliditas maſculi fœtus eveniat, Hippocrates nos docet, qui de fœtu hoc agens adjungit. Idcirco ſolidus factus eſt, & bili- oſior, & magis ſanguineus, quia iſte calidior eſt locus animalis. An verò perpetuum ſit mares in dextra parte gigni ambiguum eſt: nam Gale- nus in hæc Hippocratis verba veritatem inquit, per diſſectiones explo- rari, *maribus plerumque in dextra uteri parte conceptis*. Vbi advertere oportet adverbium *plerumque* quod inſallibilitatem eventus aufert: cæterum Ga- lenus hunc loquendi modum accepit ab Hippocrate, qui in aphoriſmo initio citato, inquit, *Mares in dextris, fœmina in ſiniſtris magis*. Conſonat ergo illud *plerumque* cum iſto magis utrumque autem perpetuitatem tollit Ariſtoteles eadem via incedens adverſum Empedoclem ſæpe numero eve- nire ait, ut eadem in parte uteri gemini mas & fœmina generentur. Mu- ſa uxorem ſuam narrat, ſemper mares in ſiniſtra matrice geſtaſſe, in dex- tra fœminas quod cognoſcebat tum ex motu qui incipiebat à dextra, tum ex globo, & aliquando geminos peperit quorum primis fuit puella quæ cum exivit, latus dextrum inanitum videbatur. Hinc ſibi perſuadet Carrerus rationem iſtam ſumptam à loco generationis non eſſe dignam quæ recipiatur. Nam id quod perpetuum eſt: nempe virum eſſe ca- lidiorẽ muliere, non debet habere cauſam quæ perpetua non eſt. Fa- temur quidem fœminam nonnunquam in dextra, marem, in ſiniſtra u- teri parte gigni, quod Galenus non ſiluit, verumtamen ab ipſomet Ga- leno accipimus non eſſe perpetuum fœminas eſſe viris debiliores, ut vi- dere eſt apud eum: cæterum tam fœmina viro calidior, quam etiam fœ- mina in dextra uteri parte genita, utrumque rarum eſt: dogmata autem medica non ſunt perpetuæ inſallibilisquẽ veritatis, ſed cum moderatio-

H. 6. epid. ſect. 2. tex. 46.

Ar 4. de gen. animal. c. 1. Muſa 5. aph. 48.

Gal. 2. de ſemin c. 5. & 6. loc. aff. c. 5. G. 5. aph. 3.

ne sunt accipienda nempe ut satis sit si eveniant ut plurimum, etenim quid spectata rei natura tenendum sit, inquirimus, nec nos speculiares eventus deterrent, ut dogmatum veritatem nutare suspicemur. Porro ex eo quod non sit perpetuum marem gigni in dextra parte feminam in sinistra, colligetur in utero non esse vim activam foetus, ut male existimavit Fabius Paccius, ea ductus ratione quod Hippocrates in aphorismo non fecit mentionem seminis, sed in uteri qualibet parte esset vis activa, utrique effectus semper huic responderet, est itaque solum major aut minor caliditas nempe maior in dextris, cumque caliditas sit inter qualitates nobilissima ex materia ubi illa praevalet gignitur id quod nobilius est, nempe foetus masculus nobilior quam femina & hoc ita sentit Aristoteles, qui ait nobiliores esse mares in utero quam feminas. Probatur etiam quia tam viri quam mulieres ad procreandam prolem marem aut feminam indigent certe inter se proportionem, unde Aristoteles plerumque enim tum mulieres, tum viri, quamdiu cum eisdem junguntur, feminam tantum, maremve procreant, secundum autem contra.

3. met. c. 3.

Arist. 4. gen.

animal. c. 6.

3. part. animal. c. 3.

7. hist. animal. c. 6.

mal. c. 6.

Ex materia colligitur num mas sit an femina.

8. L. 10.

Hypothesis esto dari duplex semen, hoc est matris & feminæ; neque enim oportet quoties se offert occasio hanc litem inter Aristotelem & Galenum renovare, sentiant peripatetici quidquid velint, nos ingenuè speculantes Galeno inhaeremus à quo sat bene probatum est feminas in opere generationis suum etiam conferre semen. Sed nunquid cum in uterum conjicitur utrumque semen ab eo quod praevaluerit efficietur seu mas, seu femina? minimè: neque enim femina discerpta manent, ita ut unus effectus uni semini debeat, alter alteri, in quo deceptus fuit Cardanus, qui existimavit in semine masculino esse vim formandi membrum masculinum, in femineo femineum, & sic fieri marem aut feminam prout hoc aut illud semen superet, fieri autem utrumque, nempe androgynum, si utrumque semen aequè superaverit. Putat insuper hanc sententiam esse consonam doctrinæ Galeni: Licet enim Galenus tribuat generationem masculi intensiori calori, hoc dixit quia magis confert ad generationem seminis virilis, non quod sit activa virtus sufficiens. Ceterum si Cardanus vult materiam antecedentem ex qua fit semen, provenire ex qua fit sexus, utrique à plerisque admitti posset, ita tamen ut vis formativa non agat in hanc partem separatim: quare dum Galenum dixisse putat in semine virili esse determinatam vim ad producendum sexum masculinum & in muliebri ad muliebrem, prorsus errat, oppositum enim

nim constat ex verbis Galeni dicentis, omnes quæ in viris sunt partes in mulieribus etiam reperiri, juxta quod concludit ab uno principio nata esse omnia quæ ad animalis generationem pertinent. Non ergo genitalia muliebria ex semine muliebri virilia ex virili in Galeni doctrina fiunt, sed omnia ex uno principio, cum tam hæc quam illa eandem habent figuram solaque differentia sit quod fœmina est imperfectiori.

14. u. sup.
6. 6.

Itaque utrumque semen in utero in unum conglobatur & evadit quoddam mistum quod pro ratione exuperantis caloris sit mas aut fœmina: quippe calidum est activum magis, frigidum autem calidominus. Neq; verò hinc inferre calorem esse causam principalem sexuum, sed instrumentum duntaxat quo utitur vis formatrix: cum enim mistum semen ex duobus magis in se habuerit caliditatis, mas generabitur: continebit autem caliditatis magis, si semen masculinum superet quantitate, aut fœmineum intra suos terminos caliditate abundet, ita ut attemperare quidem masculi caliditatem possit, quantum opus est ne semen fiat fœmineum, hoc est debile ex præpollente frigidityte. Viceversa etiam si semen masculum non admodum sit calidum, sed duntaxat quantum oportet ad generationis opus, sed aut si semen fœmineum masculini vim infringat, non ut impediatur generationem, sed ut tota seminis massa reddatur debilis, & frigida. Hinc est quod, ut dicebamus Hippocrates, ut fœmina procreetur, jubet uti cibis potionibusque aqueis, hoc est frigidis, ut masculus, igneis nempe calidis. Non jubet hoc victu uti solum patrē aut solam matrem, sed utrumque simul, indistinctè enim loquitur, quasi attendens ad infrigidandum aut calefaciendum non hoc aut illud semen, sed utrumque simul. Hinc etiam est quod ait masculum à crassiore & fortiore genitura fieri, ac propterea citius efformari, nempe à tota genitura quando contingat crassiorem, fortioreque esse quod ita intelligendum esse constat, eodem autore inferius dicente vitrum suum uteri crassiorem genituram ingredi contingat, illic masculum gigni, in uterū verò rursus debiliorem ac humidiorē, illic fœminam generari. Non dicit generari fœminam in eo loco ubi contingat ingredi semen fœmineum, sed crassius participatione caloris incrassantis: incrassari verò à calore contingit utrumque semen, quod à calore miscetur, & ab eodem magis vel minus incrassatur. Denique prædicta doctrina ab Hippocrate expresse fuit prolata: inquit enim. *Si ab utroque semen fortius prodierit masculus erit partus, si verò debile fœmineum nasceretur, ubi advertite dictum esse ab utroque, quod omnem tollit dubitationem. deinde prosequitur sic, utrum autem multitudine, aut copia prævaluerit, iuxta illud ipsum partus nasceretur: si enim*

H. de diat.

H. de nat.
Puer.

H. de genit.

multò plus fuerit debile semen, quàm fortè superatur. forte, & debili permistum in fæminam transit, si verò plus fuerit fortis seminis, quàm debilis superatur debile & in marem transit. Quid manifestius dici poterat? forte debili permistum si pervaluerit fit mas, si superabitur, fit fæmina. jam igitur spectatur (de hac enim se loqui profiterur) in mitione utriusque seminis non in unoquoque seorsim.

Ratione etiam probatur: num semen habet vim instrumentalem ad producendam formam eiusdem speciei cum generante, aut ad coniungendam eam materiæ, si sit forma de foris adveniens, & constituendâ organizationem, ergo in semine non est vis determinata magis ad marè, quàm ad fæminam, cum ergo semen masculinum, & fæmineum differant sola intentione caloris, necesse est ut adveniat facultas determinans, hæc autem est formatrix, quæ suscepit semen unum conflatum ex duobus: ergo non agit in alterutro seorsim, sed in uno & eodem prout magis participat huius aut illius dispositionis nempe caloris & frigiditatis, humiditatis, & siccitatis.

Probatur etiam experimento: nam quemadmodum diximus dextram uteri partem calidiorem esse quam sinistram, eodè dicemus dextrum testiculū sinistro esse calidiore, quare calidius semen debet exire è dextro testiculo, quàm sinistro: experimento autè compertum est semen è dextro testiculo emisum marem gignere, è sinistro fæminam, unde Hippocrates quando fæmellâ inquit generare volet dextrum testem obliget, quod ab Hippocrate Galenus accepit, idcirco rustici (ut narrat Avicenna) stinguunt sinistrum testiculum tauri, ut effundatur ex dextra. Aliud etiam experimentum ab Hippocrate acceptum est. Dum adolescens hircescit, post quædam signa quæ ostendunt permutationè pueritiæ ad adolescentiam, adjungit sicut & illud si dexter prius testis intumuerit, hosce adolescentes factos, in ætatemque virilem cum evaserint, filios mares potius quàm fæminas progignituros, quod si sinister è contrario. Hæc experimenta & alia quæ congerit peramatus, nos docent masculinam genituram confertè tam ad fæminam, & ad masculinum procreandum ad fæminam, si materia frigidior sit ad masculinum si calidior. Adque ita constat ex materia sumi indicium ex quo cognoscitur marem esse calidiorem fæminam frigidior. Constat etiam nò levi conjectura, nam homines crapulæ dediti, quibus multum est semen idque crudum, fæminas ut plurimum solent generare, nequeunte scilicet semine fæmineo, quod ei adiungitur tantam multitudinem crudæ genituræ corrigere.

De superfæ-
satione.

G. lib. de fa-
cile parabil.
6. epid. sect.
4. tit. 27.

*Ex constitutione temporis quo fetus generatur:
colligi etiam potest faminei sexus
frigiditas.*

Constat ex Aristotele, flatibus aquiloniis magis quam austrinis mares ^{4. de gener. an. c. 2.} generari. Pastores similiter aiunt interesse ad maris aut faminei, pecoris futuram, non modo ut initus aquiloniis, austrinive flatibus fiat, sed etiam ut dum pecus coit, spectet ad aquilonem aut ad austrum.

Siquis verò dicat aquiloniam constitutionem, cum frigidissima sit, magis aptam esse gignendis feminis frigidioribus quam maribus, sciat oportet ex frigore externo calorem internum augeri: iccirco teste Hippocrate, ventres hyeme, & vere natura calidissimi sunt, quod communiter admittunt etiam philosophi in sua antiperistasi, quam pureorum aqua manifestat. Si vero adhuc instet, hoc si ita esset, frigidas regiones marii feraces futuras esse, cum tamen ex opposito constet Egyptum abundantius ferre. Dicemus in frigidis regionibus aquas esse crudas, cruda autem aqua, ut ait Aristoteles, & frigida aut sterilitatem, aut partum famineum faciunt.

Solventur rationes initio in contrarium propositae.

Aristot. ubi supra.

Ad Democritum & Parmenidem qui ex menstruorum emissionem caliditatem feminarum arguebat: quippe sanguis est calidus, ubi autem abundat calidum, caliditatem excedere significatur. Dicimus redundantiam quidem sanguinis indicium esse redundantiae caloris. ceterum feminis ex frigiditate contingit, ut tantum sanguinis coacervent, quod opus habeant hac evacuatione: muliebri enim genus, ut Galenus ait, ut quod domi ageret, neque vehementibus laboribus exerceret, aut sub claro sole viveret ac ab utraque hac multitudine humorum coacervaret, ipsam evacuationem plenitudinis tamquam remedium naturale obtinere opus habebat. Hoc manifestum facit experientia: nam mulieres rusticanae validis exercitiis occupatae menstruis evacuationibus sine noxa ut plurimum carent, unde Rufus apud Aetium ait mulieres saltatrices, & cantatrices non purgari, cuius rei fidem facit Musa, qui se cognovisse ait rusticas quasdam mulieres, quibus menses nunquam fluxerunt, & tamen sanissimae fuerunt, & robustissimae, & filios progenuerunt. Verum de hoc ex professo inferius tractabimus, cum de menstruis erit sermo. Nunc autem sufficiat stabilire menstruas has purgationes argumentum praebere redundantiae sanguinis crudi, quem feminarum frigiditas coacervavit.

De sang. miss. adv. Crasiss. c. 5.

Musa lib. 5. aph. 3. 6.

Christoph.
Peg. 3. prog.
10.

Heurn. de
morb. mul.
lib. 1.

Ad authorem de morbis mulierum dicimus adeo falsam, viris doctissimis visam esse eam opinionem ut aliqui in quorum numero est Vega verba illa tamquam additicia & ab aliquo indocto inserta obliteranda esse censeant. Alii inter quos numerandus venit Mercurialis, propter hanc sententiam totum opus de morbis muliebribus, ubi scripta est, damnent. Nihilominus suos, habet defensores. Cordæus sanguinem coacervatum calidiorem esse ait, forsitan quia conculcatus non diffatur. Heurnius explicat Hippocratem, imo excusat: non enim dicit mulierem esse calidiorem viro: aliud enim est solidas partes incalescere à sanguine, aliud sanguinem incalescere à solidis: à solidorum enim calore vibrat pulsus magnum ictum: fæminæ verò à sanguinis fervore frequentem edunt pulsus: nam ita refarcit magnitudinem frequentia & celeritate. Ita Ascanius refarciebat gressum patris Æneæ, non passibus æquis. Itaque putat Heurnius, se excusasse Hippocratem dicentem mulieres viris esse calidiores, quia Hippocrates non dicit mulierem esse calidiorem viro & propterea sanguinem esse calidiorem, sed ex adverso fæminam habere sanguinem calidiorem viro propterea esse calidiorem viro: quapropter illa ex se non est calida, sed sanguis eam calidam reddit: Hanc expositionem seu potius inanem excusationem tacito autoris nomine accepit Heurnius à Capivaccio, uterque igitur vult fæminam excedere calore asciticio vitum autem innati.

Fratrare
dicuntur
fæmina cum
menstrua erumpunt.
Arist. 7.
hist. c. 1.

5. aph. 57.

Sed si asciticio abundat ergo febrili, sic mulierem perpetuo febre laborare dicemus; neque possumus eam à febre liberare, dicentes caliditatem esse sicut caliditatem iræ aut laboris: hæc caliditas non perseverat, ut perseverat fæminarum. Deinde si calida est ratio sanguinis superabundantis, hoc habet duntaxat in ætate in qua fratrare incipiunt, hoc est qua uberaurgent & semen emittunt & cum menstruantur, unde ante menstruandi tempus, & in senio erit frigidior viro. Argumenta verò quæ probant eam frigidior esse, omni conveniunt ætati. Ut quod in loco gignuntur frigidior, ex materia minus calida, quod mulier ambidextera non sit, & pleraque alia hujus census non concernunt magis fæminam menstrua habentem quam iis carentem. Præterea ex Hippocrate si menstrua plura fiant, accidunt morbi, etsi non fiant ex utero morbi contingunt, ex quo colligitur menstrua, sanas efficere mulieres: si sanas, ergo in statu secundum naturam: si in statu naturali, ergo in eo temperamento quod sit frigidius virili.

Lib. 8. sua
Anat. 9. 2.

Andreas Laurentius aliam affert excusationem, quam se à præceptore suo Ludovico Dureto accepisse ingenuè fatetur. Videlicet Hippocratem dum mulierem rariore carne præditam esse scribit usurpare

nomen raritatis, pro eo quod laxum est, & molle, non pro eo quod foraminibus pervium est: ita enim rarius est magisque pervium viri corpus propterea, & facilius, & liberalius sudat. Sunt ergo rariores mulieres, hoc est laxiores, mollioresque, quod in libello de adenibus legitur: quippe constare ait, ejus libri autor & pectora, & mammas, & totum muliebne corpus laxum & molle esse. Caterum non negamus faminarum carnes laxiores, mollioresque esse imo id paulo post tractabimus: quod negotium facessit, est scire an *αργαλος* quod est rarus, significare posset id quod *μαλακός* καὶ *χαλῆνος* dicitur, hoc est mollis, & laxus. Respondent id fieri posse *καταχρησικῶς* hoc est abusive. At si ita auctores interpretari liceret, nunquam aliquid difficile occurreret, vellem à viris lingua græca peritis, quales hi duo fuerunt, aliqua mihi offerri loca, in quibus hac abusione græci auctores fuerint usi. Dum autem mihi id non ostendunt, liber existimare, illum quicumque fuit, qui inseruit sententiam erroneam, nempe mulieres calidiores esse viris, inseruisse similiter hunc alterum errorem, videlicet eas esse carne rariores.

Verum Laurentius non hac abusione contentus, alteram affert ut sic per multiplicatos abusus suam astruat sententiam. Cum ergo Hippocrates dixerit mulieres ob raritatem plus trahere alimenti, Laurentius ait Hippocratem tractionis nomine abuti pro eo quod est excipere, & continere: cum enim laxius sit mulierum corpus plus excipit, continetque sanguinis. Verum isthæc tractio vi tracta mihi videtur. Nam accipit comparisonem ab Hippocrate adductam, qui carnes mulierum in sua raritate comparat lanæ, & quemadmodum lana plus suscipit humoris, ita rara mulierum caro. Lanamque laxiorem esse ait vestibus optimè contextis. At ò Laurenti lana non solum mollior & laxior est quàm vestis, sed etiam rarior, tunc sit lana & vestis, pariter trahunt, quia parem habent siccitatem, sed, lana plus suscipit, quia rarior est: nonne vides susceptionem arguere capacitatem. Capacitas autem major est ubi plura sunt spatia vacua, ut in raro, quod foraminibus est plenum, ac subinde dicere possum plenum esse vacuitatibus. Errat igitur autor libri de morbis mulierum, qui attractrices dixit Hippocrates, hoc est, habere attrahendi vim, si ergo fæminæ viris magis attractrices carnes habent, habent fortiores operationes. Carnes attractrices ex venite, & extrinsecus dixit Hippocrates: num carnes fæminarum fortiore attrahendi pollent? at sic & operationes potiores habebunt quam viri & erit quartus error in prædicta sententia, quorum unus est, quod caro fæminarum sit rara; alter, quod sanguis calidior quam virorum; tertius, quod fæmina calidiore temperamento sit prædita; quartus, & priorum.

6. epid. sect. 1.
6. sex. 1.

consentaneus, quod valentiore polleat attrahendi facultate. Ex raritate carniū colligitur major sanguinis copia quam in viris, maiorque similiter caliditas, ex caliditate sanguinis major caliditas carniū; quis enim dixerit sanguinem calidum esse materiam ex qua fiunt frigida carnes? Ex carniū igitur calore ac proinde ex calido temperamento fit valida attractio. Et sic concatenati errores totam catenam, hoc est integritatem erroneam efficiunt, præstat igitur vel illam explodere, vel librum in quo scripta est damnare, quam ad inquirendam errorum excusationē sophisticis distinctionibus implicari.

Non tolerat hoc Antonius Ponce, verum sibi soli putat fuisse reservatam potestatem rectè explicandi prædictam sententiam, quam Hispana quædam iactantia exornatam nobis tradit. Igitur mulieres, inquit, cum carnis tenerrimæ sint, facile dilacerari, & dolere, quare febris statim excitatur, quæ cum morbus universalis sit, totam feminam, & ejus sanguinem reddit calidiorem. Accusatque Andream Laurentium, & Duretum quod Hippocraticam sententiam rejecerint, cum tamen illi eandem, ut retulimus, rejiceretur explicarunt. Sed dicat mihi Ponce dolent ne semper feminæ & dilacerentur? nescio quid respondēbit, scio feminas negativè responsuras, ergo si non semper dolent, non semper in eis accenditur febris, nec semper calidiorem habent sanguinem, nec semper sunt calidiores. Sed dicat ulterius, hæc febris est ne de genere ephemerarum an putridarum? non ephemera, nam ephemera non durat tamdiu, nisi degeneret in putridam, & sic semper erit in manifesto vitæ periculo. Parcat ergo mihi Ponce expositio, quam laudibus extollit, risu magis quam admiratione digna est. Imo admiratione digna, siquidem est Fracastorii sententia, risum ex admiratione nasci, quicquid contrarietur Valleriola, in quem pro Fracastorio Valesius in certamen singulare exit.

6. Lectio.

Omissis autoritatibus ad priorem rationem accedamus. Non est negandum testes, (quod jam superius est dictum) virilitatem robur caloremque in universum corpus effundere, in viris præcipuè, in mulieribus aliquantulum; cæterum femineis adeo imbecilli sunt, respectu habito ad viros, ut etiam si intus reclusi commodiores sint ad communicandum calorem, non propterea tantum habent, quin viriles extra prominentes majorem habeant. In primis quod intus reclusi sunt, habent à frigiditate teste Galeno, at reclusio majorem arguit frigiditatem quam caloris communicandi utilitatem. Deinde cum caloris sit dilatata, femineis testes angusti exiguique diminuti caloris sunt soboles. Testiculos muliebres parvos penitus esse, vasaque exigua habere Galenus ait, tales autem

autem calori diffundendo, quantumvis introrsum vergant, prorsus in perniciem censei debent. Concedimus nos feminis castratione libidinem extinguere: hoc autem quid aliud indicat, nisi eas à testibus caliditatem accipere, nunquam tamen quispiam persuadebit, ideo testes majorem calefaciendi vim habere in feminis, quam in maribus. Castrari jubebat Gyges Lydorum Rex, ut refert Cælius, aut, ut idem Cælius alibi ait Andramirus, castrari inquam jubebat feminas, ut illis perpetuo uteretur tamquam ætate florentibus, aut forsitan ita fieri jubebat, ne gestandi & patiendi laboribus impeditæ, minus possent effrenatæ Regis libidini intervenire, aut Zelotipia stimulatæ earum veneream cupiditatem exstingueret quominus aliorum amoribus caperentur: scimus enim castratas feminas coitum non appetere. Hæc omnia, uti diximus, à testiculis venereum stimulum oriri significant, quem tamen flatu aliquis potest excitare in illa parte valde sensibili, qua erepta non remanet ubi stimulus excarescat, hoc autem nihil facit ad calorem, quem testes faminarum non sunt apti copiosum effundere.

Ad alterum, quæ femina citius augeri proponit ac proinde calidiores esse, quæram de quo augmento agitur? num de eo qui fit intra uterum, an de altero qui fit postquam fœtus in lucem exiit. Intra uterum quidem delineatio, & motus, quæ duo augmentum comitantur manibus citius accidunt, quam feminis: etenim mas trigesimo feminæ quadragesimo diebus conformantur: conformatio caloris est opus. *Hip. 1. de di-
st. de nat. puer. & in epid. 4. gener. animal. c. 6.* Moventur celerius, mas tertio mense, femina non ante quartum, & magis frequentes mas edit morus: teste Aristotele quæ omnia calorem indicant. Accedit quod septimestres mares vitales quidem sunt, feminæ raro evadunt: Puerperia seu lochia mulieris, quæ masculum peperit, brevius tempore durant, quæ masculum, longiore: quoddam mas suo calore sanguinis reliquias magis exhaurit, quæ omnia ab Hippocrate dictata nos docent actiones fœtus matris in utero citius & perfectius fieri. Extra partum verò mulieras citius augentur, teste Aristotele non quidem à calore, sed ab humiditate, quæ faciliorem præstat extensionem, ac neque sic dicemus verè feminas citius augeri, sed citius ad suum statum pervenire: est autè status faminarum brevior, hoc est minore corporis mole præditæ sunt, ut constat ex Aristotele. si ergo minor est moles, & mollior, non mirum si citò summum acquirant gradum, ad quæ per breviores perveniunt ætates. Esse feminas minores viris non siliit Aristoteles: sicut neque etiam siliit breviores illarum ætates, siquid breviorē dixit eas habere vitam. Tandem non provenire velox augmentum à calore constat, quia Galenus ait feminas citius augeri ac prius desinere: si calor augmenti auctor fuisset,

Minora esse corpora attribuit Aristoteles mensuræ purgationibus 1. gener. animal. c. 39.

fuiſſet, utrique diutius augendi ætas perduraret, ut cernimus in viris, quorum qui calidior ſunt prædicti temperamento, tardius ad ſenectutem perveniunt: quippe calor naturalis, qui non ſicut calor igneus propriam abſumit materiam, ſed tam perficit, ut jam ex Galeno oſtendimus, diuturniorem in humido, quò ille vegetior eſt, moram facit; temperamento verò frigidi, & qui humiditatem, præ inopia caloris potius excrementitiam quàm radicalem habens, citò ad ſenium accedunt, unde conſtat fæminas paucum ſuum calorem humiditatibus, potius cruditatibus ſuffocare, ac propterea celerius ſenescere, brevioribusque vitæ terminis circumſcribi. Hoc nobis parabolista Æſopus docet exemplo cucurbitæ, & palmæ, quippe cucurbita ſe jaſtabat, quòd ad radices palmæ nata citò ejus cacumen occuparet, palma tamen centum annos vixerat, cucurbita paucis menſibus, ſed ſuo damno cucurbita ſuperbiam depoſuit, quippe inter paucos dies exaruit, palma diuturnitatem ſuam per plures adhuc annos conſervavit.

Devenio ad exempla à brutorum moribus petita. Aves rapaces fæminæ velociore exercentur volatu, quàm mates, ita eſt: hoc provenit à majore calore: non admitto, ſed cum Peramato reſpondeo mates, quoniam calidiſſimi ſunt, imbecilliores fæminis minus calidis haberi: quoniam omnis intemperies ſi valde augeatur, deſicit actum propriæ operationis, ut autor eſt Galenus. Leæna leone, & urſa uſo ferociotes ſunt, (dicebatur ex adverſo) at ego non ferociore ſed moroſiores atque iracundiore dixerim: nam proliſ quàm in utero geſtarunt, nimia cura premuntur ac propterea circa eam in adorientes ferociunt: iracundia autem non caloris, ſed frigoris ſoboles eſt, audire Galenum dicentem. Reliquum eſt de iracundijs, hoc eſt ὁ θυμώδης, ut agamus: quos maximè contrarios ait (nempe Hippocrates) eſſe iracū, id eſt θυμώδεις: magnanimi enim irati ſunt, & humilium rerum contemptores: contra iracundi puſillanimes, quòd generoſo viriliq; animo non ſint. Quare iracundi temperamento frigidiore erunt; vaporesque digerent difficulter. Sic Galenus qui non abſimilem alibi dicit eſſe naturam eorum, qui moroſi appellantur: inquit enim. Quid dictio μωδός, hoc eſt moroſus ſignificet docuit Critias: cujus ſunt hæc verba; Moroſus eſt, qui vilibus de rebus ſtomachatur, & de magnis plus ceteris mortalibus diutius. Itaque Leænam, & urſam, quòd de gallinis, & canibus fæminis dici poteſt, moroſiores iracundioreſque eſſe, magis indicat ſollicitudinem circa ſuos catelloſ, quàm temperamenti caliditatem.

Porrò hinc colligite partem animoſam (ſic eam Platō appellavit) quæ in corde reſidet, in fæminis non atteſtari calorem, ſed neque eundem atteſtatur facultas alia ibidem ſedem habens, quam Galenus puſſantilem.

2. aph. 20.

1. epid. ſect.

2. com. 78.

3. epid. ſect.

3. com. 81.

ilem vocat, quamvis Capivaccius & alii superius nominati putent eam
fæminis quàm viris validiorem esse, sumpta occasione ex Galeno, qui ^{3. de caus.}
pulsus fæminis frequentiores esse ait, cæterum idem Galenus de magni ^{puls. c. 2.}
tudine pulsum aliter loquitur, quippe robur facultatis, quod maribus
adeit, conferre ait pulsum magnitudini, neque solum ex caloris abun-
dantia, verum etiam ex robore majores fieri marium pulsus. Cæte-
rum idem ipse Galenus cap. 9. viros mulieribus pulsum habere tum ma- ^{de puls. ad}
jorem, tum vehementiorem & paulo tardiolem, satisque rariotem scri- ^{Tyron.}
ptum reliquit. Sed cur tardior, & rarior est? non quidem est tardus
simpliciter & rarus, sed comparative ad fæminas, quæ pulsum habent
teste Galeno velocem & frequentem: quia nempe simul pulsum ha-
bent parvum & debilem ob frigiditatem, nequeunte scilicet frigida &
debili natura pulsus edere magnos & vehementes, quare suppletur hic
defectus velocitate & frequentia. Jam verò superius diximus Heurni-
um debilitatem & pulsum parvitatem retulisse ad carnes frigidiore, ^{6. Epid. sect.}
frequentiam ad calidiorem sanguinem calidum jam diximus esse mate- ^{4. com. 25.}
riam ex qua calidior fit caro, quod ex Galeno addiscere possumus, liqui-
dem ex recta coctione ciborum; sanguinem optimum fieri ait, ex opti-
mo sanguine laudabilem nutritionem.

Tandem ad exemplum equarum quæ velocitate cursus equos su-
perant, respondemus equos veloces esse pro ratione caloris, & pro ejus-
dem excessu firmitatem laboris habere: equa vero currit celeriter, sed
currendo citò defatigatur. Non ergo ei velocitas à calore est quando-
quidem firmitatem non habet adjunctam, sed à formidine, etenim ad
naturæ providentiam referendum est quod animalia meticulosa sibi so-
ciam habeant celeritatem, ut celeri fuga timori satisfaciant, tam equus
quam equa calcaribus si pungantur, currunt, fugientes scilicet illud
malum, quod ingeniose annotavit Fracastorius fugiet
ergo celerius equa, urpote ti-
midior.





DISPUTATIO TERTIA.

De muliebri corporis habitu & constitutione.

7. Lectio.



Ad Thrasy.
c. 2. de bon.
habitudine
in principio.

Xplicare in primis oportet quid habitus nomine in præfente intelligamus, quod valde necessarium esse censendum est; quandoquidem hoc vocabulum complura habet significata: nam *ἥξις*, id est habitus, apud logicos qualitas est de prima qualitatis specie distinguuntque; *ἀνὰ τὴν διαίτησιν*, id est à dispositione, differuntque quoniam habitus radices habet difficile, er educibiles à subjecto, dispositio facile solubiles, & mutabiles. Hac etiam acceptione Galenus uti solet, opponens habitum dispositioni, quod in libro ad Thrasybulum, & de bona habitudine proficitur: quippe habitus nomine in omni re, quæ constans est, ægreque amovetur, uti solet, definitque habitum esse affectionem stabilem.

1. diff. feb.
c. 7.

Sed nunquid sanitas est habitus, morbus verò dispositio? sanitas quidem perfecta non simpliciter habitus, sed cum addito *ἔνθετος* bonus habitus appellatur: habitus enim solum durabilitatem affectionis insinuat, bona ne an prava sit non declarat. Morbus verò *διὰ βίαν*, id est dispositio dici solet: nihilominus febris hectica aut habitualis teste Galeno dici solet: vel quoniam firma, ac solum difficilis est, (& hæc sit habitus significatio de qua hactenus egimus) vel quoniam ipsum corporis habitum comprehendit: sic enim vocari solent partes solidæ, humidis ex adverso respondentes. Quare habitus quæ oculis conspicuæ sunt, sed omnes alias, quæ ab Hippoc. *ἰσχυρά*, hoc est continentia appellantur: unde merito Sorraeus reprehendit eos qui veteres Medicos accusant, quod dixerint febres intermittentes in habitu corporis gigni, quia in ventriculo, jecture, mesenterio atque alibi nascantur: quasi verò hæc quoque partes habitus nomine non comprehendantur.

Igitur inter plura significata nos eum quærimus de muliebri corporis habitu & constitutione. hanc secundæ acceptionem accipimus inquirentes quomodo se habeant faminæ circa membrorum temperamentum, & hic est habitus, aut circa eorundem figuram, situm, proportionem, & hæc appellamus constitutionem, præcipuè tamen eorum quæ
exterioris

exterius apparent. Cæterum dicet aliquis membrorum habitum & constitutionem sequi ad temperamentum, quod Galenus significat, quando ait necessariò contrarias habitudines ex contrariis temperamentis esse ortas: quare supervacaneum videtur, quando jam egimus de fæmineo temperamento, agere nunc de fæmineo corporis habitu, quippe hic qualis nam sit, ex illo cognoscitur. Ab hoc tamen dubio nos liberat idem Galenus alibi; cùm ait *moderata temperatura indicia, secundum totum animalis habitum, color quidem ex rubro, & albo commistus, capilli verò flavi, & ut plurimum mediocriter crispû.* Vbi Thomas Rodericus à Veiga nostras, præceptorque meus valde honorandus, notat additum *ut plurimum*, quia crispitudo, quandoq; sequitur meatuû obliquitatē formationis sibi solē non semper temperiem. Itaque cum multa compositionem membrorum, corporisque constitutionem accommodatam sexui exposculent, magisque referantur ad providentiam naturæ muliebria officia disponentis, quàm ad temperamentum vitæ custodiam machinantis, non erit abs re habitû corporis fæminatum seorsim contemplari, & in eo arcana quædam ad prolis generationem necessaria inquirere.

1. sanit. mu-
end. 6. 5.

Art. med.
6. 45.

*An rariores sint mulierum quam virorum
carnes.*

DE mollietie & laxitate muliebrum carniû constat apud omnes, imò mulierem à mollietie dictam dixit Varro, relatus à Firmiano, quòd si huius rei causam finalem inquirimus, non deerit utilitas, propter quâ ita fieri optimum naturæ consiliû fuit: quippe mollia magis reclusioni exclusionique sunt apta, necessarium autem erat ut fæmineum corpus & in se recluderet sanguinem educendum singulis mensibus & illum excluderet, similiter & fætum, quod non sine magna violentia fieret, si membra ad duritiem vergerent. Matrem autem duriorē esse oportuit, utpote qui in coitu maiorem resolutionis occasionem habet: efficiens verò causa humiditas est: etenim mollia quæ sunt humida esse per se notû est.

De opif. 6. 12.

Cæterum de carnis raritate maior est controversia, licet enim eam decidisse videatur Hippocrates superius citatus, qui mulieres, ait rariore carne præditas esse, nihilominus jam tota illa sententia expulsa manet, & quæ eam recipiunt non nisi abusive raritatem pro laxitate accipiunt; unde videtur communiter displicere quòd mulieres viris raritate corporis majore sint præditæ. causa cur ita sentiant communiter scribentes est quoniam raras est effectus caloris: calorem viris quam mulieribus in-

centio-

tentiorē esse constat: quare consentaneum est ut ubi causa major est, effectus sit major. Nonnullas quæstiones philosophicas valde difficiles hoc loco occurrentes prætere satius est, quàm nostrum principale intentum diviticulis obscurare. Utrum scilicet rarefactione acquiratur nova quantitas.

Apponendum igitur est raritatem, & densitatem in corpore vivente, de quo agimus, respectu ad pororum multitudinem amplitudinemque habito intelligi. Quare Galenus, qui quoties de raro & denso agit, utrumque ad poros refert, medicæ loquiculus est. Sic propriè rarum accipi, ait, quod meatus, quos Græci poros vocant magnos per totum obtinet, sicut è diverso densum, quod eosdem parvos, quam doctrinam millies repetitam apud eum invenieris. Dico poros esse necessarios ad constituendam raritatem in corpore non vivente, quia aliòquin in corpore non vivente potest raritas dari absque meatibus, quod probatur experimento, nam vas aqua plenum & sat bene clausum si exponatur aëri frigidissimo, densatur aqua & sic minorem occupat locum, vas autem rumpitur, quippe non potest aer, aut quævis alia substantia ingredi, quæ spatium inane impleat, quod si densatione pori constringerentur, aer qui in illis continebatur, impleret illam capacitatem; constat ergo non fuisse poros, multo minus vacuum fuisse, quippe natura abhorret vacuum. exemplum etiam habemus tum in igne, quo nulla substantia subtilior est, qua possint meatus impleri, & in corporibus celestibus, quorum partes aliæ aliis densiores sunt, nec tamen est aqua unde meatus impleantur, ignis verò licet haberet substantiam tenuiorem se, qua implerentur pori, sua nimia activitate eam in se converteret.

Iuxta hanc hypothesim quætere an cutis fæminea sit rarior, idem est ac si quæramus an plura habeat spatia vacua: sic enim libet appellare vacuitates aere plenas, scilicet more Aristotelis, qui comprimuntur, inquit, quæcunque meatus habent vacuos congeneri corpore, ubi vacuos meatus appellat, id est, aere plenos, qui modus loquendi fuit antiquorum, teste eodem, quippe audiendi vim vacuo tribuebant: nam aer inquit ipse, vacuum esse videtur. Itaque fæminam meatus habere rariore quam virum, non est dicendum. Neque hic disputabo an raritas & densitas sint secundæ qualitates à primis productæ: nam si qualitates sunt raritatis produceretur à siccitate, quæ fæminis impropria est, si non sunt qualitates sed sicut quidam partium acquisitis per motum localem, hic motus calori debetur vel mediatè vel immediatè: jam ergo raritas sive à sicco sive à calido producat, fæminæ non convenit, neque est aliqua necessitas quæ cogat rariorem dicere habitum corporis fæmineum quam mascu-

atraculum, neque quod molles sint, ideo oportet esse raras: quippe ut molle duro sic rarum opponitur denso. Neque ex parte finis major raritas convenit feminis: cum enim corpora foraminibus pervia facta sint ut aerem ad calorem attemperandum recipiant & fuligines expellant, qui usus raritatis colligitur ex Hippocrate in libello de alimento. Sanè utrumque hoc magis necessarium est, ubi major est caliditas, nempe viris quàm feminis, quas frigidiore esse constat. Ex parte agentis raritas non convenit feminis, quippe quæ humidæ sunt, raritas non convenit feminis, quippe quæ humidæ sunt, raritas autem siccitatis soboles. Præterea Galenus non audet pueris ante decimum quartum annum sanguinem mittere, quia plurimos habent effluxus per cutis transpiramenta: quare eos evacuationi huic & simul alteri per venæ sectionem non suffecturos existimat. Hinc sumite argumentum ad probandum feminas, firariore essent quàm viri, non suffecturas evacuationi sanguinis quæ singulis fit mensibus, immo nequè hac evacuatione menstrua indigerent. Nam jam superius manet dictum mulieres rusticanas, & quæ virilibus exercitiis occupantur mensuris sine ulla noxa carere: hoc autem non aliunde provenit, nisi quia transpiratione suppletur ea vacuatio, quæ ex utero fieri debuerat. Tandem feminæ minus ab injuriis externis offendentur quàm, quod quotidiano experimèto patet. Si verò aliquis dicat, feminas, quæ sedentariam vitæ agunt & domi se continent, non oportuisse magistras esse ob occurrentibus externis quàm viros, quorû labores circa aeris intemperiem magis fiunt. Respondebo naturam ad unum una re uti, ad plura abuti: ut rur densitate sæninci corporis ad colligendû sanguinem qui fætus formationi, & incremento materiam præstat, aliarum verò pulcritatem præ ista quam diximus, non esse sollicitam.

Itaque tenèriore esse mulieres & molliore viris concedimus rariore esse negamus; obstat tamen libellus de glandulis, in quo juxta si-
nem hæc verba scripta leguntur. *Mulieribus enim rara est glandularum natura, quemadmodum etiam reliquum corpus rarum habent.* Et paulò infra. *Mas enim plenus est, ita velut pallium densus, tum ad visum, tum ad tactum; femina verò rara, & laxa, & velut fluida, tum ad visum, tum ad tactum.* Non est tamen cur nos deterreat hic auctor, quem non fuisse Hippocratem nos admonet Galenus, quippe libellum de glandulis tam loquutionibus quàm sentent. *Gal. 1. de articulis. com. 46.*
tiis longè superari, ait, à germanis libris Hippocratis: neque ullum veterum Medicorum eius libri meminisse, neque ab iis qui indicem scripserunt commemorari. Est ea alia difficultas sumpta ex Hippocrate dicente, qui mala transpirant, ante quam ægrotent, robustiores. Vnde si feminæ corpus minus rarum habent quàm viri, male transpirabunt & subinde.

subinde erunt robustiores; dupliciter respondemus, primo fœminas licet minus transpirant, minore transpiratione indigere, quia frigidiores sunt & respirant quidem minus, sed non male utique respirant pro necessitatis mensura, vel dicendum fœminas licet hac conditione possent esse robustiores, tamen ex multis aliis debiliores esse debent, ut ex molliæ ex frigidityte.

De mulierum candore, glabritie, Lavore.

Si fœmineum temperamentum spectemus cum pituitosum hoc est frigidum sit, & humidum color totius corporis debet esse candidus. Si etiam sedentariam vitam quam domi conclusæ degunt, nec torrentur à sole, neque à ventis percutiuntur, si præterea cruditates, quibus magis quam viri abundant, in memoriam revocemus, hæc omnia candidum mulierum corpus debere esse arguunt: quapropter nisi per accidens mulier à suo proprio temperamento dilabatur & humorem præter naturam congerat à quibus pallida aut nigra efficiatur, albidior fere semper est viro: quippe earum unaquæque cutis quæ, utpote membrum spermaticum, est nullo infecta humore extraneo albescit, quod si simul habeat prædictas condiciones, longè solito albidior est, quod adeo proprium est mulieribus, pueris, & eunuchis, ut videatur in viris muliebritatem præ se ferre, unde illud Petronii Arbicri

Dum dubitat natura marem, faceretne puellam,

Factus es, ô pulcher, pene puella puer.

Præterea cum carniū muliebriū mollities teneritasque, cutem secum afferat tenuissimam, maxime eam quæ faciem tegit: frictionibus enim, lotionibusque frequentibus attenuatur, tamquam crystallus, aut tela tenuissima id ostendit quod sub se habet: si rectè sit temperata, habet sanguinem valde rubrum, qui sub cute tenuissima apparens, efficit roseum ac pulcherrimum colorem ex rubro & candido permixtum, unde

Æn. 12.

Virgilius

Indum sanguineo veluti violaveris ostro

Si quis ebur, vel mista rubent ubi lilia multa

Alba rosa, talis virgo dabat ore colores.

Et similiter Tibullus

Tibull. eleg.

4.

Candor erat qualem præfert Latonia luna

Et color in niveo corpore purpureum.

Vnde Lucianus candor ille perpetuus, inquit, neque in maribus, neque in fœminis probatur, nisi rubor admistus, illi decus junxerit. Quod etiam inter medicos constat: albus enim duntaxat pituitam indicat, quæ si sanguinem laudabilem admistum habeat, nihil decentius esse potest. Quod Galeni doctrinæ consonat: quippe describens temperamentum paulo calidius cum multa humiditate, ait mollis his caro est; & multa, & color commistus ex albo & rubro.

Cæterum aliquis in sacris literis versatus poterit obijcere sapientissimum Salomonem in canticis, qui videtur colorem nigrum magis commendare in mulieribus; album verò, & rubrum in viris: nam quod attinet ad mulieres, sponsa de se ait, *nigra sum sed formosa*, vel secundum originale, *nigra ego, & formosa*, quod attinet ad virum sponsa de eo ait, *dilectus meus candidus & rubicundus*. Cæterum, ne arcana mystici sensus penetralia ingrediar, sic literam interpretabor. Sponsæ nigredinem, sponsi verò albedinem cum rubore permistum utrumque contrarium esse colorem ei quem unusquisque sexus postulat, sed id evenisse ex accidente: cum enim mulier deberet umbratilem vitam agere, vir autem solis calore aduri, oppositum accidit: quippe sponsa solis radiis exposita nigredinem, potius subnigredinem requisivit, unde ipsa de se ait, *noli me considerare quod fusca sim, quia decoloravit me sol*. At sponsus ille erat de quo illa ego dilectio meo & dilectus meus mihi, qui pascitur inter lilia, quod umbratile vitæ genus videtur significare. Siquis autem curiosius quærat si nigredine erat deformata sponsa, cur inferius de eadem sponsus ait, *tota pulchra es amica mea, & macula non est in te*; huic ego respondebo, quod quidam, ait in corpore formoso etiam nævum non minuere, sed potius augere pulchritudinem. Vel etiam dicendum nigram fuisse, sponsam non tamen ideo sponso displicuisse, unde apud Ovid. Sapho inquit

Candida si non sum, placuit Cephæia Perseo

Andromachæ patris fusca, dolore sua.

Vel tandem dicendum non multum interesse qualis aliquando fuerit sponsa, vel qualis ipsa sibi videatur, sed potius qualis nunc sit, cum ab sponso tota pulchra dicitur, vel qualis sponso videatur. Sed de his per modum digressionis palato studiosorum sit satis.

Accedo ad fæmineum corporis lævorem, qui densitatis confectus est: quippe rara corpora hirsuta esse ex eo constat, quod ratum est calidum & siccum? calida autem & sicca intemperies, (ut Galenus ait) hirsuta est, quare ex genere contrariorum frigida, & humida est hirsuta contraria, nempe lævis: ralem autem esse fæmineam naturam ex dictis satis constat. Porro Galeñus in hirsutorum ordine tria tempera-

Luc. in dia-
log. Doridæ
& Galas.

Art. med.
c. 57.

c. 1. n. 5.
c. 4.

c. 6.

c. 4.

Ovid. in e-
pist. Sapho
ad Phaon.

8. Leñio.

2. de temper.

Gal. vii.
med. c. 57.

menta collocat, inter quæ maximè hirsutum est calidum, & siccum; minus quod calidum est, in humidoque ac sicco temperamentum; minus autem quod siccum est mediocritate servata in calido & frigido. Nescio tamen cur calidam, & humidam temperiem omiserit cum revera ob excedentem calorem, & excrementorum copiam, hirsuta sit, ut ipsemet Galenus alibi faretur: fallitur namque Triverius calida & humida corpora glabra esse sentiens. Alter est glabrorum ordo, quo tres aliæ frigidorum temperamentorum differentia continentur. Omnium maximè glabra sunt corpora frigida humida, talia sunt fæminea in eo temperamento quod postulat sexus fæmineus: minus glabra quæ frigida sunt, in humidoque & sicco temperata, minus adhuc quæ frigida sunt & sicca. Hic quoque prætermisit corpora humida, quæ servant in frigido, & calido mediocritatem, quæ si ad temperatam naturam conferantur, glabra sunt: quia licet moderato calore fuligines expellantur, concidunt tamen meatus ob nimiam humiditatem. Ex his omnibus intelligeris universim quæ ad frigidum, & humidum vergunt corpora, qualia sunt fæminarum, glabra esse.

Prov. 30.
n. 17.
* alias se-
pulchrum.

Porrò mulieres quia intra se ipsas concipiunt, non indigent externis illecebris, quibus excitentur ad coitum: inest quippe vulvæ insatiabilis, quædam seminis virilis cupiditas, quod sapientissimus Salomon nos docuit, inquiens, *Tria sunt insatabilia, & quantum quod nunquam dicit sufficit: infernus, & os vulvæ, & terra, quæ non satiatur aqua: ignis verò nunquam dicit sufficit.* At virum quem oportebat semen in aliud conjicere, oportuit habere à quo excitaretur, ideo ei offertur delectabile obiectum, nempe oculis pulchritudo, cujus magna pars in coloris suavitate consistit, tactui lævor asperitati contrarius.

1. semper. c.
16. c. 9:
c. 2.
ajusd. c. 3. 14
mosh. c. 18.

Lævor itaque comitem habet glabritiem, ideo mulieres pilis carent: nisi in capite, sub alis, & circa pudenda, cujus rei oportet reddere rationem. Quemadmodum in magno mundo dantur vapores humidi, dantur & exhalationes siccæ, sic etiam in nostro corpore, quod Microcosmus appellatur, vapores dantur ascendentes ad caput, qui sua humiditate somnum conciliant, ac si abundaverint, generant catarrhos & alios soporosos affectus. Attolluntur & sicci fumi ex quibus præter alia pili fieri solent: quod Galeus testatur non semel. Hoc tamen ita intelligi debet, ut siccitas sit, qualis corpori viventi debetur, hoc est non penitus humiditatis expertus: quippe terræ ea quæ omnimodam habuerint siccitatem comparabuntur testacea & ostreacea animalia, in quibus pili præ siccitate duritie & densitate nasci nequeunt, quemadmodum non nascuntur plantæ in terra valde saxeam naturam obtinente. Ex altera

altera parte loca humidiffima inepta ſunt ut in iſſis plantæ naſcantur, eodemque modo corpora valde mollia & humida, uti corpora fæminarum, non ſunt apta generationi pilorum.

Itaque tam ex parte humiditatis conſtat fæminas pilis carere, ſiquidem pili in ſiccis magis quam in humidis naturis reperiuntur. Idem etiam conſtare poteſt ex parte raritatis: nam ſupra probatum manet fæminas denſum habere corporis habitum: at pilorum generatio raritatem cutis expoſtulat, dicente Galeno ex pilorum multitudine accipi raras argumentum. 6. aph. 69. Cæterum loca quædam quæ ſunt velut emunctoria, ad quæ plurima excrementa mittuntur, non poſſunt non limoſam quandam materiam ſuſcipere, ex qua pili generentur; quare mulieres quæ ſine pilis toto corpore ſunt, ſub alis & juxta inguina pileſcunt, ob excrementa in illas partes copioſè tranſmiſſa: quippe ea emunctoria natura rariora quàm reliquas partes efformavit, ut ſcilicet excrementa illuc conſtuentia facile habeant diſcuſſionem.

Porro glabrities mulierum aliam etiam habet cauſam, nempe viam excrementorum: quippe fæminæ excrementis abundant, ſed ea ſingulis menſibus copioſè e corpore per uteri regionem excernunt. G. II. de uſup. c. 14. Cur vero in capite longiores fæminis quàm viris pili naſcantur, duplex cauſa eſſe poteſt, una quoniam (ut Galenus ait) duplex pilorum eſt origo, quemadmodum plantarum, alia quidem à conditoris providentia alia verò à loci natura: ad loci naturam ergo refert pilos tum axillarum, tum aliorum membrorum: ſed alia ratio reddi poteſt nempe cùm denſitas habitus fæminei impediatur haliuum tranſpirationem, quæ fit per univerſum corpus, ſumi qui per corporis ambitum excernendi forent, (ſunt autem non pauci quamvis pars major per menſtrua expurgetur) ſummi, inquam, in pilos abitura ſcendunt ad caput & continuam, copioſamque pilis gignendis materiam præſtant. Hinc etiam advenit quòd nec mulieres, nec ſpadones calvitiam lubeunt: & de ſpadonibus habemus Hippocratis documentum, hoc autem eis evenire Galenus ait, quia corpus habent fæmineo corpori ſimile & ſic tam fæminæ quam ſpadones, nec podagra laborant neque calvi fiunt, imò neque etiam pueri ante uſum veneriorum, teſte Ariſtotele: quare exiſtimare oportet caput valde excrementis abundans materiam pilis gignendis ſuppeditare omnibus qui mulierem habent naturam, viris autem coitu utentibus materiam pilorum ad barbam ad axillas ad pubem magis inclinare, unde poeta, *inde tragus* de gen. animal. lib. 5. c. 3. & 3 de hiſt. c. 11. celeresque pili mirandaque matri barba quia ſcilicet veneris uſus barbam accelerat, poteſtque ad veneriorum uſum in maribus ſequi calvities. Cæterum ſpadones quibus in virili ætate conſtitutis, cùm jam barbam ha-

berent, testes exedisi sunt, hi barbam quidem conservant, tametsi raram ex pilis admodum tenuibus constantem.

Cur autem fæminis & iis quorum habitudo fæmineam imitatur, ut sunt pueri, & eunuchi imberbes sint causam inquirere oportet. Nam cum viris barba data sit, ut plerisque doctissimis viris placet, ad ornatum tantummodo non ad aliam utilitarem, si barba ornatui intervit, cur hoc decore natura fæminas privavit? si fæminis decora non esset, cur magis ornatui viris est? Aristoteles quidem in hoc mihi videtur defecisse, quod philosophus cum esset & teneretur hujus rei causas inquirere, Historici duntaxat officio functus ait, *Pili in mento mulieris non prodeunt, nisi interdum pauci, cum menstrui cursus subsisterunt, & ut in terra Caria mulieribus sacerdotibus evenire ajunt, quoddam divinationis indicium interpretantur.* Sic Aristoteles: cæterum si historiis decertandum est, dabimus eis mulieres quæ non paucos, ut ille ait, sed satis multos longosq; pilos imò prolixam & fæcundā in mento barbam præ se ferebant: quarum peculiare notas unusquisque apud Marcum Antonium Vlmum, qui hoc argumentum satis feliciter tractavit, reperire potest. In primis nostro ævo visa fuit quædam Helena Antonia natione Germanica, quæ prominentem habebat adpectora barbam. Altera Jacoba Nigra Novellariensis, quæ barbam tum in mento, tum in labro superiore satis densam obtinet. Maria Pellegrina item Novellariensis, quæ barbam gerebat, cujus pili erant nigri, crassi, duri, ipsa verò voce virili erat prædita, habitu corporis compato: thoracem, caput, manus, dorsum pilis oblitum gerebat. Vidit etiam hujusmodi monstra Hippocrates, ut in Abderis Phaetusa Pythæ uxor, & in Thaso Namyfia uxor Gorgippi; verum de his inferius tractabimus, cum de mutatione sexus erit sermo.

Relictis ergo historiis ex quibus non potest duci argumentum, nisi ad probandum non esse impossibile nasci mulieribus barbam, quod non negamus, scire oportet cur juxta naturæ ordinem fere semper barba viris tantummodo data est. Quod adeo est verum, ut si quando mulier barbata conspiciatur, pro monstro habetur. Rectè ergo ex iis quæ eveniunt ut plurimum occasionem accipimus inquirendi cur soli viri barba est data.

Quod ad causam finalem ex superius dictis colligimus barbam ornatus gratia à natura fuisse concessam: deest tamen adhuc scire, quod nam afferat ornamentum barba & cur sit magis virile quàm muliebri ornamentum. Quare considerare oportet barbam esse ex iis quæ postea nascuntur, unde inferre licet barbam esse naturæ ætatis signum, naturæ autem ætati debetur reverentia, debetur & virili sexui urpore qui nobis

*Laurent.
Firm. de
opific. Dei
c. 7.
Gal. 11. m.
sup c. 19.
Cicer. 3. de
finib.*

*Arist. 3.
hist c. 1.*

nobilior est muliebri. Propterea barbam dicemus esse ad exhibendam viro reverentiam, siquidem ex ea colliguntur duo, quorum utrumque ad venerationem invitat, nempe virilis sexus, & ætas matura. Hinc est quod prisci summo studio barbam nutriebant, & barbam velere pro magna injuria etiam hodierna die reputatur, quod ergo antiquis opprobrium fuerit barbam alienam manu tractare testimonium præbet. M. Pappus apud Livium, qui Gallo barbam suam, ut cum omnibus promissa erat, permulcenti Scipione eburneo in caput incusso itam movit, & inde cæterorum strages fuit orta. Actum agam si quæ ab aliis, præcipuè à Pierio Valeriano ex professo erudite sunt scripta, vellem transcribere, sufficiat in præfens barbam apud omnes in honore semper fuisse, quod non aliunde evenire potuit, nisi quia significat tum ætatem reverentia dignam, tum sexum nobiliorem.

Tit. Luc.
Decad. lib. 5

Si efficientem causam inquirimus, Hali Abbatem audire liceat, qui in hunc modum scriptum reliquit. Oritur autem viris, & non mulieribus barba duplici de causa: altera est quoniam virorum in corporibus fortior est, quàm in mulierum calor, vaporesque fumosi & calidi, qui pilorum materia sunt: in viris non sufficit natura illos uno loco tantum modo producere, sed duobus disponit, altero in capite pilis, altero in barba. Altera causa est, mulieres in domibus converfantur, nec attinet illis barbas producere, mentes eorum nuda sunt, & pili non indigent, ornatiores enim sic sunt & competentes. Viraque hæc causa ab Hali Abbate allata inanis mihi videtur, prima quia dum plures fuligines viris quàm mulieribus tribuit, tenetur causam reddere cur muliebri longiores quàm viro in capite crescant pili: Altera quoniam nihil concludit: nam si quia domi manent, non indigent hoc ornamento, certe eis ornamentum non est, quippe ornamentum si foret, nihil damni esset ab omnibus conspici: deinde si sic imberbes decentiores sunt, cur non explicat unde eis adveniat iste decor? si forsan diceret mulieres domi manentes non admodum expectari aeris inclementiam, ac proinde non indigere tegumento labori superioris, & inferioris ut sic minus à frigore dentes offendantur, urique recte dixisset: verum sic causam finalem nobis magis quàm efficientem traderet. Crediderim viros calore & fumis abundantes multam ad superiora pilorum materiam transmittere, quæ materia facile ad anteriora vergit, quippe in posterioribus obstacula plura sunt, ad anteriora autem vergunt viscera calidissima, hinc est quod mares calido temperamento præditi pectus valde pilosum habent, & eodem jure etiam mentum.

Possumus etiam dicere inter pubem & mentum esse consensum aliquem, propterea viros, cum pubescere incipiunt, incipere etiam lanugine prima malas exornare, quod similiter feminis contingere deberet,

nisi esset quoddam fœminæ propter ejusdem pubis cum uberibus consensum, tunc cum pubescunt, simul incipiunt fratrare & mammas extollere quæ ratio non est omnino contemnenda.

Arist. 1. gen. animal. 6. 19. Quia existimavit fœminas non emittere semen, existimavit etiã rationem, cur pinguioribus sint, esse, quia materia semini proportionalis, qualis est pinguedo, assumitur in semen virorum; & ideo vera cum semen virile sit magis corpulentum quam fœmininum fœmina non consumunt pinguedinem in coitu.

Pertinet etiã ad habitum mulierum, quod pinguioribus sunt viris, quod agnoverunt prisca: quippe in cadaveribus cremandis decem virorum corporibus unum muliebri adungebant ut præ pinguedine esset veluti tæda & fax ad accelerandam combustionem. Cum ergo mulieres multa humiditate abundant quæ quidem non omnino aqueam, sed aliquantulum adiposam naturam habet, cum rursus in ijs deficiat calor, qui possit hanc absorbere humiditatem, fit ut ea potius defectu caloris crescat, quàm ejusdem excessu evanescat.

esse, quia materia semini proportionalis, qualis est pinguedo, assumitur in semen virorum; & ideo vera cum semen virile sit magis corpulentum quam fœmininum fœmina non consumunt pinguedinem in coitu.

Est etiã muliebris habitus circa pectora fungosus, aptusque ad laetis tum generationem, tum etiã custodiam. Narrat Plinius virorum cadavera supina fluitare, fœminarum verò prona, quod ille tribuit pudori fœminarum: quæ ratio ridicula videtur: qui enim fieri potest ut cadaveri vita functo pudor infir? Melius Cælius Rhodiginus ideo fœminas pronas fluitare, ait, quia ventricosa sunt, & quod earum mammae spongiosæ & fungosæ naturæ existentes multam in se combibunt aquam, quâ ille repletæ, simul cum ventris male, onus ad partem illam inclinare faciunt.

Arist. 7. hist. 6. 7.

Cum autem ventricosæ sint, & saticlunes, & partes circa ventrem inferiorem ampliores, quàm viri habent, id factum est, consulente scilicet natura fœtui in utero gignendo: nam sic ei præparavit locum, quoad potuit accommodatũ, ut dum per novem menses in illo carere detineretur, domicilium haberet, in quo non penitus coarctaretur.

1. hist. 6. 14.

Mulieres acutiorem quàm viri habent vocem, quod tamen non omnibus animalibus est commune: ut videre est apud Aristotelem, nam bobus contrarium evenit, quippe fœminæ quàm mas graviolem habet vocem; & vitulis gravior est, quàm adultis; habent ergo fœminæ, & eunuchi asperæ arteriæ cavitatem angustam propter temperamentum frigidum omnia angustantem; puerorum verò in ea ætate angusta est cavitates, sed quoniam argumento ætatis fit latior, vox his mutatur in graviolem; fœminis verò, ut eunuchis semper acuta manet; sic olor quem exequias suas celebrare non solum Poetæ, sed alii narrant, ut Elianus est testis, quamvis Plinius fabulosum id esse putet. Cæterum verisimilius est huic volucris adventante morte subtiliori voce, & magis ad maiorem invitante canere.

El. lib. 19. 6. 36. Plin. 10. 6. 23.



DISPUTATIO QVARTA.

Leſio 9.

Utrum ſit poſſibilis ſexuum permutatio.



Vando an mutatio ſexuum poſſibilis ſit inquirimus, u-
nam tantum intelligimus mutationem à ſæmineo ſexu
in maſculinum, quippe altera à maſculo in ſæmineum
manifeſtum eſt eſſe impoſſibilem, neque de hoc unquã
quiſpiam dubitavit, diſtante ſcilicet id ratione, quippe
reſſum in imperfeſtus non molitur natura, neq;
ex perfectio efficitur mutilatum: at ſæmina & imperfe-

ctior eſt viro & vir mutilatus appellatur. Quod ſi dicatis poſſe quidem
unumquodque in deterius ruere, non à natura, ſed à cauſis præter natu-
ram, unde à ſanitate datur lapſus in morbum. Reſpondemus, id quod à
cauſa præter naturam ſit, fieri non poſſe ut evadat ſecundum naturam: ac
ſæminam, ſi ex mare fieret, oportet eſſe naturaliter talem, alioquin nos
non dubitamus ex maribus fieri ſpadones, qui quodam modo ſunt ſæmi-
næ non propriè & ſecundum eſſe verum impropiè, & apparenter. Pro-
pria ſæminam ex maſculo evadere neque degenerare, initium autem de-
generandi (ut Ariſtor. ait) eſt ſæminam fieri: neq; ars facere poteſt, quod
ſi poteſt, Nero id obtinuiſſet, qui ſporu pueru ex ætis teſtibus, etiã mulie-
brem naturam tranſfigurare conatus eſt: cum dote, & flammeo per ſo-
lemne nuptiarum celeberrimo officio, deductum ad ſe pro uxore habuit.
Extratque cuiusdam non inſcitus jocus, bene agi potuiſſe cum rebus hu-
manis, ſi Domitius pater talem habuiſſet uxorem, neque veritatis in-
ſtigationem fabulæ poſſunt remorari, fabuloſum enim eſt quod de Tireſia
narratur, qui ob ſerpentem occiſum è viro in ſæminam fuit mutatus, &
ob eandem cauſam rursus in maſculum ſexum reſtitutus. Itaque relictis
nefandi concubitus miniſteriis, cum vir nubit in ſæminam ex Juris Con-
ſultorum loquendi modo, id quod in dubium veretur, eſt an ſæmina poſ-
ſit aliquando in virum evadere, hoc eſt veram ſæminam in verum viru
transmutari.

Suet. in Ne-
ron, c. 23.

Videndus
Aufonius
pag. 23. in
epigr. de iis
qui ſexum
mutarunt
Ad leg. lul.
de adulter.

In doctrina Galeni non eſt impoſſibilis iſthæc tranſmutatio, ſiqui-
dem omnes quæ viris, inquit ille, in ſunt partes in mulieribus etiã re-
periuntur. Nam quemadmodum talpa oculos habet imperfeſtos, non
tamen

14. uſup. c. 6.

Hinc obiter
colligitur spa-
dones mu-
lieribus esse
imperfectiones.

tamen imperfectos æquè ut quibus animalibus hæ ipsorum quidē omni-
no ulla est delineatio, sic & mulier partibus genitalibus viro & imperfe-
ctior: partes enim ipsius formatae intus fuerunt, dum ipsa utero adhuc
gestaretur: cum autem extrare & foras emicare præ caloris imbecillitate
non possent, ipsum quidem animal quod conformatum erat, imperfectius
eo quod undique est absolutum reddiderunt. Ex hac fæminæ confor-
matione à Galeno tradita, quid aliud inter fæminam, & mare interesse
compertum est, quàm factum dum formaretur in media via constitisse
& subinde in fæmineo mansisse sexu, si verò ulterius progredere-
tur masculum futurum. Ergo quod tunc non fuit progressum progrediatur
per aliquod annos, hoc quid prohibet ita fieri? profectò nihil, ergo ne-
que quicquam prohibet id quod fæmina erat prius, in masculum pro-
gressu temporis progredi.

6. epid. sect.
8. in fine.

Neque videtur reluctari Hippocrates, siquidem duas narrat histo-
rias duarum mulierum, quas juxta id quod evenisse tradit, in viros fuisse
conversas unusquisque fatebitur. In primis eum Phaetusa Pythei con-
jux abderita cui jam olim puella fæcunda esset, ejus marito in exilium
acto, muliebria defecerunt multo tempore, postea verò in articulos do-
lores & rubores cum ei contigissent, tunc corpus virile factum est, & hir-
sutum, & barbam emisit & vox aspera facta est, & cum omnia fecisse-
mus ut muliebria extraherentur, non venerunt, sed mortua est, cū non
multum postea tempus vixisset. Huic historię aliam non absimilem
annectit inquitens, evenit autem & Namyfiæ Gorgippi uxori in Thaso
idem: videbatur autem omnibus Medicis, quibus & ego forse adfui uni-
ca spes esse si effiminaretur, & secundum naturam prodirent, sed neque
huic potuerunt venire omnia facientibus, sed obiit non multo post.

Verum neq. Galeni doctrina, neque eventus ab Hippocrate enar-
rati nobis persuadent rem omnino impossibilem, quæ nemini sanæ men-
tis in mentem venire potest.

*Non posse ex Galeni doctrina colligi muta-
tionem sexus.*

CORRUIT in primis transmutationis ratio in doctrina Galeni, si corrumpatur
fundamentum in quo stabilitur. Fundamentum est genitalia mu-
liebria & virilia solo situ differre, ac proinde posse ea membra quæ in fæ-
minis intus latent, extra prodire, & sic ex fæmina evadere virum. At re-
clamant Anatomici, nec istam similitudinem, identitatemve admittunt.

Quare

Quare cum autopsia oculis offerat impossibilitatem mutandi membra muliebria in virilia ratio etiam nos cogere dicere impossibile esse istam mutationem.

Merito quidem Anatomici damnant chimericam conversionem membrorum virilium in muliebria, & viceversa muliebrum in virilia, de pene ne verbum quidem facit: quippe vidit non posse longitudinem quam ille mente concipi juber. Nam huius membri ex aliquo muliebrum membrorum assumi. Si quis vero dixerit in mulieribus esse id quod Avicenna *albarram* vocat, id est virgam, Albucasis *teniginem*, Fallopius *clitorida*, Andreas Laurentius muliebrum *mentulam* seu penem femineum: quippe particula hæc ligamenta habet duo ab osibus pubis orta, intus spongiosa in cuius extremo aliquid inest glandi simile quod tenuissima cute instar præputii tegitur, sciat non posse ex hoc pene penem virilem confici, quippe virilis fistulosus est, & tum seminitum utinæ egressum præstat, muliebris verò mearum nullum habet, per quod semen excernatur, sed inservit ut perfricatus torpentem excitet Venerem, & propterea clitoris vesicæ nullo modo est continuum, sed in vulvæ apice positum atque ita non potest per inversionem à Galeno excogitatam virilibus inservire ministeriis. Vult etiam Galenus matricem converti posse in scrotum, sed quo jure id faciat ipse viderit, mihi certissimum est diversam omnino esse utriusque substantiam: quippe scrotum cutis est rugosa, uteri fundus membrana densissima tota intus carnosæ, & multiplici villorum genere texta. Denique multa sunt in quibus muliebria genitalia à virilibus discrepant, non situ modo, sed ut Andr. Lau.
lib. 7. q. 8. Andreas Laurentius ait, numero, forma, & structura. Itaque jam ex hoc capite exclusæ manet Galeni doctrina, neque quicquam inservit ad monstrandam sexuum mutationem.

Sed progredior ulterius, & Galeno (pro reverentia tanti viri) admitto partes genitales intus formatas emicare præ caloris imbecillitate non possent, ipsum quidem animal quod conformabatur, imperfectius eo quod undique est absolutum, reddidisse: admitto, inquam hoc, quod tamen ratio admitti posse negat, quippe partes in eo situ fuerunt formatæ, in quo nunc manent, nec dentes etiam si post aliquot menses apparent, tunc cum apparent, relinquunt priorem locum, sed excrecentes ab-rumpunt præ magnitudine gingivas. Cæterum quando verum esset has partes præ caloris inopia intus remansisse, non hoc sine causa finali factum esse existimandum est: ipsemet Galenus utilitatem hinc consequutam esse fatetur: cum ergo bonum sit communis omnium finis, cum rursus bonum triplex sit honestum, jucundum, utile, profecto femina erit facta propter finem, nec diceretur animal occasionatum: si ergo gene-

rario illa, qua fœmina producta fuit, suum finem est adepta, non poterit naturaliter ulterius progredi, atque ita fœtus qui semel in fœminam deliit, non potest ulterius in virum evadere.

Est quod dicatis, nempe utilitatem quæ consequitur, non esse respectu ipsius fœminæ cui utile fuisset ulterius membra foras progredi, sed respectu totius speciei, quod significans Galenus addit, *toti verò generi utilitatem non aspernendam præstiterunt, oportebat enim quandam esse fœminam.* At ego existimo ipsi fœtui, supposito quòd membra habuit angustiora & minora quàm quæ virum decebat, utile fuisse intus remanere. Nam cum genitalibus angustis & parvis mas esset valde fœminæus, hoc est imbecillis & mollis & ineptus, etiam sub masculino sexu, ad generandum, Quare melius fuit fœminam fœcundam remanere, quàm virum sterilem evadere, cui dici posset

Nec dulces natos Veneris nec præmia noris.

Clausis intus genitalibus poterit esse mater, exclusis verò iis quæ angusta sunt, non erit unquam pater. Matrem verò, & patrem esse pro magno Dei beneficio habetur, ut constat ex quamplurimis sacrae paginæ locis.

*Hippocratem suis historiis noluisse mutationem
sexuum insinuare.*

PHætusæ, & Namyfæ duæ mulieres quibus insignem mutationem contigisse narrat Hippocrates, non eò progressæ sunt ut in virilem sexum fuerint transmutatæ, neque hoc voluit significare magnus senex, ut constat ex ejus verbis. Multum quidem interest vitilemne habitum dixerimus, an virilem sexum. Non est mirum Viragines esse hirsutas, fortes, atque etiam vocem barbamque virilem præferentes: nam (ut jam superius dixisse memini) intra latitudinem fœminei temperamenti potest mulier accedere ad summum gradum, ac propterea ad aspectum & mores viriles. At sexus, cui in generatione proli suas partes tueri convenit, non adhuc mutatur. Fœminam dicit Aristoteles esse quæ intra se generat, marem qui in alio: hoc, quantumvis reliqua mutantur, immutatum remanere debet, quare si aliquem virum ex fœmina factum nobis narratur, qui sub posteriore sexu prolem genuit, scire expedit hunc non fuisse prius veram fœminam, sed vel natura vel industria simulatam: alia verò exempla earum quæ veræ fœminæ fuerunt, nunquam post mutationem proli gignendæ aptitudinem habuisse compertum est.

Sed ad Hippocratem revertamur. Narrat hic affectum præternaturam.

turam, nempe menſtruorum defectum, quem curare voluit, omniaque machinamenta adhibuit, ut menſtrua provocarentur, quod cum aſſequi non potuerit fæminæ ad interitum productæ fuerunt. Inter ſymptomata verò quæ ad menſtruorum defectum fuerunt conſequuta, unum fuit articulorum rubores, & dolores, ſanguine videlicet præter naturam retento ad illas partes inclinante : quippe mulieres (ut ait Hippocrates) podagra non laborant niſi menſtrua defecerint, alterum hiſpiditas, barba & vocis mutatio, quæ omnia evenerunt propter excrementoſam materiam, quæ ſi ſingulis menſibus evacuetur, corpus relinqueret expurgatum, ac proinde in ſua naturali temperie & in ſuo habitu naturali, quoniam verò retenta fuit & temperamentum præ multitudinem calidum & habitum præ pravitatem ſqualidum reddidit.

Sed offert ſe ambigendi ratio: nam ſi menſtrua purgatio proveniens efficit, ut corpus purgatum læve glabrumque conſervetur, & eadem deficiens idem reddat hiſpidum, & piloſum ; cur ſpadones, quibus menſtrua nulla fluunt, habitu lævi, glabroque ſunt, non minus quam mulieres? ſane glabrities, & lævor non debent referri ad menſtrua, ſiquidem ſpadones ſine menſtris glabri ſunt, & læves. Hunc nodum non eſt difficile ſolvere : nam eunuchi ſunt fæminis frigidioreſ : fæminæ enim ſuos ſaltem habent teſtes, eunuchi nullos : ſunt tamen magis exercitati, quia cum mulieres non ſint, virilibus ſe negotiis immiſcent, ob maiorem ergo frigiditatem minus ſanguinis generant, ob majus verò exercitium, plus diſcutiunt. Hinc accidit ut eunuchis nulla adſit menſtruorum neceſſitas. At menſtrua per ſe ſola non ſunt quæ barbam tollunt, ſed præcipue illud ipſum temperamentum quod menſtruorum neceſſitatem aſſert, tollit barbam : quoniam igitur eunuchi habent quidem temperamentum muliebre, ſed ob duas cauſas prædictas carent neceſſitate menſtruorum, ſit & careant barba ratione temperamenti, careant menſtris ob rationes prædictas.

Sed adhuc interrogabit, cur ſi menſtrua non tollunt barbam, ex menſtruorum defectu barba hiſ mulieribus fuit nata? quia licet menſtrua evacuatio non ſit per ſe ſola cauſa glabritiei, & huius evacuationis privatio, cauſa hiſpiditatis, nihilominus reliquis cauſis accedens, aliquid præſtat. Etenim cauſa pilorum, ut diximus, eſt fuligo, & hæc ex ſanguine excaſto naſcitur, ſanguis verò huiusmodi propter menſtruas evacuationes deſt, & glabrities augetur. Si deſint menſtrua, abundat, & hiſpiditas creſcit. Ergo ſanguis qui retinetur in corpore propter menſtrua cohibita ſit materia barbæ, non igitur omnibus quibus hæc materia adeſt barba oritur, niſi iis quibus ſimul adeſt etiam cauſa efficiens: cre-

dibile autem est has mulieres habuisse naturam muliebrem, & sanguinis proprietatem virili proximam. Quoniam igitur contigit eas sanguine redundare ob retenta menstrua & virili proximum habere calorem, ex hypothesi eventus fuit qualem Hippocrates narrat, rarissimus quidem, & eo rarior (ut idem Hippocrates narrat): quod mulieres fuerant ante fecundæ, quod ille ipse notavit, nam viragines non solent esse fecundæ, ut superius diximus, & in illis, utpote calidioribus, minus mirabilis fuisset barbae proventus.

Itaque mulieres istæ natura calidæ, & naturæ ad virilitatem inclinantis indigebant viro ut conciperent, & fatui sanguinem præstarent, & lochiis purgarentur. Verum ob maritorum absentiam non solum hæc defuerant, sed menstrua etiam cessarant: quippe coitus menstrua assuetæ, potest has purgationes pigras reddere: has ob causas & materia abundavit, nempe sanguis retentus, & efficiens vigorem auxit, nempe calor nullis evacuationibus diminutus, sed auctus, quare efficiens vigorolum in materia abundante suum produxit effectum, hoc est, hispiditatem, & barbam, dilatioque vocis etiam vocem virilem.

Vehemens fuit causa quæ nullis medicamentis à magno Hippocrate (ut credibile est) adhibitis, & ab aliis etiam Medicis (ut ipse refert) excogitatis potuit superari: quapropter & renitentiæ malivi, & morbi magnitudine, quæ illas quàm poruit, longissimè à propria natura deduxit, mortuæ sunt. Hinc constat Hippocratem hos duos casus, tamquam duarum ægrotantium narrasse, neque ei in mentem venisse sexuum transmutationem, quàm inde aliqui volunt extrahere.

Examinantur historie quibus aliqui sibi persuadent possibilem esse sexuum mutationem.

*Tit. Liv.
dec. 3. l. 4.
pag. apud me
85.
Plin. l. 7. c. 4.*

Inter varia prodigia, quæ contigisse Q. Fabio Maximo & M. Claudio Marcello Consulibus narrat Livius, unum est, ex muliere spoleti virum factum. Plinius ex feminis, ait, mutari in mares non est fabulosum, & se in annalibus invenisse testatur P. Licinio Crasso, C. Cassio Longino Coss. Cassini puerum factum ex virgine sub parentibus, jussuque Aruspicum deportatam in insulam desertam. Adjungit ex relatu Lucinii visum à se Argis Arescontem, cui nomen Arescuse fuisset, nupsisse etiam, mōx barbam, & virilitatem provenisse, uxoremque duxisse. Ejusdem sortis & Smyrtiæ puerum à se mutatum in marem nuptiarum die L. Cossicium civem Tisolvitanum. Apud Amatium Lusitanum non dissimilis historia legi-

eur, in oppido Ligueta novem Leucis à Conimbrica nobili apud Lusitanos civitate; puella quadam genere nobili erat, cui nomen (sic cū teneo) Maria Pacheca erat: quā cum ad aetatem pervenisset, in qua mulieres menstrua primum emittere solent, vice mensium priapum usque ad id tempus intus latitantem eiecit. Et sic ex fœmina factus est masculus, & virili toga indutus, ad sacra aqua respersus Manuel suū vocatus, qui ad Indos perveniens, & dives ac clarus factus, postea ad suos rediit, & uxorem duxit: sed an liberos genuerit, non satis compertum habet. Conscii tamen sumus imberbem hunc semper mansisse. Ludovicus Guarna seu Quarna quidam habuit prolem, ex qua duæ sorores Francisca & Carola nominibus futurum eventum augurantibus in mares conversæ Franciscus, & Carolus fuerunt.

Hos omnes eventus dubito an exactè fuerint considerari, existimo enim eas quæ pro fœminis habebantur, masculos quidem etiam tunc fuisse, verum præ naturæ inertia partes viriles habuisse intus reclusas quæ postea augmento caloris egressæ, verum sexum monstrarunt. Persuadeo ut ita credam, quoniam Amatus Lusitanus ait priapum exiisse, qui prius latitabat, vera fœmina non erat, quippe (ut superius diximus) penis virilis valde dissimilis est à muliebri: virilis cavitatem habet amplam, muliebris nullam: sic Myrrhæ in Phœnicia, sic mulieri, quæ referente Cardinale Volaterrano, ea nocte qua in thalamum itura erat, inter choreas & cantus saltationesque de repente in virum fuit versa, lætebant virilia quæ satis occasione saltationum atque etiam tentigine ob futurum concubitum, potuerunt foras egredi.

Sunt tamen aliæ historiæ, quæ excusationem non patiuntur, quippe Lectio 10.pe aliquæ mulieres fuerunt, quæ postquam per aliquot annos viris in matrimonio conjunctæ vixerunt, in viros fuerunt mutatæ: Narrat Pontanus mulierculam Cajetanam quæ per 14. annos cum marito piscatore vixit, & de repente vir facta est. Idem contigit Emilia conjugii Antonii sponsæ civis Ebulani, anno 12. postquam nupsérat, sexu mutato uxorem duxit & filios habuit orta autem cum marito lite de restituenda dote Marius Aquosa iussu regis Ferdinandi Neapolitani soluta controversia restitutioni prospexit. Hic potest latere dolus, quippe Androgyni, naturæ vitium occultantes sub fœmineo sexu vixerunt, postea tædio hujus concubitus affectæ se viros esse professæ sunt. Sed quid dicemus ad aliam cujus historiā nobis Antonius Borus narrat: quippe post partum abiit in virum nunquid non erat vera fœmina quæ peperit. Duplíciter respondéo, vel enim erat Androgyna & potuit parere, neque enim est præter rationem posse hermaphroditos & in aliis & in se ipsis generare. Montanus scribit se novisse hermaphroditum qui sexus mulie- Montanus de medic. theor. l. i. c. 6bris putabatur, viroque nupsérat, cui filios aliquot & filias peperit, nihil ominus

Wenrich.
de monstrio.

Skenck. ob-
serv. lib. 4.
pag. apud me
575.

Avicen.
Fen 21 l. 3.
p. 207. 4. c. 22

4. gener.
animal. c. 1.

omnino ancillulas comprimere, & in his generare solebat. Narrat præ-
terea VVenrichius in Scotiae urbe quadam ancillam Androgynam, he-
rilem filiam in eodem lecto cubantem fecisse gravidam, accusatam facti,
& vivam sub terra defossam periisse: multas alias similes historias repe-
rietis apud Skenckium inter quas celebris est illa puellæ, quæ nuptia-
rum die ventris dolore repentino fuit correpta, quarta tandem die ap-
parentibus virilibus dolor cessavit, & illa in virum mutata est, alios item
casus his similes narrat, sed quis dubitat posse Androgynum naturaliter
alterum habere sexum manifestum, nempe fæmineum alterum videlicet
virilem occultum? Skenckius quidem has inter Androgynos recen-
set, & verè meo quidem iudicio.


Vel dicendum est potuisse post partum carnem adnatam specimen
virilis membri referre: adnascitur enim nonnullis post partum caro. Et
& morbus quem meminit Avicenna, inquit, quandoque oritur in
ore matricis caro addita, & quandoque apparet super mulierem res, quæ
est sicut virga commovens sub coitu, sed quoniam non solum his omni-
bus historiis non esse fidem habendam dixi, sed addidi omnino impossi-
bilem esse (physicè loquendo, hoc est, seclusa divina potestate) hanc
mutationem, id breviter demonstro, quamvis apud me non levem de-
monstrationis vim habet, id quod superius manet pertractatum circa di-
versitatem membrorum virilium à mulieribus. Addo nunc ex Aristo-
tele contrarium fæminæ mas est, cumque primo generabatur infans &
præ caloris inopia non potuit eò devenire ut fieret mas, necesse fuit de-
ferri in aliud: omnis autem delatio est in contrarium ac proinde in fæ-
minam delatio facta est. Hoc sic admittamus in prima generatione:
sed fæmina jam suis numeris absoluta quomodo amplius deducetur ad
suum contrarium, nempe ad marem? non quidem operantem contra-
rio, & contrarium sibi simile faciente: nam tunc cum fæmina sit mascu-
lus, non adest: non à seipsa (velut aqua calida per se ipsam recuperat
frigiditatem) nam in aqua prius fuit frigiditas, quæ potest recuperari, ac
in fæmina nunquam fuit virilitas. Deinde etiam quicquid reducitur
ad suam propriam naturam, reduciur à sua forma substantiali, ac vir &
mulier, cum sint sub una & eadem specie infima, unam & eandem ha-
bent formam substantialem, quæ cum sit indifferens ad marem & fæmi-
nam, non poterit magis in hanc quam in illam partem inclinare. Nec
dicendum est fæminam, quia est ex Aristotele masculus & imperfectus,
tendere suapte natura ad suam perfectionem; hoc enim ut fiat, esse ali-
quid oportet à quo extolli possit & adjuvari, quæram ergo à quo adjuva-
tur,

tur, ut sexum masculum consequatur? non potest esse aliud nisi calor. Atque calor in primo exortu non potuit fortum adjuvare & nunc potest? forsitan responderet Vallesius calorem nunc esse auctum ab exercitiis & victu calido: sed calor omnis dilatat, & per dilatationem (maximè in iis partibus in quibus humiditas abundat) concavitates claudi nequeunt, relinquuntur ergo aperta capacitas, ubi erat uterus, & sic remanebit Hermaphroditus non verò purus vir. Accedit quod calor non potest membra virilia efformare, quippe teste Galeno, organizatio partium non provenit à calore, aut aliqua ex primis qualitatibus, sed ab alia superiore facultate, nempe formatrice. Cum ergo in partibus constitutentibus sexum sit diversa organizatio, non potest hæc mutatio sexuum procedere à calore. Galenus responderet, non dari novam organizationem, quippe genitalia virilia jam antea erant solo situ differentia. Sed nos satis superque probavimus superius eum in hoc fuisse deceptum, quamvis autem in reliquis ei hæc opinio admitteretur, undenam colligeret posse calorem efficere ut penis fistuletur & visicæ adjungatur? Hæc videntur sufficere ad excludendam metamorphosin quam aliqui aut ob nimiam credulitatem, aut ob levem contemplationem admittunt. Neque verò à brutis animantibus (ut hoc quoque non taceam) similitudo ducta probanda est: quare cum Elianus hyænam nobis proponens, quàm uno sexu marem altero sæminam videre licer, adjungat illos veteres Cæneum, & Tiresiam non ostentatione verborum, sed rebus ipsis exprimere & declarare hoc animal, dupliciter peccat, & quod duos illos perinde ac si veri & non fabulosi fuerint adducit, & quod hyæna ex-emplo utitur ad probandum humanam speciem ejusdem esse conditionis.

lib. 1. de anis-
mal. c. 25.

Canem Ne-
puni benefi-
cio ex puella
virfactus, et
praserea in-
vulnerabi-
lis. fabulosa
historia est,
refertur à
Cal. Rhodig.
l. 21. c. 16.
vid. Ovid.
metam. 11.





DISPUTATIO QUINTA.

*An sanguis menstruus sit omnino necessaria materia
ad generationem fœtus.*



Liquet ex iis qui fœmineum semen admittunt, ita se gerunt, ut illud prorsus necessarium esse negent. Hinc est quod facile solvant quæstionem cur mulieres aliquando sine oblatione concipiant: quippe concipiunt tunc temporis sine seminis effusione. Cæterum si perpetuum non est fœminas semen emitte-
re cum concipiunt, potestque sine semine fieri generatio, præstiterat illud omnino negare, quam aliquando admittere. Frustra enim fit per plura quod per pauciora æquè bene præstari potest. Nec est cur dicamus non fieri generationem æquè bene sine semine fœmineo, sed tamen fieri, unde inferunt semen fœmineum non esse necessarium ad esse, sed ad bene esse duntaxat. Non satis facit, inquam, hæc responsio: nam si generationem imperfectam sine semine fœmineo fieri posse dicamus, etiam sine masculino fieri posse ostendunt ova sub-
ventanea, neque aliter potest fœmineum semen non esse necessarium, nisi quia semper masculinum semen superat, ac proinde potest sine fœmineo agere: itaque necessitas utriusque seminis satis manet superius demonstrata.

Vt autem omne id quod confert fœmina ad generationem, perpendamus, supponendum est ex dictis conferre uteri qualitatem, quam diximus prædictum esse ut adjuvet reductionem seminis de potentia ad actum: supponendum rursus est conferre necessariò semen, restatque duntaxat inquirendum an sanguinem menstruum, quem confert, necessariò conferat, an possit mulier absque sanguine menstruo concipere & fœrum in utero alere. Sine profusione quidem sanguinis jam meminimus dixisse experimento esse comprobatum, & ab Aristotele traditum posse mulierem, cui nunquam menstrua fluxerunt, concipere: quippe licet sanguis non adeo redundet ut foras effluat, attamen tantus est ut possit in vulva contentus & formationi & alitioni fœtus inservire.

Omnes quos mihi contigit videre autores tenent cum Galeno menstrua in eum finem ordinata fuisse à natura, ut proli interserviant, solus Valverdius contrarium existimavit, ea fetus ratione, quòd mulieres non paucae, quibus menstrua nunquam fluxerunt, concipiant. Ar falsò, non paucae, dixit, aliquas concedit philosophus, ait, tamen conceptus mulieribus à profluvio, & quæ iis carent, steriles, magna ex parte, existunt. Verùm fieri potest, ut aliqua etiam sine eorum profluvio concipiant, videlicet quibus tantum humoris colligitur, quantum iis quæ purgantur restare solet, quamquam non tanta copia, ut & foras possint profluere. hoc idem repetit 1. generat. animal. c. 19. Hinc colligitur frustra Valverdius, ex eo quod aliqua quibus profluvium sanguinis deest, concipiant, colligere menstruum sanguinem non esse necessarium conceptionis. est enim necessarius sanguis qui intra uterum colligitur, tantus scilicet quantus intus restare solet, iis quæ profluvium singulis mensibus habent.

Lib. 3. c. 17.
sua Anat.

Afferat aliam rationem, nempe, nullum prope aliorum animalium purgationes huiusmodi pati, & tamen perinde & mulierem, & plerumque fecundius concipere. Cæterum si Aristoteli fides habenda est, fæminis omnibus in viviparo genere menstrua profluunt, & omnium aperiissimè in muliere. Et alibi omnium fæminarum maximè mulier sanguine abundat & quæ menstrua vocamus, plurima fieri in mulieribus solent. Quasi dicat, in omni genere animalium fæminis sunt menstrua, sed mulieribus magis tum quia sedentariam vitam agunt, tum quia humanæ speciei temperamentum præ reliquis sanguineum est, cibisq; plurimum sanguinem gignentibus utitur, ac denique, quia reliquis animalibus plurimum excrementum in pilos, squammas, ungues & cætera huiusmodi abit. Non igitur est recta argumentatio brutorum fæminarum non habent menstrua conspicua, ergo non habent menstrua.

1. generat. c. 19.

Arist. lib. 3. hist. c. 29.
A. lib. 6. hist. c. 19.

nulli equæ ac mulieri. an bruta etiam purgationes menstruas habent. Arist. tractat Mundinus de genitura P. 1. c. 2.

Tertio argumentatur quia menstruus sanguis usque adeo corruptus excernitur ut non fœtui duntaxat adeo delicato ac molli, sed cui vis etiam bruto ipsum degustanti necando sufficere possit. Verùm Galenus huic objectioni occurrit, ait namque mulieris sanguinem ad se fœtus nutrimenti causa alliciens, reliquensque deteriore, causa est ut prægnantes pravis humoribus impleantur, quos à partu evacuat natura.

3. epid. sect. 3. agrot. 2. com. 73.

Concludit ille inquiens menstruæ mulierum purgationes ex humida potius earum constitutione, & ociosa, quam ducunt, vita, quam ex ulla nutriendorum liberorum necessitate proficiuntur. Melius fuisset Valverdio, ut intra limites suæ anatomie, quam cum honore professus est, se contineret, quam ut ad rerum causas indagandas se converteret. Ostendit enim se nescire quid intersit inter causam efficien-

Sanguinem menstruum dupliciè facit Mundinus purum & impurum Pag. 3. tem part. 1. c. 16.

14. de u. sup.
2. 6.

tem & finalem. Tametsi enim ad naturæ providentiam omnia referenda sint, causa tamen finalis hoc habet, ut naturam auctorem immediate habeat: hæc natura media acquirendo fini accommodata instituit, media hæc nobis causa efficiens exhibet. Itaque fatemur ex frigidityte humiditateque mulieris, ex vita item ociosa tamquam ex efficiente procedere ut fiant menses, hoc tamen non impedit quominus fiant ad aliquem finem. Quemagnovit Galenus, agnovit prius Aristoteles, apud quem passim invenietis fæminam præbere materiam in generatione prolis. Cum ergo apud illum fæmina non conferat mentem, necesse est ut materiæ nomine sanguinem intelligat, sanguinem inquam menstruum, qui propterea in gravidis retinetur, ut & nutrimento foetus in utero existentis inserviat, & edito in lucem infanti in lac conversus nutrimento esse possit.

Hanc ille sibi opponit objectionem, videlicet mulieres prægnantes, & lactantes menstruis destitui, quia materno sanguine infans enutritur; sed eam non solvit, ut unusquisque apud ipsum videre potest: neque verò quia aliquæ nutrices, etiam quo tempore suos infantes lactant, menstruas purgationes singulis mensibus patiuntur, existimare oportet lac non fieri ex sanguine menstruo: fit quidem ex puriore ejus parte, sicut ex puriore parte foetus in utero aiebatur, quod si superest tanta quantitas quæ profluvium postulat, purgantur; sin parva ad suum tempus sine noxa servatur. Hanc sequestrandi, & reponendi curam per doctrinam quamdam innatam, quæ in aliis rebus multis sine doctore mirabiliter operatur fieri posse, non est impossibile.

An. menstrua purgatio sit evacuatio secundum naturam.

2. gener. animal. c. 4.

6. hist. v. 13.

INter plura, quæ diximus fæmineo sexui esse peculiariora, non verò communia cum virili, unum est menstrua purgatio, fæmineo, inquam sexui cujuscumque speciei: nam Aristoteles fæminis omnibus excrementa fieri necessarium duxit, sed sanguineis amplius, mulieribus plurimum: hæc quidem purgatio cæteris fit (teste eodem) nulli tamen quantum mulieri, minus enim equæ, & adhuc minus vaccæ. Cur autem in specie humana copiosiora fiant menstrua, ratio est; quoniam homo temperamentum sanguini gignendo aptissimum obtinet, nempe optimum, & cibis vescitur multum sanguinem gignentibus. Cur fæmineo sexui sit peculiaris purgatio causam tum efficientem, tum finalem superius insinua-

vimus.

vimus. Efficiens namque est temperamentum frigidum, potius parum calidum & vita sedentaria. Finalis autem, ut materia adsit generandæ augendæque soboli. Vtraque harum causarum postmodo discutienda est. Nunc autem supponentes ex Aristotelis sententia exprofesso nobis tradita menstrua esse excrementum, inquirendum proponimus num naturaliter an præter naturam eveniat.

Argumenta quæ persuadere videntur menstrua purgationem esse præter naturam.

Prima ratio ad monstrandum evacuationem quæ mulieribus uno quoque mense accidit, non esse secundum naturam, sumitur à materiæ bonitate: quippe sanguis est humor, ut Galenus ait, supra alios omnes familiarissimus, adeo ut Hippocrates insuper purgationibus dicat hunc quoad fieri potest, à natura retineri & non nisi ultimo loco exire. Cum ergo menstrua evacuatio sit evacuatio sanguinis, evacuationem verò sanguinis Galenus toto genere præter naturam appeller, non est dicendum eam posse unquam inter naturales recenser: quippe per eam id excernitur, quod secundum naturam consistere, & in vasis contineri debebat, quod denique maximo naturæ usui esset: quare sanguis quando evacuatur (ut barbari solent dicere) relinquatur à regimine.

Deinde ex parte causæ efficientis. Nam sanguinem à moderato calore fieri dixit Galenus non semel: cum ergo fæmina sit naturali temperamento frigida, hoc est lapsa ad frigiditatem, non potest sanguinis redundantiam gignere. Accedit quod Galenus in arte medicinali sanguinis excessum affert pro signo jecoris calidi, at Jecur eodem Galeno teste nisi cor obstiterit temperamentum universo corpori largitur. Stat ergo ordo sit, si multum sanguinis gignit fæmina, utique calido est jecore, si jecur habet calidum. similiter universi corporis temperamentum calidum obtinet, quod tamen est oppositum iis quæ superius communi consensu resolvimus.

Tertio ex parte finis. Causa enim finalis à nobis jam superius dicta, à Galeno verò non semel tradita, cur mulieri fiant menses, est materia quæ suppeditatur ad formationem & incrementum fœtus. At si ne menstrua purgatione potest fœtus in utero generari, & augeri, unde philosophus agens de menstruâ, quæ iis carent, inquit, steriles magna ex parte existunt. Verum fieri potest, ut aliquæ etiam sine eorum prefluvio concipiant: videlicet, quibus tantum humoris colligitur, quantum iis quæ purgantur restare solet, quam.

quamquam non tanta copia, ut & foras possint profluere. Sic Aristoteles. Si ergo hinc profluvio sanguinis mulier concipit, jam fateri tenemur menstruas purgationes non esse necessarias. Accedit quòd id quod secundum naturam est, si desit, corpus remanet affectum præter naturam: sed ex prædicta Aristotelis sententia constat posse feminas menstruis carere, & nihil præter naturam pati: sterilitas enim quam sequi, ait, non est perpetua, ideo adjungit, *magna ex parte*, ostendens id non esse perpetuum. Præterea jam superius ex Antonii Musæ relatu diximus reperiri mulieres quibus nunquam menses fluxerunt & tamen concipiunt & pariunt. Nec solum hoc accidit rusticanis, quas ille, se vidisse narrat, sed aliis honestiore loco natis. Ego plena fide testari possum nobilissimam Florentinam uxorem Illustrissimi equitis de Nobilibus, cui nunquam menstrua apparuerunt, duas peperisse filias, quæ paritibus florentinis collocatæ vivant & prolem habent numerosam.

Quarto ex modo, quo fluunt menses: anastomosis quippe est apertis venis quæ desinunt in sinum uteri, & referro prius utero, unde Galenus ait purgationem istam esse quasi quoddam plenitudinis remedium. Nec valet si respondeatur esse quidem remedium institutum à natura morborum medicatrice, & sic esse secundum naturam. Non, inquam, valet: nam multæ sunt evacuationes criticæ quæ morbos sanant, & naturæ ope fiunt, nec tamen propterea dicuntur evacuationes naturales, ut fluxus sanguinis è naribus, sudor copiosus, decretoriè eveniens, atque etiam abscessus, qui per decubitus morificam causam tollunt.

Quinto ex venenositate excreti: est enim perniciosum venenum, quod tamen si utiliter è corpore, educatur, non potest tamen dici excrementum secundum naturam, sed quod ad causam pravam sequitur: quippe excretio naturalis sequitur ad coctionem, separat scilicet per coctionem utili ab inutili. Accedit quòd ut sit excrementum, deberet esse alicujus coctionis: non est primæ, nam istius sunt feces, quæ per intestina evacuantur; non secundæ hæc enim excrementitios humores utramque videlicet bilem ad sua conceptacula transmittit, lienem & cystin fellis, & serum per emulgentes ad renes & vesicam. Non tertiæ, quoniam tertiæ coctionis excreta per insensilem transpirationem abeunt: quare sanguis iste menstruus nullum inter excrementa locum habet,

Controversiæ resolutio.

Cum secundum naturam multis modis aliquid esse dicatur (quod in præsentem percurrere rædiosum, valde esset) cum menstruam purgationem

tionem secundum naturam esse dicimus, dupliciter hoc assumendum censemus, in primis naturaliter fluunt menses, sequuntur ad opera naturæ: quemadmodum enim ad opera naturæ, hoc est ad actionem calidi in humidum, sequuntur senectus, & mors, quorum utrumque naturale appellatur, sic ad actionem naturæ seponentis id quod fœmina non digessit, in utero parte huic muneris dicata sequitur expultricis facultatis operatio. Altero modo quoniam sequitur præscriptum naturæ ordinem naturalis esse dicitur: Naturæ autem ordo in duobus spectatur: in ætate huic evacuationi dicata: est namque certa ætas, ut videbimus in qua incipiunt menstrua, certa in qua desinunt, deinde etiam in temporis intervallo, quod habent istæ purgationes.

Quenam sit mensuris purgantibus ætas dicata.

EAdem ætas, (ut habemus ex Aristotele) est qua maribus semen fieri, ^{1. gen. an. 7.} ^{6. 19.} discernique incidit, atque ea qua fœminis menstrua erumpunt. Maribus autem incipit semen gigni anno ætatis decimo quarto, quod etiam ex Aristotele addiscimus dicente, *Mas autem primum semen genitale, magna ex parte incipit ferre, anno per actio bis septimo: simul etiam pubescere incipit eo tempore, ut stirpes semen laturæ primum florere Alcmeon crotoniata ait.* ^{ex 7. hist. 6. 1.}

Itaque quo tempore mares semen emittunt fœminis eveniunt menstrua: signum verò quod menstruorum ætas adsit, est quoniam per id tempus eis exurgunt ubera, quod fratrare dicitur, & quæ menstrua vocantur erumpunt, quod sanguis quasi recens occisi animalis est: quæ autem alba dicuntur admodum etiam puellis eveniunt, & magis si cibo utuntur humidior: Hæc incrementum impediunt corporis, & puellam extenuant. Sed menses tunc plurimis fiunt, cum jam ubera ad duos digitos prominent & vox eo tempore puellatam mutatur in graviolem. Hæc ex Aristotele decerpta sunt: sed cur vox tempore quo erumpunt menses fit gravior, si ex suppressione menstruorum vocem asperam factam fuisse narrat Hippocrates superius citatus.

Aliud quidem est vocem fieri graviolem, aliud asperam: quippe gravi opponitur acutum, asperolene. Mulieri igitur ex defectu menstruorum excrementa in corpore abundant, quorum aliqua pars condens è capite per asperam arteriam fistulæ cavitatem reddit inæqualem, ac proinde editus sonus inæqualis, seu asper, qualem etiam reddunt pueri cum hircire incipiunt, & maxime si Venere utantur, Vox autem le-

nis fit cum cavitas asperæ arteriæ ab omni excremento est expurgata. Vox acuta fit propter fistulam exilem, unde pueri acutam habent vocem, postquam autem dilatatur in augmento ætatis, non fit magis sonora ac gravis, cum autem mulieres suapte natura, seu ratione temperamenti fistulam habent angustiores, fit ut puellæ pueris, & mulieres viris acutior vocem habeant, unde Aristoteles, cum mulier vocis acutioris quam vir fit, tum natu minores acutius quam maiores sonant, ut & pueri quam viri acutius. Sed vox femina acutior est quam maris, & fistula puellarum acutior quam puerorum est.

Itaque decimusquartus annus est ætas in qua ut plurimum incipiunt menstrua apparere, dico ut plurimum, quoniam aliquibus anticipant fluere, nempe anno duodecimo, nihilominus hoc rarum est, rarissimum quod scribit Savanarola quandam fuisse, quæ nono anno purgari cœpit, & prægnans est facta. Hercules Saxonia aliam novit annum quintum agentem, singulis mensibus modicè tamen, expurgatam. Cæterum quemadmodum decimusquartus annus est quo menstrua, ut plurimum incipiunt, sic quinquagesimus, quo ut plurimum desinunt: dico ut plurimum, quoniam aliquæ narrantur, quæ ulterius progressæ sunt, inter quas admiratione valde magna mihi videtur digna illa quam Solenander anno 101. menses recipisse ordine fluentes, magna commo- ditate naturæ ut valetudinis. Retinuit istum ordinatum fluxum usque ad annum 103. quo anno profluxibus hisce tentata occubuit.

Si quis verò quærat cur non statim à primo exortu menstrua adveniant, nec postea per omnes ætates comitentur ad mortem. Respondeo in primis duobus septenniis calor adeo viger, ut omne superfluum absumat, nec sinat aliquid residuum seponi, quod per intervalla temporis excernatur. Dehinc autem calor incipit remitti, ac propterea & materia superfluit & à natura expellitur. Post quinquagesimum verò annum verulæ fiunt pituitosæ, nec possunt præ imbecillitate caloris sanguinem conficere, nec expultrix adeo est valida ut materiam expellere valeat, nec natura ita sui compos, ut stas reversiones præscripto ordine queat servare.

Cur singulis mensibus eveniant.

HVic quæsito finalem & efficientem assignare operæ pretium erit, & quod ad finalem attinet, optimè à natura provisum est, ut evacuatio isthæc non sicut reliquæ singulis diebus fiat, sed intervallo triginta dierum propter usum Veneris, & generationis necessitatem: si namque quotidie

Solenand.
sect. 5. conf.
15. n. 41.

Lea. 11.

quotidie evacuatio fieret sædus esset concubitus, ac propterea humidus uterus semen corrumpere, juxta illud Hippocratis, quæ præ humidis habent uteros non concipiunt, extinguitur enim in iis genitura, & Aristoteles negat semen esse genitale, si humidus sit uterus.

Sed relicta causa finali ad efficientem deveniamus, quæ quoad fieri potest semper quærere est necessarium. Videtur ergo sensus illarum partium à quibus menstrua emendantur, non qualibet causa irritari, sed certa quadam quantitate propterea licet quotidie sanguinis aliquid acervetur, non tamen sufficit ad irritandam facultatem expultricem nisi postquam ad eam quantitatem perventum est, quæ illi proportionetur. Si verò quæratis cur facultas irriteretur, quotidie ad expulsionem aliorum excrementorum, non tamen istius: respondendum in primis est hoc excrementum esse sanguinem, qui magis quantitate sua, quàm qualitate irritat, deinde recurrendum est ad ordinem naturæ rebus omnibus consulentis: quare & vires expultriciæ facultatis & irritamentum excrementi ita commensuravit ut unumquodque eo tempore ad sui expulsionem naturam excitet, quo maximè conveniens sit, est autem maximè conveniens, sicut jam diximus uterum non frequenti aspersione humiditas plus æquo humectari.

Aristoteles respicit ad lunam, atque profluvium mensium decreſcente luna contingere: quam ob rem nonnulli cavillo sexum fæmineũ lunæ tribuunt, quoniam simul ut illa decreſcat, & mulier purgetur, moxque expleantur ambæ. Porro decreſcentis lunæ tempus est totũ illud in quo ab oppositione cum sole, (plenilunium vocant) progreditur ad conjunctionem cum eodem, quæ novilunium appellari solet, præcipue verò ipsum coitus tempus. Hoc autem ita intelligere oportet ut sic frequentius eveniat: nam ut Avicenna ait; *plus accidit de menstruis in principio mensis* (hoc est in coitu lunæ cũ sole hinc enim mensis incipit) & in medio: hoc est in plenilunio: quasi dicat minus in lunæ medio quando plena est, aut quando ad plenitudinem progreditur. Quare meritò ab Aristotele est dictum menstrua nullo circuitu certo describi: quibusdam ex Aëtio & Avicenna intersunt ad minus dies 22. ad summum 30. sed inter hos terminos inveniuntur aliquæ quibus intercedunt 25. dies, aliis 27. aliis 24. contingit autem hæc varietas propter varietatem temperamentorum, varietatem victus, varietatem etiã regionum; quippe his de causis fit variorum humorum aggregatio, ad quam Averroes reducit omnes inordinationes.

Cæterum menstrua evacuatio dicitur, quoniam majori ex parte singulis mensibus eveniunt, & evacuationem ipsam menses appellamus. Neque Hippocrates aliter sentit qui in libro de natura pueri ait, *Primum quidem sanguis in corpore singulis mensibus turbatur ab huiusmodi necessitate, quod mensis*

s. aphr. 62.
7. hist. 6. 2.

7. hist. 6. 2.
2. gener.
an. 6. 4.

Lib. 9. de animal. 6. 1.

2. gener.
an. 6. 4.

de nat. pueri.

mensis à mense mulcum differt, & secundum frigiditatem, & caliditatem, atque hoc percipit mulieris corpus: humidius enim est quam virile. Vbi autem turbatus est sanguis, & venas implevit ab ipso descendit qualis initio naturæ fuit. Advertendum tamen est quando Hippocrates ait, unum mensem ab alio differre, non intelligere differentiam unius mensis ab alio: nam hæc nõ efficit commotionem sanguinis, sed unam mensis partem ab alia, & calore & frigore differre. Juxta hanc doctrinam Averroes ait magna luminaria tempore conjunctionis, & oppositionis diversa esse inter se: quia quo tempore conjunguntur, tempus frigidius est, & hyeme assimilatur: tempus verò, quo opponuntur calidum est & ætati comparatur. Cum autem Hippocrates ait menses mulieribus sanis singulis mensibus apparere, tamquam peculiarem vim in corporibus menses habeant, pro mensibus lunam intelligere oportet: quippe lunæ circuitus mense completur, sicut Solis anno.

Sed nunquid luna potest efficere aerem calidum aut frigidum? minime: nam luna quo tempore sub terras, atque adeo sub terrarum imam partem delata nobis omnino latet, non potest in nostrum hemispheriũ influere, quare nec frigiditatem nec calorem tunc aeri communicabit. Cum autem nobis apparet, si suapte natura frigidum sidus est, quomodo nos calefaciet? At Aristoteles noctes in plenilunio tepidiores esse ait propter lucem pleniorẽ, idemque etiam inquit alibi luna decrecente tempus frigidius esse & humidius propter lunæ decrementum defectiõnemque. Mercurialis existimat frigidum fieri aerem privativè, eò quòd aere nocturno existente ex se semper frigidus, ubi luna lumine plena est, resistit frigiditati nocturnæ, ubi verò lumine spoliatur, cum non possit resistere, dimittit aerem in suo frigore; atque dimittit corpora animalium omnibus aeris injuriis. Hanc doctrinam Ioanni Pico Mirandulano, Picus autem Mirandulanus Galeno acceptam referunt.

Cæterum libenter quærerem à Mercuriali, cur aer nocturnus defectu lunæ evadit frigidus? non existimo aliud posse respondere nisi aerem tunc, cum deest à quo alteretur, esse in suo statu naturali ac proinde frigidum, atque ita ex Stoicorum mente loquetur, qui aeri frigiditatem tribuunt: cæterum habebit reclamantem peripateticorum scholam, quibus magis placet aeri tribuere caliditatem. Attum Mirandulanus, tum Galenus quem citat, non se huiusmodi quæstioni immiscent, sed dicunt lumen lunæ esse participatum à sole, ac proinde tunc, cum multum huius luminis participat, vehementiorem vim agendi habere: quapropter in plenilunio fruges adauget, maturatque celerrime, mortua corpora putrefacit, somnoque sopitis sub ejus lumine, vel aliter diutius im-

moratis

In lib. 1. de
gener. &
corr. c. 4.

4. de part.
c. 2.

4. gen. an.
c. 2.

4. de morb.
mul. c. 1.

Pic. Mir.
cõtra Astro-
log. lib. 4. c.
6. Gal. 3.
Decret. c. 2.

moratis paliores, & capitis gravitatem conciliat: ut igitur luna solis auxilio in omnib⁹ indiget, ita sol vel alterius cuiusdā aſtri, vel ipſius lunę operā deſiderat. Quare ſub plenilunio apparent valentiores lunę actiones factę à lumine ſolis, quòd tunc maximè participat: in novilunio autē non quidem inſrigidatur poſitivè aer, ſed (ut cum Mirandulo loquar) agit in nos eo modo quo quis agit nihil agendo: nam deſtituens corpora ſuo lumine, nocet illis, ſed eadem adoleſcens plenius alit, & ſuceulentius implet. Sunt ergo noctes in plenilunio tepidiores, in novilunio verò non adeſt lumen à quo teporem accipiant: ſed cur idem Ariſtoteles men- *Digen. an.*
ſum, inquit, fines ſunt frigidiores quàm media? non me alterum ex ex. *c. 4.*
tremis, nempe plenilunium calidius eſt, ita eſt, & plenilunium appella-
tur medium, fines verò cum luna incipit & deſinit.

Cæterom adeſt adhuc dubitandi occaſio. Nam ſi luna plena ſuo lumine omnia, quæ facere nata eſt, facit: inter quæ præcipuum eſt quod menſtruorum ſtatutum tempus in mulieribus conſervat, tunc conchyli-
a augmentur humidiora, ſunt omnia & impinguantur, qui fieri poteſt ut commodius tempus menſtruationi ſit luna decreſcente? Reſpondeo utrumque poſſe eſſe verum: quippe in omnibus mutationibus lunæ, mu-
tationes etiam manifeſtę in corporibus contingunt. Vnde Galenus ve-
hementiores, inquit, mutationes, eveniunt ubi luna cum ſole coit, inſu-
per in apparitionibus plenilunii: minores hiſ contingunt dum dichotomos, ſeu dimidia apparet. Hoc autem attribuendum eſt di-
verſitati ſubjectorum: nam quæ ſuapte natura exiles ſunt fæminæ ſicut etiam ligna arida lunæ lumine impinguantur, & ad evacuationem ſunt aptæ, quæ verò ſuapte natura ſunt plenæ conſtrictione à frigore facta
deſtillantur, quemadmodum catarrhos fieri dixit Galenus in frigori-
bus cerebro veluti ſpongia manibus compreſſa, quare rectè dixit Ariſtoteles non eſſe certum menſtruorum tempus, ſufficit quod ſpatio unius menſis, vel circa ſuam adimpleant reverſionem.

Dicimus ſpatio menſis & tamen videmus habere Ariſtotelem nobis adverſantē qui paucas mulieres, inquit, ſingulis menſibus purgari, pluri-
mas vero tertio quoque menſe. Hæc proſecto ſententia non ſolum pa-
tri veritatis Hippocrati, ſed manifeſto etiam experimento contraria eſt, & omnino falſa. Verùm tamen non eſt Ariſtotelis magni viri error, ſed
ejus interpretis Theodori Gaze, quippe *ταρχα* tranſtulit quaſi dicatur ſimpliciter purgari, cum tamen verbum hoc ſignificet purgari acerva-
tim, ac proinde Ariſtoteles ait paucas ſingulis menſibus acervatim pur-
gari, plurimas tertio quoque menſe quod ita aſſumendum eſſe colligi-
mus ex Plinio, qui ferè Ariſtotelem tranſtulit dum ait omnes mulieres *Pl. lib. 7. c.*
trice. *15.*

tricens diebus purgari, sed largius tertio quoque mense. Hunc Gazæ errorem (ne quempiam sua defraudemus laude) Mercurialis vir eruditissimus detexit.

Si quæratís quot diebus duret hæc purgatio, respondet vobis Aristoteles, qui conceptionis indicia tradens ait, *si in septimum diem intus permanserit* (nempe genitura) *conceptum iam esse certum est: nam quæ effluxiones vocantur, intra tot numero dies fieri solent.* Ex hisce verbis constat fieri purgationes muliebres septem diebus, sed intelligite hoc longissimum spatium esse, nam plurimæ paucioribus diebus purgantur. Si verò quæratís quid habet commune retentio genituræ cū expulsionē menstruorum, ut possit ab uno ad aliud argumentum duci, & ex eo quòd mulier septem diebus purgatur, conveniens sit septem diebus retentū semen jam non amplius elaplurum: profecto non video rationem aliam nisi voluisse Aristotelem septenarii numeri vires dignitatemque in omnibus commendare.

12. *Letific.*

Cap. 2.

Hip. de ocli
mestr.

Hip. de morb.
mulier.

Bost. de
morb. mul.

o. 19. Merc.
lib. de morb.
mul. 4. c. 1.

Cæterum quod attinet ad numerum dierum quamvis ibi Aristoteles septem dierum spatium purgationi menstruæ præscribat, nihilominus is videtur esse longissimus terminus cum naturaliter in muliere sana profluunt: quippe ipsemet in capite præcedente dixerat, *facilius agitur cum his quibus brevi tempore, hoc est biduo, aut triduo profluunt, sed quibus in longum protrahitur, difficilius.* Hoc acceptum videtur ab Hippocrate in libro de octimestri partu, ubi ait tempus purgationum, quod brevissimum est triū dierum esse, plerisque autem multo plurium. Verum tamen contrarium habetur in libro de morbis mulierum, ubi duo aut tres dies ita præcisè assignantur, ut longius, aut brevius tempus morbosum & sterile sit. Hoc tamen aliqui intelligendum putant de muliere sana cui etiam quantitatem præscribit duarum hæminarum Atticarum, hoc est circiter libram unam & dimidiam. Hoc autem dicunt fuisse verum tempore Hippocratis quando mulieres moderato victu utebantur, neque adeo erant ocio dicitæ, ut nunc sunt: ita Albetrinus Bottonius, ita Hieronymus Mercurialis.

Verum tamen si quis totam sententiam consideraret, alium inveniet esse horum verborum sensum: dixerat enim supra, prodeunt autem menses crassiores, & plurimi in intermediis diebus. Ut autem explicet naturalē quantitatem, & tempus illorum, quæ in prædictis intermediis diebus contingunt, ait, moderati sunt menses prodeuntes in omni muliere, si sana sit, ut duarū hæminarū, aut paulo plures, & pauciores, & ad duos, aut tres dies: sunt duæ hæminæ Atticæ unc. 18. dicente Gal. 5. loc. 1. c. 6. minam Atticam 9. unc. italicas continere. Atticas autem unc. 7. $\frac{1}{2}$ v. drach. 60. itaque non est sermo ibi de duratione totius menstruæ purga-

purgationis, sed de impetu, & vigore ipsius, qui in illis diebus contingit. Hæc expositio sapit doctrinam Galeni qui totum purgationis tempus dividit in tres partes, principium, medium, & finem, ita ut in medio confertim fluere ipse affirmavit.

De diffæ.
vulv. c. 10.

Itaque quando Hippocrates ait mensium quantitatem duarum heminarum esse in muliere sana, tempus verò duorum aut trium dierum, longius verò aut brevius morbosum & sterile censerì, loquitur de diebus intermediis in quibus sanguis confertim fluit, fluere enim confertim ultra & circa duos aut tres dies, morbosum quidem est. Quando verò in *libr. de octimestri partu*, inquit, purgationis tempus esse tres dies, plerisque autem multo plures loquitur de purgatione integra, & ideo omisit duos dies: quippe integra purgatio duorum dierum esse nequit, aliàs nullum haberet diem intermedium. Potest tamen aliquis prædictam distinctionem impugnare. Nam licet ratione constet menstruam purgationem esse in fine minorem, quàm in medio, & in principio, tamen maiorem esse in medio quàm in principio videtur à ratione alienum; quod ita demonstrare potest. huiusmodi excretio provenit à facultate expultrice, præcedente irritatione quantitatis, si bene se habeat corpus: cum autem initio flexionis sit maior quantitas, maior etiam erit irritatio ac subinde major fluxio. Huic dubitationi facilè responderetur: si enim ad solâ quantitatem irritantem respiciendum foret, utique bene procederet ratio. Verùm respicere etiam oportet ad vias, quæ cum in principio non sint admodum expeditæ, in medio autem ab humiditate jam relaxatæ, maiori fluxioni in medio occasio præstat. Si quis verò dicat in fine esse magis relaxatas, quare in fine copiosior erit quàm in medio; respondeo in principio esse quantitatem, sed non dum expeditas, in medio utrumque; nempe quantitatem & viarum laxitatem, in fine laxitatem viarum, non tamen quantitatem, ac proinde in medio copiosiori fluxioni commoditas datur, quàm in principio, aut in fine.

Sed quid dicemus ad præcitatam Aristotelis auctoritatem, qui ait, facilius agitur cum his, quibus brevi tempore hoc est biduo aut triduo profluunt, sed quibus in longum protrahitur, difficilius. Non erat tibi philosophi mens præscribere certum menstruationis tempus, sed agere de laboribus, quos mulier patitur, dum menstrua profluunt, quod indicant verba sequentia, nempe, *laborant enim in temporibus: aliis namque universim hæc purgatio fit, aliis paulatim.* Attamen omnibus corpus gravatur quamdiu effluit humor.

Non videtur autem consonum iis quæ dicta sunt, id quod in sacra pagina legitur. *Mulier qua redeunte mense patitur fluxum sanguinis septem die-*

Levit. c. 15.
n. 19.

bus separabitur. Vnde videtur non esse satis si tribus aut quatuor diebus menses fluant, si enim hoc tempus sufficeret, non erat cur per plures dies qui eam recigisset, immundus foret. Diffusè admodum super hæc verba discurret * Covarrubienſis, patatque superius dictum fuisse. *Mulier si suscepto semine pepererit masculum, immunda erit septem diebus iuxta dies separationis menstrua, & hinc infert septem dies esse numerum perfectum, quo completur purgatio.* At oblitus fuit fætus fæminei: nam eum fætui masculo debeantur dies septem, iuxta separationem menstruæ purgationis, quod indicant verba contextus: nimirum, *ſi autem fæminam peperis, immunda erit duabus hebdomadibus iuxta ritum fluxus menstrui.* Jam constat fluxum menstruum compleri non solum septem diebus, sed quatuordecim etiam; quod tempus ſecundum naturam eſſe debet.

Attamen oportet dicere tamen ſi fluxus poſſit compleri multò citius quàm diebus ſeptem, nihilominus quoniam ad ſeptimum poteſt naturaliter prorogari, ut omnis impuritatis ſecura reputaretur mulier, fuiſſe lege cautum ut tamquam impura per ſeptem dies habeatur. Cæterum quoniam ex partu fæminæ multo plura ſuperſunt lochia expellenda, quàm ex partu masculi, & ſic expoſtulat longius tempus ad puerperium ex fæmina, non ſufficit tempus menstruæ purgationis ſimplex, ideo accipitur duplum. Vnde licet dictum ſit ex fæmina duabus hebdomadibus mulierem immundam eſſe, juxta ritum ſeparationis menstruæ intelligendum eſt numero dierum purgationis menstruæ duplicato, non quòd purgatio menstrua unquam naturaliter fluat duabus hebdomadibus, ſed quòd purgatio ex partu fæminæ duplum poſtulet ſpatium temporis.

Jam verò purgatio à partu eiſus quæ masculum pepererit in Hippocratis doctrina erit dierum triginta, ejus verò quæ fæminam quadrigintam duorum, iuxta ſacram legem quæ masculum quadraginta, quæ fæminam octoginta. Quæ differentia ſpectatur in eo quòd medicus conſiderans jam ultra illud tempus purgationem vel omnino deeſſe, vel non fieri irritantis naturæ vi, ſed aſſuetudine quadam, ideo ultra illos dies poteſt uti medicamentiſ quibus non uteretur intra præſcriptum tempus. Lex autem reſpicit omnimodam puritatem & expectat donec prorsus adſit immundicie ſuſpicio.

1. de morb. mul.

13. Leſio.

An per uterum fiat naturaliter menstrua purgatio.

SI ſanguis ſingulis menſibus evacuandus non flueret ad uterum, non fieret ibi generatio: quippe ejus uſus eſt ut præſter materiam fætui gignendo, alimentumque jam genito: cum ergo non poſſit alibi fieri generatio.

neratio, naturaliter illuc sanguis confluit, si illuc naturaliter confluit, naturaliter etiam dum superfluit, evacuatur. Potest tamen aliquis dicere non esse secundum naturæ ordinem suaviter omnia disponens se ipsam cogere ad statas illas evacuationes, cum posset tantum sanguinis transmittere ad uterum, quantum ad fætus formationem aliorumque requiritur, unde quod superfluit, non est dicendum naturaliter ad uterum transmitti. Accedit quod (ut ex superius dictis constat) tam uterus quàm fæmina noxam ex hac evacuatione percipiunt: uterus quoniam humectatur plusquam oportet, ac relaxatur, unde frequenter eveniunt abortus, ruptis scilicet ligamentis, ob nimiam mollietatem mulierum: quoniam mulier dum purgatur, (ut Aristoteles animadvertit) semper aliquantulum patitur. Respondemus naturam non duci intellectu, sed agere ad ultimum potentia: quare sanguis quem ad uterum transmittit est totus ille qui non potest geri. Emittitur autem etiam eo tempore quo mulier nondum concepit, quoniam cum in toto corpore accumulatur, doctrina quadam innata in eam partem decumbit, in qua suo tempore necessarius erit. Neque verò hinc nocumentum sequitur utero aut fæminæ: non utero, quia sanguis naturaliter accedens non tantus est, qui præternaturaliter uterum humectet, imò naturæ providentia est factum, ut quoties posset sanguis accumulatus nocere, sequatur ejus evacuatio: non fæminæ, quoniam exigua est molestia quæ afficitur, dum fluunt menses, præutilitate quam percipit ex evacuatione sanguinis quantitate peccantis.

Potro per quamcumque aliam partem menses fluere, fluxio esset incommoda, per uterum verò commodissima, utpote quo & retineri sanguis tempore necessitatis facile potest; & effundi quando est superfluit. Cæterum adhuc difficultas se offert: Nam si potest commodè evacuari, quando in primis gravitationis mensibus paucum opus est sanguine ad aliorum fætus, cur quod superest non educitur, siquidem ex hoc superfluo maxima mulieri accidunt mala, unde prioribus generationis mensibus nausea, stomachi subversio vomitus, inappetentia, & plura alia damna gravidæ solent verare. Jam diximus naturam agere quantum potest: si enim se ipsam in suis actionibus cohibere sciret, utique intellectu esset prædita: ergo quando fætus concepitur, retinetur à natura sanguis, nec illa novit quantum sanguinis sit retinendum; quantum foras educendum: neque ad agens naturale pertinet hanc distinctionem cognoscere, sed instinctu innato os matricis ita claudit, ut ne specillum quidem possit ingredi, atque ita satisfacit suo muneri retinendi scilicet sanguinem & fætum. Quod si in primis mensibus non est necessaria tanta quanti-

Hipp. aph.
31. sect. 5.
Mulieres
sanguine
misso aborti-
unt. & ma-
xime si fetus
sit major.

tas, quanta retinetur, huic damno potest aliquo modo remedium esse illa sepositio superfluitatum quæ licet non omnino, tamen aliqua ex parte mulierem subleuat. Cæterum si os vulvæ apertum remaneret, longè majus ex hac apertione, quàm ex oclusione damnum sequeretur: quippe aut nimium foret quod excerneretur, & sic fetus suo fraudaretur alimento juxta illud aut fetus aperto orificio ab aere offenderetur: quippe nec respiratione, nec transpiratione tunc temporis copiosiore indiger, quàm quæ per atterias umbilicales ei à matre communicatur.

Demum demonstratum manet & ratione loci dicendam esse purgationem istam secundùm naturam, Unde merito solet flos appellari: quemadmodum enim flos secum fructum & semen affert, sic etiam purgatio hæc eo tempore accedit; quo simul fructuum hoc est prolis spes adest, & semen simul oritur, & quemadmodum arbores quæ copiosis floribus ornantur, fecunditatem pollicentur, sic puellas quibus prosperè menstrua adveniunt, fecundas fore speratur. Quod si flores temporis injuriam patiantur, fructus deperduntur, feminæ non minus, quæ menstruorum vicio laborant, periculum est ne fructu careant. Si flores evanescent, quando fructus adest, sic menses cessant quando mulier in utero concepit. Atque adeo omni ex parte natura quæ in plantis flores naturaliter produxit in ordine ad fructum, eadem menstrua ordinavit, respiciens ad prolem, & sic manet purgationem istam esse secundùm naturam, quod adhuc melius constabit ex solutione argumentorum.

Solvuntur argumenta initio proposita.

NON obstant argumenta quæ superius attulimus, quominus verum sit purgationem menstruam esse secundùm naturam, & quod attinet ad primum sumptum ex parte materiæ, fateamur eam esse sanguinem naturæ nostræ familiarissimum, quem natura quoad potest retinet. Sed hoc accipiendum est cum addico, nimirum nisi quantitate excedat: nam tunc qui fieri potest, ut natura id à quo molestatur, labore retinere? At sanguis menstruus sua quantitate naturam molestat, ideoque ab eadem natura ejicitur & ejectio ista merito naturalis appellatur: quare Galenus, quamvis dicat evacuationem sanguinis esse toto genere præter naturam, semper excipit eam quæ singulis mensibus per uterum solet fieri, dummodo modum non excedat, nec à debito deficiat, unde Hippocrates, si menstrua plura fiant, accidunt morbi, & si non fiant, ex utero morbi contingunt.

s. aph. 57.

Ad alterum. Ex causa agente, verum quidem est sanguinis moderate calidi causam efficientem esse moderatam caliditatem. Nec verò feminis caliditas moderata adest, alioquin si tanta frigiditate esset prædita, ut non posset sanguinem generare, animal foret exangue. Verum etiam est multitudinem sanguinis esse signum jecoris calidi, & jecur calidum tribuere temperamentum universo corpori: nihilominus sanguis in feminis non redundat, quia plus quam par est, gignitur, sed quia minus quam par est, discutitur: quare ex defectu discussionis redundat sanguis in feminis: defectus autem discussionis oritur ex defectu caloris discutientis. Potest ergo stare feminas & temperamento frigidas esse & multo sanguine abundare.

Ad tertium. Negamus finem purgationis menstruæ esse proles generationem. Est quidem generatio isthæc finis, ob quem natura sanguinem in mulieribus coacervat, ideoque datum fuit illis temperamentum adeo caloris inops, ut non possit totum id quod accumulatur discutere: cæterum quo tempore sætui formando alendove sanguis iste non est necessarius, mulier ex eo retento damna suscipit: quare ne natura succumbar, eum evacuat. Est propterea hujus evacuationis finis mulieris sanitas: dicendumque est coacervationem habere finem, seu causam finalem universalem, hoc est speciei conservationem: evacuationis verò, de qua loquimur esse causam finalem particularem, hoc est tutelam sanuatis individui muliebris. Quod verò extra tempus necessitatis fluant, jam diximus esse opus naturæ quæ non ducitur intellectu. Ad confirmationem verò dicemus, sine menstruis quidem aliquas mulieres sanas vivere, nihilominus tamen hoc rarissimum est, quod autem raro contingit medica dogmata non destruit. Ad confirmationem dicimus coacervationem sanguinis esse secundum naturam feminei sexus, nec propterea ejus evacuationem esse præter naturam: nam evacuatio fit juxta mensuram determinatam, ita ut ex Hippocrate si menstrua non fluant, morbi fiant: si plurima profuant, ex utero morbi accidunt: quicquid autem in pondere & mensura fit, naturaliter fieri dicitur.

Ad quartum. Non fit anastomosis, hoc est apertio venarum, ad expellendum sanguinem: quippe venæ per se ipsas aperte sunt, quarum pars ad cavitatem, pars ad collum uteri hiat: per illa quæ ad cavitatem hiant, fœtus tempore gravidationis sumit alimentum, & per eam raro solent virgines expurgari, propter occlusionem uteri; raro inquam, nam aliquando etiam occluso utero potest sanguis ex ejus cavitate exire, ut experimento constat in gravidis, quæ tamen si habent os uteri admodum occlusum solent nihilominus menstruam evacuationem pati, unde Avicenna

Gal. 5. aph. 57 menstrua orū redundantia causam esse ait, si ora vasorum uteri ultra modū aperiantur. Unde colligenda

gitur cum sanguis naturaliter fluit, anastomosis esse non que praternaturam dicenda sit.

lib. 3. Ten 21.
et 1. c. 11.

5. aphor. 60.
2. epid. sect. 3.
3. text. 31.

cenna agens de signis imprægnationis ait. Et retinentur menstrua, quare non menstruantur usque ad tempus, aut menstruantur paulatim, quod solet esse pessimum. Hoc accepit ab Hippocrate dicente, si mulieri utero gerenti purgationes erant impossibile est fatum esse sanum; dixit purgationes, sed intelligere oportet non qualescumque, verum copiosas, idem in epidemiis ait, quapropter menses, quales octimestrium, qui fiunt ad decimum tendentibus malum: Ecce declaratur quæ purgationes sint prævæ, videlicet quales octimestrium: nam octimestribus si contingat menstrua habere, ea sunt cum perturbatione valde magna & periculo abortus. Quapropter Galenus in præcitati aphorismi commentario. considerat diei ab Hippocrate purgationes in numero plurali, quia sic insinuat sanguinem non esse paucum qui excernitur, neque semel, sed sæpius, & multum: qui enim semel aut bis paucis excernitur, in multis apparet, absque hoc, quod fetus quidpiam patiatur. Ex his patet Avicennam, qui dixit menstruantur paulatim quod solet esse pessimum, fuisse deceptum: quippe ut diximus non quælibet menstruatio est prava.

In com. præcit. aph.

Sed per quas vias excerni solet sanguis quando gravidæ menstruantur. Galenus excretio, quæ in gravidis fit, videtur, inquit, ex venis, quæ in collo sunt apparere: nam ab interioribus, quæ sunt in cavitate uteri, secundinæ pendent, quare nihil per illas potest in muliebrem sinum excerni. Cæterum jam superius diximus etiam gravidis potest sanguis excavitate uteri effluere, quamvis enim venæ quæ ad cavitatem uteri accedunt in muliere gravida secundinis sibi adnatis occludantur (occludi quidem contingit pluribus) ex his venis non tamen omnibus, ac proinde ut dictum est, paucus sanguis potest sine noxa tempore gestationis excerni Galenus autem id dixit, quod ut plurimum evenire solet, aliter verò fieri posse non negavit.

2. de gen. an. c. 4.

Sed quod ad rem nostram facit nulla datur anastomosis, nulla venarum ruptio, etiam si sanguis per ora venarum effluat: nec verò audiendi sunt qui sanguinem per resudationem effluere dicunt, decepti verbis Aristotelis perperam intellectis, quippe loquens de sanguine menstruo, transfundi ait in uterum propter venarum tenuitatem. Existimant ergo tenuitatem istam esse causam cur possit resudare. Ac ille se explicat quippe ibidem ait abundare hunc sanguinem per tenuissimas venas, additque non posse ibi contineri sanguinem ob venarum angustiam. Verissimum itaque est venas uteri esse multas & exiles, & quia exiles, non posse in se ipsis sanguinem continere: quapropter necesse est ut per ora ipsarum eructet: quod quidem nullo naturæ detrimento, sed potius utilitate fit: quare magis hinc colligi debet hanc purgationem esse secundum naturam, quam ejus oppositum.

Ad quintum: quamvis admittatur sanguinem menstruum esse venenum (de quo mox agemus) non tamen hinc inferri debet evacuationem esse præter naturam: quippe tamen si verum sit venenum non concoqui, verum etiam est nec alia excrementa coctionem admittere: cæterum quemadmodum illa post coctionem separantur, tamquam inutilia, ita venenum tamquam naturæ inimicum seponitur & evacuetur. Dubitare tamen quis poterit, cur natura quæ alia excrementa celeriter evacuat in evacuatione hujus sanguinis venenosi tarda admodum & negligens est? Deinde etiam si qualitate prava est prædictus, cur dicitur sola quantitate molestus? Respondeo ad primam dubitationem sanguinem menstruum servare formam sanguinis, & quamvis magna ex parte veneni naturam habeat, nihilominus naturam benignitatem sanguinis allectatam tardè & negligenter ad ejus excretionem excitari. Ad alteram dico venenatam qualitatem permittam sanguini non putrido, sed victimæ recens mactatæ sanguinis speciem referenti, non offendere uterum, ac proinde non nisi à multitudine uterum gravare. Offendet tamen postea, si diu retentus partes venenosæ multiplicentur, & tota sanguinis massa corruptelam referat. Unde ex retentis menstruis gravissima accidunt mala.

Ad confirmationem dicendum excrementa uniuscujusque coctionis aliquo modo qualitate peccare, per quam ab optima substantia, quæ tunc fit, deveniant. At nos modò agimus de illa sanguinis evacuatione menstrua earatione, qua tunc peccat quantitate, & quærimus per quam actionem redundat. Respondemus quodammodo referri posse ad secundam, & ad tertiam. Nam sanguis ille per secundam coctionem generatur quæ fit in jecore, & redundat post nutritionem ejus, & ad hanc debet referri: sicut chylus, qui superest post nutritionem ventriculi factus hujus partis actione dicitur esse excrementum ventriculi; & lac quod superfluit post nutritionem mammarum, quia factum est actione filarum, ad hanc pertinet. At verò quia etiam redundat post nutritionem partium, ita ut totus non consumatur, licet actione illarum non fiat, dicitur esse excrementum tertiæ coctionis.



DISPUTATIO SEXTA.

Utrum sanguis menstruus inter venena sit connumerandus.

14. Leſio,

3. epid. ſect.
3. agr. 2.
com. 71.



N. menstruorum, & puerperii tempore mulier æquè immunda in ſacra pagina cenſetur. Hinc colligi poteſt, in utraque evacuatione ſanguinem, qui educitur, eſſe pravitate infectum. Galenus non levem quidem in puerperiiis labem agnoſcit, imò longe minorem quàm menſtruis: ait enim. *Menſtruorum ſuppreſſio offendit, non tamen perinde ut ſi à partu ſupprimantur, efficit, quòd non abundantiam modò ſed inſignem etiam humorum pariat pravitatem: nam meliorem ſanguinem ad ſe ſetus nutrimenti cauſa alliciens, relinquensque deteriorem, cauſa eſt ut pręgnantes prævi humoribus impleantur, quos à partu evacuat natura: nam peſſimam per putredinem poteſt acquirere qualitatem.*

7. de procre-
at. hom. c. 7.

Fernelius longè aliter arbitrat: quippe vix animum induco, ait. fieri poſſe, ut ex eo (nempe ex ſanguine qui ſingulis menſibus educebatur) ſetus in utero geſtatus alimentum capeſſat: imò tum optimè ſolet mulier utero concipere, cum ab hac ſada eluvie munda, purgataque fuerit, cumque purus exiſtet, tum uterum, tum reliquus ſanguis in corpore, ex quo demum ſetus deſcit.

Cæterum utraque hæc opinio. concordat in eo quòd ſanguinem menſtruum qualitate peccare dicitur, diſcordat in alio, nempe quòd Galeni opinio eſt ſanguinem gravidarum eſſe deteriorem menſtruo, & infantis alimentum partem laudabilem menſtrui accipere, ut quòd reliquum eſt per puerperia ejiciatur. At verò ex Fernelii ſententia ſanguis qui in utero gravidarum ſervatur, purus & omnis prævæ qualitatis eſt expers, nihil commune habens cum ſanguine menſtruo, quem ille merum venenum eſſe conſtanter tenet. Cæterum quoniam menſtruorum pravitas in illi conveniunt non placet neotericorum quàmptimum, paululum res eſt in controverſiam afferenda.

Argumen-

*Argumenta eorum qui sentiunt sanguinem menstruum non
qualitate sed duntaxat quantitate peccare.*

Plerisque in locis Aristoteles menstruum sanguinem excrementum
esse sola quantitate peccans nobis insinuat. Vt quando ait, men-
strua fœminarum excrementum esse & vacantem materiam: & alibi, o
mnium animalium mulieribus plurimam purgationem evenire docens
adjungit, *nam his quæ non pariunt, hæc materia supervacuum vertitur in corporis a-*
limentum. Nonne ex hisce verbis colligitur solius quantitatis excessum
in menstrua purgatione considerari. Alibi etiam causam reddens ob
quam fœminæ pingues sunt steriles, ait, *quia excrementum seminale in corpus*
absorbetur. Itaque fit ut illi menstrua desint. Fit ergo eadem sit materia
menstruorum & pinguedinis & exconsequente non est excrementum
peccans qualitate.

Ex Galeno similis sententia elicitur: quippe evacuationem men-
struam tamquam plenitudinis remedium esse ait, at plenitudo solius
quantitatis peccatum est, veluti cacoehymia qualitatibus. Deinde quia
ex eodem Galeno sanguis, semenque genitale generationis nostræ pri-
mordia sunt. Cum verò sanguinem intelligat nempe menstruum: nam
hic est qui ad generationem fœtus à natura retinetur, non est credibile
materiam ex qua fœtus conficitur, esse venenum, alioquin cum orta at-
testantur suis principiis, venenosa esset hominis natura. Sed præter au-
toritates etiam rationibus hæc eadem doctrina confirmatur.

Prima ratio est, sanguis iste non modò fœtui in utero existenti ali-
mentum est, sed etiam in lucem edito: quippe lac ex eo paucissimam
mutationem adepto fit, si ergo lac esset venenata qualitate infectum, u-
tique non nutrirer: opponitur enim venenum alimento, ut constat ex
Galeno.

Secunda, sanguis iste ab eodem à genere fit & materia simili ei qua
masculorum sanguis constat: si ergo à jecore sano, & ab iisdem ali-
mentis, & in masculorum corpore alimentum membrorum est, simili-
ter etiam in corpore fœminarum.

Tertia, mulieres multoties suppressione mensium laborant: hæ
autem vel fierent omnino venenosa, sicut puella illa cujus historiam
narrat Rhodiginus, quæ veneno nutrita non solum coeuntes secum, sed
solo sputo necabat, aut saltem interiret ex defectu menstruorum cum si-
gnis veneni manifestis. Hoc autem non ita contingit, sed potius quæ

suppressione ista laborant, morbis longis tenentur & plurimæ sanantur, neque alexipharmacis curantur, neque symptomata, qualia ex veneno patiuntur.

Pars altera, nempe sanguinem menstruum veneni participem esse ex affectu demonstratur.

Sunt pro altera parte etiam non leves autorum sententiæ, rationesque admodum efficaces: in primis multa sunt indicia hujus veneni à Fernelio, & aliis allata, quippe sanguine hoc evidente si novella vitis tangatur, in perpetuum læditur; steriles fiunt tactæ fruges moriuntur insita, exuruntur hortorum germina. Si omnino mulier prægnans alterius menstrua supergrediatur, aut illis circumclinatur, abortum facit: ei autem, quæ utero non gestat concipiendi spem adimittit. Mulierum quæ purgantur spiritus, & vapor ab ore specula, & eboris nitorem obscurat. Gustatus huius sanguis canes in rabiem agit, homines autem miris cruciatibus affligit, comitiales morbum; pilorum effluvium, aliaque elephantiorum vitia infert.

Sunt qui ad hæc respondeant, non omnia vera esse, sed aliqua prorsus falsa, alia verò debere intelligi dum sanguis pestimam qualitatē per putredinem acquisivit: acquirere autem posse vim veneni admittunt ex Galeno, & communi medicorum schola. Cæterum hæc responsio magis obstinationem, quàm veritatis amorem præferret. Nam in primis quicumque ait aliqua ex his esse falsa, non id liberè deberet asserere, quippe ei incumbit ostendere quæ non sunt falsa, quæ vera. Ac deinde falsitatem experimento se invenisse oporteret profiteri. Sed esto sint aliqua falsa: ea saltem quæ vera sunt, sufficiunt ad confirmandam huius sententiæ veritatem. At ea non eveniunt (inquiunt illi) nisi per putredinem. Hoc ut illis concedamus, necesse erit concedere hos effectus non dari, nisi in muliebri febre synocha laborante; qui enim fieri potest ut sanguis putrescat in venis ab omni febre libero. Imo non solum mulier putredine hac infecta synochum parietur, sed febrem pestilentem: neque enim aliter fieri potest ubi sanguis in veneni naturam abiit.

Sed Mercurialis non putredinem commemorat, ait tamen hos prave effectus solum reperiri in fæminis, quæ valetudinariæ sunt, & pravo temperamento affectæ, quia apud Medicos constare, ait uterum essentiam, & cloacam, in qua natura solet sordes deponere. Nos hanc injuriam utero inferri non admittimus, imo constat apud Medicos nul-

lari esse membrum, cuius magis sollicita sit natura, nullum quod facilius à quolibet contento præter naturam offendatur, quàm uterum, siue illud sit flatus, siue aliquid aliud. Absit ergo uterum, qui est ager in quo humana proles jactosemine producit, & domicilium in quo infans per plures menses habitat, cloacam appellemus. Quòd si cloaca est, cum ibi nil præter sanguinem menstruum acervetur, eluvies quæ hanc cloacam inquinat, est sanguis menstruus ac proinde dum sanguinem istum à pravitate vult liberare, eum majore pravitaris nota afficit. Præterea ex levi quadam causa insignes valde effectus produci nequeunt: affectus qui mulieres reddit non ægras, sed duntaxat valetudinarias; levissimus est: lapsus in solo temperamento non tanti esse potest, ut pro sanguine humorum laudatissimo, venenam perniciosissimum efficiat, unde ex eo quòd fœmina aliqua sit valetudinaria, aut pravo temperamento affecta, non certè fiet ut eius sanguis evadat naturæ venenosæ.

Aliam suscepit viam Ludovicus Mercatus, ait namque accidentia, quæ ex retentis menstruis eveniunt, arguere maiorem illius sanguinis perfectionem: quoniam non est credibile ea evenire ex sanguinis natura, sed ex concepta putredine, & quòd res aliqua prioris est naturæ ac substantiæ, eò cum putrescit & corrumpitur graviore afficitur putredine, ut constat ex semine corrupto, cujus sævissima sunt symptomata. Constat etiam ex hominis natura quæ præstantior est quàm reliquorum animantium, ac propterea cum putrescit, gravius fætet, & deterius conspurcatur.

Cæterum si quæram ab eo ubi nam sanguis iste retinetur? Respondet paulatim, & sensim in uteri venis ad statum à natura terminum congregari: quippe subito, & affatim neque separari à reliquo sanguine, neque excerni potest, atque per integrum unius mensis spatium in eo loco citra corruptionem existere nequit. At si in:ra venas existit, perfectio existit in suo loco naturale, ac proinde ratione loci non tantam concipit putredinem. Hoc ille admittit: quippe non omnes fœminæ (inquit ille) etiam si menstruant, sint, segetes urunt, & specula inficiunt & reliqua, quæ dicta sunt, faciunt. Sed hoc malo ex duntaxat præstant, quibus aut parum prosperè fluunt menses, aut deterrimum inest temperamentum, vel morbus aliquis, in quibus venenum fieri & sibi & aliis mirum non est. Hæc in primis Legislatorum more nobis nulla adhibita ratione inculcat. Et sibi fidem habere cupit cum fidem non mereatur, quippe retentis menstruis aliquæ benevalent, multi etiam tametsi morbo sæ sint, non tamen earum morbus est valdè sævus & symptomata venenum sapiunt, neque qui coit cum muliere cui menstrua desunt, ali-

quam reportat calamitatem, quam tamen reportare solet qui cum menstruada tempore scilicet quo fluunt menses, coit.

Præcipua ejus intentio est probare veneni naturam inesse sanguini, quia sanguinis natura inter omnes humores præstantissima est: quippe, ut dici solet corruptio optimi pessima. Probat hoc quoniam semen cuius substantia est valde præstans, cum corrumpitur gravissima infert symptomata: vellem ergo ut argumentaretur ita: semen cum corrumpitur gravissima infert symptomata, quia præstantissimam habet naturam, ergo sanguis qui similiter præstantissima natura est præditus gravissima infert symptomata: cum igitur hanc consequentiam inferre nequeat, quippe ex retento sanguine, non sicut ex retento semine venenum referentia accidunt symptomata, cum, inquam sic argumentari nequeat, non est cur ex semine ad sanguinem argumentum deductum recipere teneamur.

Deinde falso imponit semini præstantissimam naturam: quippe seminis non est natura præstantissima, sed spirituum qui in semine continentur, respondentium proportionem elementis stellarum: nam præter spiritus istos, quod reliquum est, genitura appellatur, & exiguam habet dignitatem. Verum tamen adhuc posset dicere genituram esse præstantissimam siquidem fit ex præstantissimo sanguine. Sed sit ita, seminis natura sit exquisitissima, undenam colliget eius substantiam propter putredinem conversam fuisse in venenum? Respondebit ex lævissimis symptomatibus. At ego è contrario colligam sanguinis substantiam non fuisse conversam in venenum, quandoquidem iis caret symptomatibus. Deinde si ex flatu in utero eadem symptomata accidere videamus, nonne exquisitæ uteræ naturæ, quæ ex qualibet causa summo opere offenditur & colligantur cum cerebro per nervos, cum corde per arterias, potius quàm seminis corruptioni hæc mala tribuamus? ita sanè, nam si ex semine corrupto evenirent, utique ex levi alia qualibet causa non possent evenire, sed magnam expectarent.

Alterum exemplum quod scilicet homo propter præstantiam suæ substantiæ deterius putrescit, indignum est homine vel minimæ philosophiæ initiato. Nam hominis corpus præstantissimam dicitur habere naturam, quoniam est præstantissimæ animæ domicilium. Hoc autem nihil ad putredinem confert. Præstantia namque ex qua deterior putredo sequitur, sumi debet ex substantia quæ scilicet causis corruptentibus vehementer resistit: Hæc est vera præstantia ad quam respicimus, quando quam putredinem subeat considerare volumus. Aurum dixerim præstantissimam habere substantiam, quippe ferè incorruptibile conservatur, & similiter reliqua metalla, quæ quò diutius permanet eò præstantio-

Sanctioris substantiæ censentur. At hominis nobilitas, quæ consistit in eo quod sit quidam ornatus ex plurimis compositus, ac propterea mundus parvus appellatur, tantum abest ut ei intersit ad præsertionem à corruptione, quin potius eum in illam inducit: unde est quod pluribus morbis corripitur, quàm reliqua animalia. Quare axioma non est ita constituendum ut dicamus quod res præstantiorem naturam habet, eò ed magis putredini resistit, minori que corruptione afficitur. Igitur sanguis quantumvis nobilissimus sit humor, est tamen calidus, & humidus, quæ duo sunt putredinis fundamenta, ac proinde putredini est maximè obnoxius.

Accedit his quod sanguis menstrus retinet formam sanguinis, & propterea benignitatem suam retinere debet: hujus rei signum est quod febres ex sanguine, quas synochas appellamus, mitiores sunt, quàm postquam sanguis degeneravit in bilem, & desipientiæ cū risu securiores sunt, quam quæ cum studio: quippe risus provenit propter sanguinem exaltatum, studium verò propter bilem. At quis audebit affirmare sanguinem in sua forma remanentem ea infici putredine, quæ veneni naturam induunt?

Controversia resolutio.

IAm superius ex sacra pagina deduximus sanguinem menstruum, & eum qui puerperii tempore evacuatur, pariter esse prava qualitate infectum, hoc autem rationibus confirmare oportet. Mulier ubi primum concepit statim ei cessant menstrua, signum manifestum ea ad fætus nutrimentum servari, imò postquam peperit, adhuc dum lactat infan- 15 Lectio. tem, eadem menstrua cessant: nam quæ per uterum egressura erant, sursum ad ubera transmittuntur: sursum ad ubera transmittuntur: quod si aliquibus post primos menses menstrua revertuntur, nihilominus hoc ex abundantia procedit, quippe pars per uterum effluit, pars ad mammas transferitur.

Sed nihil huic veritati officiunt ea quæ Fernelius in contrarium adducit: cū enim existimet non esse credibile fætum in utero ex hoc sanguine ali, id credibile facit Galenus asserens fætum ex meliore sanguinis parte nutrimentum suscipere: neque enim totus sanguis merum venenum est, sed sufficit quod aliqua ex parte venenosus sit. Cū verò addat mulieres tunc concipere, cū munda purgatæque sunt ab hac eluvie, respondemus ex Hippocrate in libro de morbis mulierum tempus aptissi-

prissimum ad concipiendum est, si coeat desinensibus aut inchoantibus mensibus. Neque intelligatis cum Capivaccio inchoantibus mensibus, hoc est in ætate qua mulieres incipiunt menstruari: nam sic desinentibus mensibus intelligeremus ætatem qua menstrua desinunt: hanc autem existimare esse aptam ad concipiendum, error est inexcusabilis.

Interrogat ille se ipsum, quoniam corruptus hic sanguis quem menstruum appellamus in gravidis concedit? Respondet partem exiguam circa uterum inhzere in venis, partem maximam reliquo pariori sanguini permisceri. Hinc quia nequit naturæ vis omne illius vires mitigare, aut evincere, gravidis mulieribus plurima mala eveniunt, corporis gravitas, fædus faciei color, lienis tumores, varices, atque ut in genere dicatur, ab hoc retento in omne morbi genus procliviores sunt, quàm quæ utero non gestant. In his omnibus videtur mihi somniare, nam quorsum partem relinquit in venis merè venenosam, partem autem ejusdem naturæ permiscet cum reliquo sanguine. Deinde si pars major permiscetur cum reliquo sanguine, jam reliquus sanguis remanet inquinatus, quem tamen ille purum & ab omni labe segregatum esse volebat. Præterea gravis mulier non his opprimitur affectibus, quos ille describit, sed solam pati turpicam, hoc est appetentiam depravatam, nauseam, vomitum, subversionem stomachi, & hoc prioribus maximè mensibus, quando juxta illius sententiam nondum id quod venenosum est, cum reliquo sanguine permixtum esse debet. Tandem ille ait retineri hunc sanguinem ne si defluat simul cum eo, utile fætus alimentum dilabatur. Est ergo permixtum purum cum impuro & separatio puri fit à faculitate naturali, trahit namque per suam facultatem tractoricem: tractoricis autem naturæ instinctu similia trahit, ut appareat in nutritione, neque est necessarium fingere duos sanguines unum purum, alterum venenosum, sed unum utriusque naturæ participantem, cujus partem utilem fætus ad se allicit, ut ex Galeno diximus, inutilis seu perniciosa reponitur expurganda tempore puerperii.

Sanguinem menstruum prava qualitate infectum esse (quæ est nostra præcipua intentio) ex Aristotele & Galeno manifestè deducemus, multò melius quàm suam sententiam adversarii se deduxisse existimant, & in primis, Aristoteles, hoc genus sanguinis vitiatum, ægrotansque appellat, additque paucis mulieribus fieri mariscas, aut varices, aut enaribus profusionem sanguinis, & si quid eorum acciderit, detrimentum in menstrua decumbit. Galenus etiam ait singulis mensibus excerni, veluti id quod post partum excernitur, non solum quantitate, sed etiam qualitate, quæ materia sanguine secundum naturam habente magna ex

3. hist. c. 19.

de acrobile
c. 8.

par-

parte nigrior est. Idem etiam repetit in epidemiis ut initio hujus con-
troverſiæ diximus, idem in proſtheticis: ſanguinis pravitatem agnoſcit
etiam Plinius.

Facit ad confirmationem hujus ſententiæ id quod Averroes & Za-
haram medico refert, nempe ex coitu cum muliere menſtruata ſætum
naſci lepra infectum. Forſitan ex hac ſententia oritur opinio aliquorum
Theologorum, qui tenent accedere ad uxorem propriam habentem
menſtruam purgationem, peccatum eſſe. D. Thomas ait, prohibitum
eſſe viro ad menſtruam accedere uxorem, & ſimiliter prohibitum mu-
lieri in tali fluxu debitum petere, ſi purgatio ſit naturalis. Hoc explicat
Sotus ita ut ſit veniale peccatum, ſi à viro debitum petatur, non tamen
ex parte mulieris ſi reddat quia ex Apoſtoli ſententia poteſtatem habet
ſui corporis. Sequitur hanc ſententiam Caietanus, & reddit rationem,
quia nulli facit injuriam, qui utitur jure ſuo. At tamen ſotus tenet ex
parte utriusque eſſe mortale peccatum propter duo: & quia talis actus
prohibitus eſt à lege ſub pænâ mortis, quæ non infligitur niſi pro morta-
li peccato, ut conſtat ex Levitico. Altera ratio quia proli ſit injuria: eſt
enim contra bonum prolis, cum medici exiſtiment ſætum inde oritu-
rum lepra infectum. Dominicus Sotus dicit eſſe præceptum ceremo-
niale, ac propterea jam ceſſaſſe.

Videtur ergo magis veritati conſonum dicere, cum plenitudo ſive
universalis in toto corpore, ſive particularis in aliquo membro valde pe-
riculoſa ſit, unde Hippocrates ſolvere bonum habitum jubet: quia ſcili-
cet ſanguis multus conculcatus non tranſpiratur, maxime in muliere
cujuſ habitum diximus eſſe denſum & ſubinde non multum tranſpira-
bilem, cumque in venis quæ accedunt ad matricem, retinetur, putre-
ſcit, ac proinde expellitur à natura & is qui à natura expellitur putredinis
ſigna habet, eſt in primis niger ex Galeni ſententia ſuperius citata, eſt
grave olens ut experimento conſtat. Ac præterea etiam ſi nec in colore
mutatus eſſet nec in odore, non propterea negandum eſſet eum eſſe pu-
tridum: nam quoad colorem extrahitur ſanguis multoties per venæ ſe-
ctionem qui colorem valde rubrum præ ſe fert, & tamen fibras habet re-
fractas, ita ut nequeat concreſcere, ſicut etiam videmus oſſa putrida ni-
hil in colore mutata ſine fibris, ac proinde diſſipantur, nec rotundita-
tem ſuam ſervant. Odorem prævum bis tantum mihi contigit obſer-
vare in ſanguine miſſo ob febrem putridam, quippe dum intra corpus eſt
putredo à colore innato quodammodo cohibetur. Mulieres verò qui-
bus menſtrua retinentur, non omnes febre ſynocha & peſtilente labo-
rant: quia putredo ſit abſque magna ebullitione & teſte Galeno ſolet in

corporibus nostris venenum generari, quod per longum tempus non nocet donec aliqua causa agitata cor petat. Hinc est quod ille ut cognoscatur an aliquis periit ex veneno epoto, an intus genito, inter alia quæ considerare oportet, unum est, si fuerit mulier, an perfecte per menstrua, dum vixit, purgabatur, quasi insinuans ex menstrualis retentis potuisse aliquam portionem venenosam servari, quæ postea ab aliqua causa externa adjuva, & agitata; cor petens manifestavit se, & de repente interemir.

Solvuntur rationes pro propria sententia adductæ:

Quamvis admittamus menstruam evacuationem ab Aristotele excrementum quantitate peccans appellari, non tamen admitemus esse quantitate peccans. Nos redundantiam sanguinis in fœmina non negamus, non tamen hæc tollit quominus sanguis redundans retentus & non evitatus possit labem acquirere, vel dicendum sanguinè menstruum antequam ad venas uteri accedat, esse excrementum quod remanet post tertiam coctionem & tunc sola quantitate peccat, peccabit postea qualitate, cum in utero retinebitur.

Galenus menstruam evacuationem quasi plenitudinis remedium esse ait. Rectè quidem: quoniam per eam evacuatür multitudo sanguinis sine defectu. At ex altera parte etiam rectè menstruam istam evacuationem purgationis nomine designat, quasi innuens non solum quantitate, sed etiam qualitate peccare huiusmodi sanguinem: quippe purgatio debetur humoribus qualitate peccantibus.

Sed cum superius dictum sit sanguinem menstruum expelli à natura quia ejus quantitate gravatur, videmur nobis contrariari, qui nunc in eodem sanguine qualitatem pravam agnoscimus. Dicendum, sanguinis menstrui manifestam esse noxam à quantitate, at vero à qualitate non ita, tum quia pravi sanguinis paucitas latet sub multitudine melioris, tum etiam quia pravitas hæc licet sit inimica cordi, cui adversantur venæ omnia, non est inimica utero, quippe ei quasi connaturalis non stimulat, non aliter ac venenum, quod intra corpus nostrum occultè permanset, non lædit partem illam in qua acervatur, cui connaturale quodammodo fit. Potest ergo humor naturalis u. g. bilis stimulare sua acrimonia, potest è contrario venenum frigidum, u. g. semen corruptum, nullum stimulum, quo natura ad excretionem excitetur, habere.

Quando autem Galenus ait sanguinem esse alterum ex duobus principis generationis nostræ, sanguinem accipit sequestratum, qualis enim in servit pueri alitioni, in servit etiam prius ejusdem formationi: neque enim virtus formatrix aliter quàm in materia præparata agit, neque semen spiritibus refertum in se admittit substantiam spiritibus infectam: formatur igitur fœtus, & alitur ex sanguine prius depurato. Hæc autem depuratio licet in aliquibus perfecta: quapropter sanguinis infecti scintilla remanens in corpore infantis sua exiguitate non nocet, cæterum & lactis & aliorum ciborum pars aliqua excrementosa & putrescibilis scintillæ huic sensum sine sensu adhærens, ad eam devenit molem, quæ jam naturam molester, ea molestata insurgit ad pugnam, fitque quædam crisis aliquibus ad bonum, aliis ad malum prout cujusque vires, & apparatus corporis poterit naturæ præsidio esse. Hoc malum variolas appellarunt Arabes, sicque in hac pugna veluti ebullitio quædam adeo signa ut vesicæ attolluntur similes eis quæ combustis ab igne attolli solent. Merito Fracastorius hinc occasionem accipit dicendi ferè omnes *de mor. contagios.* hunc effectum pati, dixit *ferè omnes*, quoniam (ut diximus) aliqui sunt qui- *c. 2.* bus perfectam sanguinis sequestrationem in utero matris habere contingit. Cum vero ait variolas majore ex parte salubres esse, contra manifestum experimentum loquitur. Cum præterea ait pueris benigniorem morbum esse quàm adultis, quoniam si per ætatem teneram eam sanguinis infectionem non expurgant, signum est esse male idoneam separari. Addiderim duas alias rationes, una est quia infantes qui non adhuc nimis lucis munere delectantur facilius tolerant impedimentum eam visionis, quàm motionis omnium membrorum, utpote qui assueri sunt patij angustias uteri, proVectiores autem hæc mala difficilius ferunt. Altera est quoniam cutis puerorum mollis facilius perforatur, quàm durior adultorum: fit autem per variolas tanta foraminum multitudo, quot sunt vesicæ quæ protuberant. Quando verò ait, quum semel hoc malum accessit, non esse solitum reverti, quamvis aliquando contingit bis accessisse, quibus scilicet prius non exactè secreta fuit. Puto secretionem, cum fit, si est imperfecta, interitum inducere, sin autem ad sanitatem tendit, perfectam esse. Quare quòd revertatur hoc malum experimento comprobatur: reversionis autem causam esse censeo, quoniam (ut in meo libro *de Meteoris Microcosmi* me dixisse memini) tamen si causa variolarum communiter esse soleat vitium sanguinis in utero materno accepti (nam in hoc Arabum doctrinam recipimus) nihilominus ita hanc causam afferimus, ut simul fateamur posse hoc idem malum ab aliis causis procedere: quid enim prohibet, tantum fervorem & veneno-

firatē in sanguine gigni à causis putrefacientibus, ut ex fervore vesicæ istæ extollantur.

Sed revertamur ad rationes pro contraria parte. Ad primam faciemur alimentum & venenum contraria esse, nihilominus hoc non tollit posse unam & eandem substantiam partibus constare quæ laudabiles sint, aliis quæ pravam habeant naturam, ac proinde tum læ, tum alimentum quo alitur fœtus in utero fiunt non ex universo sanguine menstruo, sed ex quadam parte nempe puriore: sanguis verò marium & sanguis fœminarum idem est eodem fungitur munere, videlicet nutritione. Sed hoc intelligitur de sanguine, qui à jecore per venas dispergitur, quid autem prohibet hujus superfluum, quod ad uteri venas transmittitur, ibi propter moram, & impeditam ventilationem putrescere?


Ad secundam jam ex dictis constat responsio. Nam sanguis fœminarum & marium ab eodem agente fit, & ab eadem materia, hoc est ab iisdem cibis, sed sanguis fœmineus postquam excrementum quantitate peccans evadit in venis uteri retentus qualitatem pravam suscipit, quam non potest suscipere sanguis marium, utpote qui nec redundat, nec in parte aliqua retentus commoratur.

Adulterium non fiunt quidem symptomata, velut ex veneno, quando menstrua non fluunt, nempe si fluere desinant ob aliquam causam in corpore existentem, quæ prohibet acervari sanguinem, & veneni naturam induere: si verò cessent menstrua ob impedimentum existens in utero, tunc sanguis ibi accumulatus putrescens tamquam venenum efficitur & ex hoc sanguine symptomata oriuntur prava, horrenda, periculosa. Cæterum obstare videtur Hippocrates, inquiens, *si menstrua plura fiant, accidunt morbi, & si non fiant, ex utero morbi contingunt*, ex quibus verbis videtur colligi posse menstruum defectum semper habere suam causam in utero, & falsum esse quod diximus causam aliquando habere

in toto corpore; hujus dubii solutionem se-

quens disputatio nobis
offeret.





DISPUTATIO SEPTIMA.

De menſtruorum tum redundantia, tum defectu.



N ſine ſuperioris lectionis in campum attulimus ſententiam Hippocratis, quæ ſic habet, ſi menſtrua plura ſiant accidunt, & ſi non ſiant, ex utero morbi contingunt. Dubitat Galenus an in ſola retentione menſtruorum, ſit apponenda iſta particula ex utero, an verò ſit utrique affectui communis, & id negat poſſe cognosci, niſi cauſæ horum affectuum cognoſcantur, & in primis enumerat.

16. Leſio.
ſed prima poſt paſcha nat iſtaſti, & in principiis anni 1635.

cauſas redundantia: Videlicet ſi ora vaſorum, quæ ad uterum pertinent, ultra modum aperiantur; ſi ſanguis calidior fiat; ſi ſanguis tenuior fiat; ſi totum corpus ob aliquem malum habitum & malam qualitatem ſanguine aggraveſcat; ſi malum habitum non habeat nec malam qualitatem, ſed ſua multitudine ſolùm peccet, ideo ad ureti venas expellitur, ut in his deſluxibus fieri ſolet, qui à parte ad partem ſiunt.

Retentionis menſium cauſæ ſunt, ſi venæ quæ menſes ad uterum ferunt, comprimantur; ſi eadem venæ deſtruantur; ſi ſanguis ſit craſſus; ſi ſanguis ſit frigidus; ſi uteri vaſa robuſta ſint; ut ſanguinem qui inſluit non admittant: concludit tandem juxta has cauſas neceſſum eſſe proceſſu temporis uterum pati, vel diſpoſitionem inflammationi ſimilem, aut eryſipelati, aut duro tumori, aut cancro, quibus denuo totum compatiſcitur corpus. In immodicis autem evacuationibus nulla talis accidit uteris paſſio, adeo ut per compatiendi rationem totum corpus unâ laboret. Quare veriſimilibus ipſi videtur in ſola retentione menſtruorum dixiſſe Hippocratem morbos contingere ex utero.

Deficit aliquando menſtrua purgatio (ut jam ſuperius diximus) mulieribus quæ validè exercentur, deficit etiam ſi præceſſit copioſa aliqua ſanguinis fluxio: de his tamen non loquimur, ſed de ſuppreſſione quæ ſit ſanguine in venis redundante, ſed ob aliquem affectum præter naturam impedito ne ad uterum, vel per uterum fluat. Cauſas quas-

dam retentionis, nempe oris uteri distortionem, inflammationem, con-
stipationem à caruncula, vel pellicula adnata, dicimus non esse recipi-
endas, quia hæ non possunt impedire mensium evacuationem, quæ etsi
per os uteri non fiat, potest tamen fieri per venas ad ejus collum perve-
nientes. At nos fatemur posse quidem sanguinem exire per venas quæ
ad collum uteri accedunt, & quamvis lacchinus dicat hanc non esse ve-
ram evacuationem menstruam, sed fluxum hæmorrhoidalem, quæstio
est de nomine, & sufficit quod sanguis ille qui per uterum erat excernen-
dus, excernatur, ut gravidis, & virginibus (ut diximus) contingere po-
test: sed non agimus de iis quibus hoc adest supplementum, sed de aliis
in quibus sanguis qui fluxurus erat, vel retinetur ibi, vel regurgitat cum
patientis non levi damno. Contingit aliquibus sanguinis sputum ex
Actio, aliis hæmorrhagia è naribus propter defectum menstruorum:
nec mirum est sanguinis via naturali impedita, aliquando naturam cæco
imperu ductam deviare per loca non conferentia: cum præterea possint
hæ venæ quæ in collo uteri sunt simul esse obstructæ.

Est tamen dubitatio circa aliam causam nempe sanguinis crassiti-
em, quam Galenus affert tamquam diversam ab obstructione: respon-
dendum tamen est, licet sanguis crassus non impediat transitum men-
struorum, nisi obstruendo, nihilominus obstructio ponitur tamquam
causa diversa, quoniam ab aliis causis potest fieri, ut à pituita crassa &
lenta.

Porrò omnes suppressionis menstruorum causas, tum totius cor-
poris communes, tum etiam uteri proprias ex propriis earundem indi-
ciis, agrotantium sermonibus, corporum habitibus, ac ex præcedente
vitis ratione dignoscere potestis. Si verò sanguis non sit omnino sup-
pressus, sed diminutè fluat, considerandus est fluentis sanguinis color, &
substantia, & tunc manifeste patebit an sanguinis vitio hoc accadat. Si
verò causa suppressionis caruncula aut pellicula adnata sit, quod obstet-
ricis relatu assequemur, curationem non admittit, nisi illa pellicula, aut
caruncula resecetur: si fiat ex cicatrice, cognoscitur ex præcedente ul-
cere, & tunc etiam affectus est incurabilis: si verò ob plenitudinem
mulieres non evacuantur, tunc sanguinis missio remedium est: neque
prorogare hoc remedium oportet, ut admonet Galenus, venas tamen
secari jubet, quæ sunt in malleolis, aut in poplite, non autem in gibbero,
nam revellere solent purgationem. Actius prius ex brachio secandas
esse venas censet, postea accedendum ad venas pedum: quod forsitan
admitti posset, ubi magna est plenitudo: imò verò adeo necessarium est
naturam exonerare, ut multoties sanguine misso ex brachio, natura ex-
crementa ad solitas menstruas purgationes molientes convertatur.

lib. de sang.
miss. c. 15.


Defectus menſtruorum ſymptoma eſt in genere retentorum im-
modicè, ut conſtat ex Galeno. Quemadmodum redundantia menſtru-
orum eſt ſymptoma in genere excretorum immodicè, non tamen toto
genere præter naturam. Quamvis autem cum menſes naturaliter flu-
unt, aperis venarum oculis fluant, nihilominus cum effluant præter
naturam poſſunt aliis modis effluere, quod cognoscitur, cum enim ſan-
guis erit ob venarum ruptionem, aut eroſionem, ſanguis confertim ef-
fluit ſi venæ ſint majores, ſi verò minores, viceverſa.

Ruptionem valorum poſſe cognosci ex præcedentibus conſtat, ut
ſi præceſſit vehemens motus, aut ſi adſit magna ſanguinis abundantia:
Altimarius addit etiam frigus: cæterum ob vehemens frigus poſſe vaſa
thoracis diſtrumpi credibile eſt, & hoc Galenus concedit, ſic vaſa uteri
poſſe diſtrumpi ob vehemens frigus, quemadmodum accidit ad vaſa
thoracis.

Sanguinis miſſio in menſtruis ſuperfluis, ſi vires conſtent, locum
habet ex brachio, ſi tamen modica & facta per intervalla: confert etiam
ex Hippocratis decreto cucurbitulam quam maximam mammis appo-
nere. Confert etiam vinculis extremas partes nempe ſuperiores, hoc
eſt brachia fortiter conſtringere. Paulus & Aetius inguina etiam vin-
culis liganda eſſe cenſent, quod tamen remedium periculoſum vocat
Mercatus, & meritiò: imò Petrus Salius hanc curationem reprobat,
nam id quod faciunt cucurbitulæ faciunt & ligaturæ: at Galeno au-
thore cucurbitulæ inguinibus & pubi appoſitæ menſes evocant non
ſiſtunt.

Ad utrumque affectum, retentionem ſcilicet & redundantiam,
multa proſtant remedia apud authores qui praxin ſcribunt, nobis ſuffi-
cit applicandorum occaſionem monſtrare,
quæ accipitur ex cognitione
caularum.







SECTIO SECUNDA,

DISPUTATIO PRIMA.

DE NOTIS VIRGINITATIS.



Pud eas nationes, quæ seram in juvenibus masculis 17. *Levin.*
 Venerem commendabant, ut de Gallorum moribus
 narrat Cæsar, Germanorum Tacitus, sic referente
 eruditissimo Mercuriale, alicujus utilitatis esset, di- *var. lect. lib.*
 gnoscere eum, qui incorruptæ sit castitatis ab aliis, *6. c. 23.*
 qui jam coiverunt. Certum tamen hujus rei si-
 gnum non adhuc reperi. Sunt qui, odoris & vo-
 cis mutationem id significare posse, arbitrantur, sed falsò: nam hæc po-
 tius adultæ ætatis, quam amissæ integritatis signa esse censentur, quod *Martialis.*
 Capivaccius optimè annotavit. Nam dum semen procreatur, spiritus *inde iragui*
 virales largiùs quàm antea in testes diffunduntur, reliquum autem cor- *coleresq. pilâ.*
 pus eos pauciores habet, ideoque natura, spirituum copiosorum ope de-
 stituta, humores, & excrementa non ita superat, ut antea, unde neces-
 sariò odoris mutatio fit. Deinde vis seminis procreatrix ante seminis
 generationem, quasi sopita, eo tempore, quo semen producitur, ita exci-
 tarur, ut semen gignat, & vim suam, id est qualitatē quandam realem
 toti corpori impertiatur: unde humores, & excrementa corporis à pri-
 stina odoris bonitate deciscunt, caroque universa similem affectionem
 contrahit. Hinc castratorum animalium carnes jucundiores, non ca-
 stratorum insuaves, sive Venerem exerceant, sive non, quamvis eviden-
 tior sit in iis mutatio, quæ Venere utuntur. Quoniam igitur odoris

mutatio fit, quia semen gignitur, ab ea non potest signum ullum virgin-
tatis, vel deflorationis sumi. Hæc ex Capiaccio, quoad odorem. Quo-
ad mutationem autem vocis, jam superius diximus causam sumi ex dila-
tatione asperæ arteriæ: cū enim augescēte ætate fistula sit amplior, vox
per illam formata sit magis sonora. Si verò quis dixerit, hanc rationem
locum habere in voce sonora, non verò in voce rauca, & inæquali, quam
habent adolescentes, qui ab Aristotele hircire dicuntur (hi enim ob ve-
nereum exercitium vocem exasperare dicuntur) possumus ei responde-
re, absque Veneris usu ex sola seminis generatione, quæ in ea ætate acci-
dit, non quia spiritus tendunt ad testes, ut putat Capiaccius (nam sic
vox ex defectu spirituum non rauca, sed debilis evaderet) sed quoniam,
quando semen incipit generari, caput materiam ad testes mittit, patitur-
que ex insueta demissione ita, ut aliquam portionem sinat ad fauces flu-
ere, postea verò affuetum minus patitur, & vox rursus fit plana.

Mercurialis air, maximam partem eorum, qui cum feminis con-
cumbunt, id ligamentum, quo glandi præputium conjungitur, frange-
re, ob id summum glandis aliquantisper detectum semper manere, ita ut
concupiscentibus quibus vis non admodum attentè, etiam appareat, quod
minimè Veneris expertibus videtur: quippe qui glandem semper obte-
ctam præputio gerant. Hoc tamen non in omnibus perpetuum, sed
in plerisque est, cum aliqui etiam inveniantur, qui nunquam ligamen-
tum illud, frænum vocatum, usu Veneris rumpant, semper autem ve-
rum sit, eos, qui glandem detectam habent (nisi more Judæorum rescis-
si) Venerem esse expertos.

Hæc libuit, ob viciniam sermonis in medium afferre, tamen si vi-
dear aliquantum psallere extra chorum: nam revera instituti nostri ra-
tio solum postulat, ut de rebus ad muliebre naturam (quod est hujus
tractationis subjectum) attingentibus agamus. Accedere ergo opor-
tet ad propositam materiam, & ex professo inquirere, quænam signa
mulieres habeant incorruptæ virginittis, & quam habeant certitu-
dinem.

I. Signum ex urinis.

Sunt qui in urina signum virginittis inquirent, sed frustra: neque
magis sunt audiendi, quam qui graviditatē ex hoc eodem signo se au-
cupari posse jactantur. Vtrique absque fundamento: nam ut Gale-
nus ait, & ratio postulat, urina signum est duntaxat in jecoris, venarum,
& uri-

& urinarum ductus morbis: non eſt ergo, cur uteri affectum, maxime ubi febris non aſeſt, ab urinarum ſubſtantia, colore, aut contentis petamus.

Si verò aliquis Galenum mihi obijciat, qui in ventris affectibus ſemper urinas inſpiciendas eſſe admonet, & in thoracis, pulmonis, nervorumque morbis ſimiliter, unde colligi poteſt, in uteri affectionibus, licet malum ſit extra venas, locum habere urinarum inſpectionem, reſpondemus, in malo, quod extra venas ſedem habet, urinas, dum bonæ perſiſtunt, nihil poſſe ſignificare, ſi verò pravae ſiant, tunc venoſo generi malum per epigeneſim eſſe communicatum, indicari. Hoc idem Galenus voluit: quippe addidit, bonæ ſi appareant haud magnum præbere poſſe momentum ad ſalutem: contra ſi pravae, amplificare, ſi mulægri periculum. Quare neque in urina gravidarum acquieſcendum eſt Avicennæ, qui urinam gravidarum, ait, eſſe turbulentam, & quæ malo vino aſſimilatur, aut aquæ ciceris. In urina item virginum non oportet fidem habere, Alberto Magno, & Codronchio (tameſi ex ^{3. epid. ſeã. 1. agr. 9. com. 6} cujuſdam peritiſſimi viri ſententia, ſe loqui profiteatur) qui virginum ^{2. 1. doã. 3. ſum. 2. c. 10.} urinas eſſe, ait, tenuiores, & clariores, quàm in cæteris mulieribus, in quibus ob viarum laxitudinem, & reſerationem, & ob uteri numeroſiora ^{Alb. Mag. de ſec. mul. c. 10. Cod. in meth. reſti. ſe. c. 11.} excrementa urinæ turbidae, & craſſæ cum multo ſedimento excernuntur. Sed cur plura excrementa congeruntur in utero mulieris, quàm virginis? Nonne virginibus menſes fluunt alibi, qui uterum inquinatum relinquunt? Nonne menſtrua incorruptæ veluti corruptæ, habent, quæ poſſunt uterum inquinare? Deinde veſica, quæ eſt urinarum receptaculum, quid habet commune cum utero? Foramen verò, per quod mingunt virgines, ſat patens eſt, quo poſſit urinas craſſas emittere, ſicut è contratio poteſt ejaculatum à viro ſemen admittere. Conſtat autem hoc, quoniam non eſt impoſſibile, virginem, quæ furtivo congreſſu, meru infamiæ, noluit virum admittere, ne grvida fieret, majore tamen malo fieri gravidam, ingreſſo ſcilicet per foramen ſemine: unde Avicenna. *Quibus ex utero conſuſum eſt, inquit, aut non concipiunt, aut ſi concipiunt, in partu moriuntur.* Si autem vera eſt hiſtoria, quam narrat Averrous, citatus à Cælio Rhodigino, de virgine, quæ ſemine ex balneo attracto, quod profuderat laſciviens maſturbator, infantem concepit, exemplum eſt accommodatiſſimum ad probandum foramen virginum patens eſſe, ut per illud urina craſſa poſſit tranſire, utpote quæ tenuior eſt ſemine. ^{lib. 4. Ant. l. c. 10.}

II. Signum ex Lacte.

Qui ex lacte in uberibus collecto virginitatis corruptæ signum accipi-
 volunt, parùm recordantur sententiæ Hippocraticæ, si mulier, qua
 non concepit neque peperit, lac habet, menstrua ei defecerunt. Ex qua colligitur,
 posse absque corruptæ virginitatis nota ex solo defectu menstruorum
 lac in uberibus acervari. Christophorus à Vega se vidisse testatur pu-
 ellam Thurgensem, cui mensibus suppressis lac mammis inerat. Me-
 dicus verò, cui res fuit commissâ (accusabatur enim ab hero) constantis-
 simè affirmabat, ipsam gravidam esse, quam ipse Vega coram hero, & ali-
 is defendit, fieri posse dicens, ut lac habeat mulier, ex sola mensium re-
 tentione, citra conceptionem. Tempore autem novem mensium trans-
 acto, manifestè constitit, mulierem honestè mixisse, & virginem esse cui
 aliquibus postea diebus menses profluxerunt. Hac etiam excusatione
 voluit se tueri mulier Gallica cujus meminit Brasavolus: mulier namque
 furtivè filium peperit, in torrentem projecit, sed de crescente aqua infans
 suffocatus apparuit. Iudex, ut hujus criminis ream inveniret, lictores
 per omnes domos misit, qui mulieres explorarent, quæ lac haberent, &
 eas interrogarent, quando pepererant, & ubi esset infans. Elicet autem
 ex aphorismo posset excusari, præter rei medicæ ignarus, mulieres, quæ
 lac habent, peperisse, tanquàm propositionem universalem accepit, &
 criminis authorem illam esse invenit, & simul cum matre sceleris conscia
 am punivit. Denique quam potest certitudinem habere generatio la-
 ctis, quæ viris etiam accidere potest? Nam Aristoteles testatur, lac viris
 post pubem exiguum nonnullis exprimi: verumtamen per suctum fre-
 quentior, vel multum prodiisse. Cardanus se Venetijs triginta an-
 norum virum, testatur, vidisse, cui non solum lac, quod lactando puero
 sufficeret, sed quod saliendo profluere, in mammis acervabatur. Ve-
 ga concludens ait, non tantum in feminis, quibus menses defecerunt,
 lac generari sine conceptione, sed in viris etiam visum esse lac in mam-
 mis genitum, quod infans filius illius viri, orbus matre, sugabat.

III. Signum ex colli mensura.

In more positum erat apud antiquos, collum puellæ, ad maritum itu-
 ra, mensurare, ut inde signum caperent, sponsam virginem marito fu-
 ture traditam. Hujus consuetudinis meminit Catullus his versibus,

*Non illam nutrix orienti luce revivens
Hesterno collum poterit circumdare filo:*

*in insip. Pelei
& Thesidiu.*

Experimentum autem hoc modo fieri solitum; existimat Mercurialis: colli mensuram prima nocte ante, quam ad maritum iret, filo circumdato capiebant: postero die mane eodem filo collum circumdabant, quod si latius, quam ut filo comprehenderetur, inveniebant, defloratam esse ea nocte pro certo habebant, si vero nihilo majus evaserat, aut adhuc pro integra habebatur, aut antea fuisse divirginatam censebant. Addit ille, non hoc præter rationem esse: siquidem, ut scribit Aristoteles, præcipue vox mutatur in asperiores, & minus acutam, pro tempore coitus inchoatur, ut qui vocem conservare velint, à coitu ipsi abstinendum sit. Cæterum quanta mutationi vocis fides in hoc casu sit habenda, jam diximus.

*7. diff. ant.
mal. c. 11.*

Aliiter, mensuram istam fieri solitam, narrat Pinæus, nempe filum per mediam frontem, ab extremo naso extensum, ad coronalem usque futuram puellæ extendebant, & sequente die videbant, an collum posset circumdare. Sed utcumque sit, ficulneum est signum, & quod nullo nititur fundamento: quare inter anilia experimenta connumerandum.

*Pinæi libe
1. c. 9.*

IV. Signum ex variis experimentis.

Gagates lapis sufficit morbum, fonticū, & virginitatem deprehendit, ut ait Plinius, qui tamen non explicat, quam efficiat in virgine mutationem, ex qua virginitatem comprehendamus. Dalechampius ait non sufficit, sed à virgine jejuna in potu acceptum: quippe si puella incorrupta est; statim ei urina cietur. Idem narrari affirmat Paulus Zacchias, Æmilium Mac. qui de gagate sic ait,

*Lib. 36.
c. 19.*

*Meol. legat?
l. 4. tit. 2.*

q. 3.

Et solet, ut perbibent, deprandere virginitatem.

Multa alia idem Zacchias affert experimenta, ut lapathi flores; ex quibus suffumigata puella, si incorrupta sit, statim pallefcit: item si mulieri ex melanthio suffumigia fiat, statim, si corrupta sit, urinam reddere cogitur. Xilbaloes & electrum ad eundem usum accipi, ait. Hæc omnia, licet cum Fortunato Fidele vana esse credat, tamen si quam veritatem, & causam naturalem habere possint; non illico à virginitatis corruptione id agere putandum esse, ait, nec in omnibus indifferenter veritatem patefacere, sed in iis tantummodo, quæ frequenti coitu virum longiusculo temporis spatio sunt expertæ: huiusmodi enim feminis viæ magis patentes relaxantur, unde facile ex prædictis medicamentis, urinam valde-cientibus, ipsa urina provocari nolentibus potest: quod difficulter,

*Æmil. Mac.
de medic.
mater. c. 19.*

aut nullo modo in virginibus succedit, ob contrariam causam, videlicet nempe angustiam, cum & integræ membranæ, & coherencia quoque ipsius uteri prohibere facillè possunt, ne suffumigata medicamenta ad interiora penetrant. Hæc Pauli Zacchiæ sententia, quæ omnibus medicamentis urinam cientibus quadrat, aut quoquo modo suffitu alterantibus. Cæterum, ut ipse ait, vana isthæc experimenta esse creduntur, quibus adungere possumus flores lilij croceos in pollinem redactos commistos, nam si est corrupta statim mingit, & alia huius cætus, quæ affert Alberti Magni Scholiastes: cuncta tamen magis ad circulares, & nugiventulos, quam ad dogmaticos medicos spectantia.

Michael
Scotus anno-
tat. ad Alb.
Mag.

V. Signum ex sanguinis effusione.

In primo concubitu feminam, quæ defloratur sanguinem emittere, & hoc esse amissæ virginittis signum, constat ex sacris literis: quippe in Deuteronomio divinus Legislator sic ait: Si duxerit vir uxorem, & postea odio habuerit eam quæsieritque occasiones, quibus dimittat eam, obijciens ei nomen pessimum, & dixerit, uxorem hanc accepi, & ingressus ad eam non inveni virginem, tollent eam pater, & mater eius, & ferent secum signa virginittis eius ad Seniores urbis, qui in porta sunt, & dicet pater, filiam dedi huic uxorem, quam quia odit, imponit ei nomen pessimum, ut dicat, non inveni filiam tuam virginem: & ecce hæc sunt signa virginittis filia mea: expandent vestimentum eorum senioribus civitatis, apprehendentq; Senes urbis illius virum, & verberabunt illum condemnantes insuper centum fclis argenti quos dabit patri puella: quoniam diffamavit nomen pessimum super virginem Israel, habebitq; eam uxorem, & non poterit dimittere eam omnibus diebus vita sua. Quid si verum est, quod obijcit, & non est in puella inventa virginittas ejicient eam extra fores domus patris sui, & lapid. obruent viri civitatis illius, & morietur, quoniam fecit nefas in Israel, ut fornicaretur in domo patris & auferes malum de medio tui. Hactenus Legislator. Considerare igitur oportet lege hæc gravissimam pœnam imponi viro, si mulierem falsò accuset & multo magis mulieri, si verè accusetur. Quare crimen de quo agitur, probationem postulare meridiano Sole clariorem, ut J. C. loquuntur. Aut igitur probatio hæc facta ostenso sanguine in iudicio, indubitata veritatis est, aut lex injusta, quam tamen, ut iustissimam non recipere, foret nefas.

Proh quot subterfugia authores quærant, ut huic signo certitudinem auferant? Offert se Mercurialis, qui temerè omnibus aliis signis, inquit, nullum minus certum haberi, quàm quod à cruentatis indumentis capitur, ac propterea istud non ita firmum Moysen recipere voluisse,

nepe-

Var. Lect.
cit.

ne penitus hominum peccandi concederetur. Sed quæram ab eo, utrum hoc signo convictus vir puniretur, an lex esset duntaxat comminatoria: Si comminatoria tantum est, neque executionem paratam habet, profecto si semel aliquis non fuit punitus, jam innotescit impunitas, ac deinceps nullus legis minas timebit. Deinde etiam non est, unde constet, legem istam supplicium non inferendo, sed minaciter tantum proponi. Si verò puniebatur quicumque hoc signo manebat convictus, impium est dicere, pœnam certam ex signo incerto posse statui. Quare arguendus est Mercurialis, qui parum reverenter locum sacræ paginæ fuit interpretatus.

Horatius Æugenius affert in primis interpretationem, quam dicit esse Rabi Salomonis, ea est huiusmodi. Quemadmodum per expansionem, & dilatationem vestimenti, quicquid in eo continetur, clarè, & manifestè apparere potest, sic in accusatione huius viri, monet Seniores, ut rem diligenter inquirant, num adulterium fecerit mulier, an vir illius odio ductus malum imponat nomen, neque ferendam esse in re gravi sententiam, nisi prius res ipsa in propatulo sit, illisque manifesta, ut pannus expansus omnes maculas existentes patefacit. Hæc interpretatio, cum sit metaphorica, sive allegorica, non tollit, quominus detur alia, litteralis, nec eam tollere potest: Nam ad admonendos iudices parabolicè, ut attentè agant, sufficet vestimentum quodvis expandere, sed ctuentur scribare, ut interserviat probationi, si quando oportebit, hoc majoris negocij est.

Adducit deinde aliorum opinionem, qui tenent, puellam, licet primo congressu cum suo viro ctuentur non reddiderit linteolū, non esse pœna legis afficiendam, nisi per testes probatum fuerit, illam adulterium fecisse antea nupta. Hanc explanationem, Æugenius putat, convenire cum sententia. Rabi Salomonis: nimirum quod requiratur alia veritatis indagatio, quam per signa virginittis: quorum defectu non foret puniendæ capite, ut illorum lex decreverat. At signa virginittis non sufficiunt ad damnandum virum, neque rursus eorundem defectu damnabitur puella, cur lex ea proponit, neque aliis signis opus esse declarat: Aut ergo diminutus fuit legislator, quod neutriquam dicendum est, vel hæc expositio figmentum quoddam est.

Aliorum interpretationem adjungit. Videlicet cum virgines ad annum duodecimum, inveniri sanguinem in primo concubitu, immo non esse locum marito, ut illam de adulterio accusare possit, quamvis nihil sanguinis emiseric. Posse tamen illam duntaxat accusare, si in coitu visum illi fuerit rem veneream secum habuisse sine aliqua difficultate, neque

neque inter coeundum invenisse tantam locorum angustiam, quanta videri possit necessaria. Hæc etiam interpretatio vana est, immo & risui habenda: nam quo modo posset sponfus probare nullam reperisse ingressu resistentiam? Profectò fides esset apud accusatorem, quo nihil iniquius esse potest. Deinde si puella accusari nequit, ostenso vestimento cruentato, cum pervenerit ad annum ætatis duodecimum, illa ante hunc annum non est nubilis, ergo nunquam peterit hoc signo se tueri. Præterea etiam si præcipua causa, ob quam recentiores non habent fidem signo huic, sumpto ex sanguinis effusione, est, quoniam potest dolo aliquo simulari, ut si puella ad maritum prima nocte ingrediatur, eo tempore, quo fluunt menstrua, aut si vesiculam sanguine plenam apponat utero, aut quolibet alio modo, si inquam, hoc signum potest fallaciter fingi, ac propterea indignum judicatur, cui fides habeatur, cur fidem habebimus alteri signo magis fallaci, videlicet defectui angustiae uteris? Quippe quotidie videmus contingere, ut lenarum dolo, & astutia puellæ jam prius corruptæ, medicamentis impense astringentibus specimen virginittis acquirant, quo viros complexu virginis se frui existimantes decipiuntur, seu potius capiuntur.

Pergit Eugenius, & Nicolai Lyrani, qui metaphoricè etiam verba legis interpretatur, sententiam refert. Is postquam Theologorum opinionem, qui tenent, patrem, & matrem sub sigillo autentico linteum cruentatum servasse, ut fidem faceret, adjungit hæc verba, *Sed hoc videtur valde turpe, quod pannus talis expanderetur coram iudicibus, propterea non est verisimile, quod vir eius auderet falsò accusare, cum sciret parentes uxoris habere testimoniū prædictum suæ virginittis, quia erat consuetudo communis sic servare pannum secundum istam opinionem & ideo aliter exponunt Hebraei, dicentes, quod hæc est locutio parabolica, cum dicitur, expandent vestimenta, &c. id est per verba testium declarabunt, & explicabunt virginittatem filia sue, sic explicatur pannus.* Itaque Lyrano videtur valde turpe, si pannus coram iudicibus expandatur, cum tamen ad inquirendam veritatem nihil turpe videri debeat. At quod maritus sciens servatum esse linteum in testimonium amissæ virginittis, non auderet mulieri imponere nomen valde pessimum, hoc quidem rationi consonum est, sed redundat in laudem legis, quæ timorem incutit, ne quis eam transgredi audeat. Si quis tamen existimans non amplius à parentibus linteum servari, falsò uxorem accusaverit, deciderit in foveam incautus, ut dici solet.

Dicunt alii, quod in illa regione accidisse semper propter peculiare temperamentum, aut propter alias condiciones: præsertim dicunt in omnibus mulieribus illius regionis membranam quandā, de qua mox disputabi-

putabimus, repetiri. Sed hoc gratis dictum videtur, neque ulla est ratio, ob quam ita existimare cogamur.

Carrerus existimat, legislatorem tulisse sententiam habita ratione ad id, quod est magis universale, & magis certum, & ideo præcipisse, ut illa crederetur virgo, cuius parentes ostenderent, linteum sanguinolentum. In hoc autem est omnino contrarius Mercuriali: qui (ut vidistis supra) signum hoc sumptum ex effusione sanguinis esse ad eodè incertum, ait, ut nullum eo minus certum haberi possit. Addit Carrerus, licet signum istud omnino certum non sit (potest namque mulier artificio, ut diximus, virginitatem mentiri) voluisse tamen Deum, ut sufficeret ad probationem. Hoc sanè non est recipiendum; repugnat divinæ Iustitiæ, ut probatio certa fiat testimonio incerto: nisi velimus dicere, Deum huic signo incerto certitudinem supernaturaliter tribuisse: verum hoc esset multiplicare miracula.

Cæterum adjungit Carrerus, si vel pater linteum non servavit, vel filia, quia grandæva erat, non effudit sanguinè, non propterea illa damnabatur. Colligit hoc ex verbis sacræ paginæ: neque enim damnandæ esse, ut corruptam, cuius pater pannum illum hoc efferret, sed ait: *Quod si verum est, quod obijcit, & non est in puella inventa virginitas, ejicient eam extra fores patris sui, & lapidibus obruent;* nempe si aliunde huius criminis convicta fuerit, & alio modo ipsa, & parentes eius non potuerint ipsius virginitatē defendere. Illud ergo remedium (concludit Carrerus) erat quidem sufficiens, minimè tamen necessarium ad defensionem puellæ, quasi dicat, erat sufficiens, quia si adesset, Deus voluit, ut sufficeret, neque enim præsumitur fraus, nisi probetur, sed non erat necessarium quoniam si deesset, poterat virginitas aliunde, nempe ex aliis signis, testimoniisque probari. Verum tamen non omninò satisfacit, quoniam signum hoc singulare, & solitum à lege datum & sufficiens, & necessarium haberi debet, quod adhuc libet inquirere.

Expositio propria.

Incipiam à virginitatis descriptione, non quidem respiciens ad mores, hoc est, ad castimoniam, sed, prout ad præsens institutum spectat, à constitutione vulvæ. Hanc alii aliter describunt: mihi placet virginitatem appellare oris uteri, nunquam antea virili membro pervii, clausuram. Sic clausura erit loco generis, comprehendens tum mulieres, quæ artis ope apertum jam prius concubitu os uteri recludunt: tum etiam alias, quæ absque fraude, cum unico concubitu fuerint corruptæ, tractu temporis ad uteri coarctationem reversæ, virginitatem præ se tulerunt,

lib. 4. med.
legal. tract.
2. q. 3. n. 5.

lerunt, de quibus Zacchias. Sed omnes istas excipimus, adjugeteas os uteri nunquam antea virili membro pervium: quippe per hæc verba inviolata virginitas, & nativa clausura denotatur.

4. gen. anim.
6. 4.
Plin. lib. 7.
p. 16.

Animadvertendum tamen est, cum nobis sermo sit de signo ad cognoscendum, adsit ne, an deperdita sit virginitas, non habere hic locum mulieres, quæ æretæ vocantur, seu imperforatæ, quas inter monstrosas Aristoteles recenset, & de iisdem Plinius, *quædam*, ait, *concreto genitaliigni infausto omine, Cornelia Gracchorum mater indicio est.* Hæc virgines quidem sunt, sed violari nequeunt: quare in eis non est in dubium vocandum, an virginitatem amiserint, dicente Aristotele, *In feminis nonnulli os uteri compressum, concorporatumque ab ineunte ætate ad tempus usque menstruum perseveravit, mox urgentibus menstruis, doloreque infestante, aliis sponte disruptum est, aliis dissectum à medicis, nonnulla interierunt, cum aut per vim disrumpetur, aut disrumpi non posset.*

* Aliàs
Valles:
De sacra
phil. c. 27.

Verum verò virginitas deperdatur, rupta pellicula aliqua, in qua claustrum virginale consistat, an sola labiorum uteri separatione, mox inquiremus. Hoc unum prius statuere oportet, cum * Couarrubien- sio necesse esse, ut in virginitatis amissione effluat sanguis. Effluet autem plus, minusve pro ratione temperamenti, ætatis, compositionis partium. Itaque signum ab effusione sanguinis, nisi efficax esset, non proponeretur à Legislatore; proponitur ergo & tamquam sufficiens, & tamquam necessarium.

Dicunt prædicti authores præter unum, sufficiens non esse, quippe fraude potest fingi ita, ut decipiat maritum. At respondeo, marito incumbere, diligenter inquirere, an subsit fraus, & dolus, quod colligetur ex interrogatione eorum, qui notitiam habere possent, tum ex difficultate, & resistentia in ingressu. Quod si his diligenter peractis, femina sanguinem emisit, non nisi vim magnam passa fuit violata, & reliqua consentientia fuerunt, ac proinde puella viro placuit: quod semel placuit, amplius displicere nequit. Vnde lex vult, ut maneat probata virginitas, alioquin toto vitæ tempore esset locus marito, ut quæcumque discordia oborta, posset emendicatis testibus uxori nomen pessimum imponere, ad quod evitandum, merito hoc signum, jubente lege, sufficiens censetur. Addo, si sanguis maculæ in linteo autentice sigillato ostendantur, fidem facere: maritus arguat falsò fuisse sigillatum, quippe fraus non præsumitur, nisi probetur.

Necessarium esse negant omnes: quippe potest mulier vel propter ætatem valde productam, vel quia parentes lintheum amiserunt, non habere facultatem ostendendi magistratui sanguinis effusi vestigium.

Ad hoc etiam respondeo, mulierem in primis in ætate, quantumvis mat-
tura, semper cum defloratur pati dilacerationem talem, quæ sufficiat ad
effundendum sanguinem, præcipuè quod puella sub parentibus adhuc
vivens (ut supponunt verba legis non potest ratione ætatis carere sangui-
ne. Si autem pater linteum amisit, hoc parum refert: nam linteum
æruentatum quando patri commissum fuit, debuit consanguineis & af-
finibus, qui aderant ostendi, unde per testes probare potest, linteum il-
lum die nuptiarum fuisse. Securè in hoc se gerunt Fessani Regni gen-
tes in Africa, & aliæ Orientales, quarum mores nobis historici recen-
tiores narrant: quippe dum nuptiale convivium paratur, peractis cere-
moniis, ante quàm convivæ mensæ accumbant, sponsus sponfam in cu-
biculum deducit, expectat pro foribus ancilla, donec ei sponsus linteum
sanguine maculatum tradat, cui applaudunt omnes, & convivium ce-
lebratur, sin linteum sponsa suo sanguine non tingit, ij, qui fuerant in-
vitati, discedunt mæsti, & sponsa infamiae nota satis maculata parentibus
restituitur.

Demùm lex, sanguinem effusum necessarium signum esse, putat,
nam si fortè sponsa sanguinem non effudit, & sponsus tunc tacuit, quia
tacet consentire videtur, & matrimonium consensu viri ratum manet,
quippe in ejus potestate erat uxorem corruptam, & nomine pessimo ma-
culatam accipere. Atque ita manet in suo vigore lex, neque est, cur de-
minutum censeatur signum, sacrae paginæ approbatione confirmatum.

VI. Signum ex membranula claudente os uteri.

Interceptum aliquod esse ori matricis adnatum, quod rumpitur, quan-
do virginitas corrumpitur, multorum sententia est: verùm qui ita
sentiant, non omnes uno, & eodem ore loquuntur. Arabes, ex venulis
panniculum contexi, volunt: quippe Avicenna, ante violationem, in-
quit, sunt in ore matricis panniculi contexti ex venis, & ligamenti sub-
tilibus ortis ex membro, quod destruit violator, & currit, quod in eis est
sanguinis. Averroës hujus est opinionis, hujus etiam Rhafis, qui, ve-
nas constituentes panniculum quinque esse, declarant. Hanc textu-
ram interpretes Arabum centonem appellant.

Fallopîus, postquàm Sorani sententiam retulit, sic ait, pace tamen *Pag. 471*
ego tanti viri dixerim, quod mihi potius videtur membrana non admo-
dum crassa, atque in medio, annuli modo, perforata, quæ, postea lacerata

rara in stupro, ac præter modum distenta, dolorem incutit, & tandem veluti in vitis fit, dum laceratur glandis frangum, evanescit. Itaque membranam istam nerveam, non carneam esse dicit, neque esse integram, sed habere foramen, per quod minus digitus ingredi possit, atque per hoc foramen egrediantur menses. Caterum Bauhini variis circa hujus tunicæ figuram, & substantiam opiniones refert: quippe eam alii crassam, alii tenuem, eamque alii cribri modo, alii initio solum transversim perforatam, alii in colli medio dari scribunt.

Anat. lib. I.
cap. 39.

lib. 5. c. 15.

in epist. &
Hym.

Vesalius, carneam membranam virginibus peculiarem, esse ait: in cæteris namque mulieribus coitu, aut perulanti quoque atritu divulsa. Prosequitur deinde figuram, situm, substantiam, & rimulam hujus membranulæ explicare, quæ omnia apud eum videre licet: in præfens enim sufficit scire, hunc celebrem anatomicum membranam virginalem admittere, quam cum plerisque aliis hymen, sive eugion appellat. Hymen dicunt aliqui, quasi limen, eugion verò vox est, quæ vetustissimus Comicus Nævius utitur, inquit, sine eugio puellam invenit, vitiatam subindicans. Lucilus eugium & hymen simul conjungit: quo loco Nonius pro media parte inter naturalia muliebria accipit. Catullus Zonam virginem vocat. Advertere tamen hoc loco oportet, Vesalium non negare membranam istam, immo eam, ut dixi ex professo describere: negat tamen contonem venarum ab Arabibus, ut diximus, adductum: quare immerito à Carrero ponitur inter eos, qui membranam istam negant.

Non dari prædictam membranam opinio est multorum, inter quos primo loco memorare licet Soranum à Fallopio, qui noluit foramen, quod in virginibus adest, esse membraneum, sed potius esse ipsius sinus muliebris angustias factas ex quibusdam rugis collectis, quæ à vasis, ex utero illuc prodeuntis, contrahuntur in stupratis virginibus, atque dum vasa dicta distrumpuntur, dolorem pariunt, & sanguinem, veluti si mactata esset victima, effundit.

Realdus Columbus fatetur, aliquibus, non tamen omnibus virginibus sub nymphis membranam cerni, hymen à veteribus appellatam, quæ, cum adest, rarò tamen adest, obstat, quo minus penis in uterum immittatur. Idem sentiunt Marcellus Donatus, Fernelius, Capivaccius, Niccolus Florentinus, Vallesius, Horatius Eugenius, Oribasius, Paræus, & plerique; alii immò verò Andreas Laurentius putat, si aliquando virginibus hæc tunica adnascatur, esse morbum in conformatione, ac proinde rem præter naturam. Ducuntur aliqui ratione ad negandum hanc membranam, quoniam scilicet Galenus diligens alioquin anatomicus,

Id. Arc. Do-
nat. hist.
medic. l. 4.
c. 15. Fern. l.
1. c. 7. Cap. l.
4. c. 2. Nicc.
form. 6. tr. 1.
c. 6. & form.

nullibi

nullibi ejus mentionem facit: sed ad hoc responderet Vesalius, Galenum ^{8. 17. 3. c. 300} neque semel iterum dissectuisse. Alii dicunt, naturam nihil facere frustra, at hæc tunica, si esset, frustra esset, neque enim apparet, in quem u- ^{Vult ubi su-} sum sit facta. Caterum multa sunt facta ad ornatum, alia ad meliorem ^{præ Eugeni-} aliorum membrorum custodiam, neque est extra rationem, virgines ^{tom. 2. epist.} hoc habere claustrum, quo melius custodiantur, neque sine magna vi ^{1. c. 4. Orib.} corrumpantur. ^{l. 24. c. 32.} ^{Par... Lan-} ^{rom. l. 7. c.}


Non præteribo, tametsi in signis masculæ integritatis vocem dixi- ¹²⁻ mus, non esse signum in ratione aliqua fundatum, nihilominus in faci- minis inter signa vera recenferi, non tamen ita, ut per se solum sufficiat, sed quòd aliquantulum ad rem faciat, quippe coitu dilatatur aspera arte- ria: confirmatur exemplo. Fertur, Albertum Magnum ex musæo suo puellam ex cenopolio vinum pro hero afferentem in itinere vitiatam fu- isse, quod ille deprehendit, nam puella in reditu cantillans muratam ha- bebat vocem ex acuta in gravem. Suspicitur Rodericus à Castro, (qui ^{Roderic. à} saper totam Europam notissimum in suo lib. de morbis mulier. nominat) ^{Castro.} poruisse etiam Democritum ex voce comprehendere, comitem Hippo- cratis fuisse violaram, siquidem eam pridie salutavit, inquit, ^{salve virgo,} postridie ^{salve mulier.} Verum cognitionem hanc sumptam fuisse ex vo- ce, nemo est quid dicat.

Signum aliud affert Zacchias, quod reperit apud Pierium Valeria- num, ait enim Pierius in suis *hyeroglyphicis*, apes acriter, ac promptissime in eos invehi, illosque aculeis petere, qui recenter mæchati fuerunt, sed in mulieres, quæ Veneri operam dederint, acrius, ac promptius inve- huntur. Causam refert ad harum bestiarum castitatem, cujus me- moravit Aristoteles, & eam Virgilius suis carminibus celebravit. ^{Cate. lib. 3. gen.} ^{anim. l. 10.} Cate- rùm si hoc verum sit, solum inferviet ad cognoscendum recens stuprum, non autem antiquum.

Corollarium.

Adducta signa partim falsa sunt, partim non perpetua, sed intero- mnia illud, quod sumitur ab intersepto, seu membrana, quamvis pro se præstantissimorum auctorum habeat testimonia, cum ramen ex adverso Anatomici fide digni plana fide testentur, se aliquas vidisse, qui- bus hæc tunica non aderat, non possumus ei acquiescere: quare solum duo extant quæ possunt indubitatam fidem facere: Vnum est inspe- ctio facta ab obstetricibus, quippe sive tunica sit, sive non sit, quæ rumpi

possit, siue etiam venæ rumpantur, siue non rumpantur, certissimum tamen est, locum apparere valde dilaceratum, & uteri collum, membranasque ibi existentes, myrtina folia referentes, relaxatas, atque disruptas. Alterum est effusio sanguinis, nam siue detur duntaxat angustii valde transitus violenta apertio, siue partium diuulsio, & confricatio valde vehemens à pene facta, siue jam dicta partium dilaceratio, & venularum, quæ eò deveniunt, abrasio, siue omnia hæc simul fiant, non potest mulier non effundere sanguinem. Quare præter opinionem multorum, qui tenent, nullum dari indubitatum virginittis signum, magis consentaneum existimo esse, prædicta signa esse vera, & perpetua, atque ex his posse virginittatem sine dubio agnosci.



DISPUTATIO SECUNDA.

Virne an femina maiorem in coitu sentiat delectationem.

De genit.

*9. de animal
C...
Cal. Rhod.
lib. 14. c. 3.*



Controversiæ hinc locum præbet Hippocrates, qui ait, *Ceterum multo minus delectatur femina quam vir in coitu, & vir etiam tempore longiore.* Avicenna verò, quem citat Cælius, extensivè duplicari in femina concubitus voluptatem ait: quia præter seminis motum, & orificii vulvæ in sugendo, nascitur quoque oblectatio vulvæ ipsa diversimodè mota. Quid autem intelligat quando ait voluptatem extensivè, dubium videtur. Nam si extensio denotet durationem erit Avicenna Hippocrati contrarius, siquidem Hippocrates virum ait delectari tempore longiore: quare existimo extensivè dici quoniam pluribus de causis femina delectatur, nempe vulva in suctione & in confractione.

*var. lect.
lib. 4. c. 16.*

Nihilominus Mercurialis corrigit verba contextus Hippocratis, ex codice antiquo manuscripto, ubi legitur mulierem in coitu minus viro delectari, sed diutius ipso perdurare in volupare, & hanc correctionem præfert alteri lectioni, quippe verissimum putat virum, qui calidior est muliere, velociore motus obtinere, quorum merito ardentius, & citius desit-

desideria sua terminat. Mulier verò, ut est frigidior, sic in voluptate finienda frigidiusculè se habet, ac perdurat magis.

Hanc correptionem esse ex mente Hippocratis (potius Polibi, quàm illius libri author censetur) non monstrant ipsius verba, nempe, & siquidem appetit viro comisci, prius quàm vir emittit, & de cetero non similiter delectatur: si verò non appetit, simul cum viro delectari desinit, & habet res hoc modo, quemadmodum si quis in ferventem aquam alteram frigidam infundat, illa fervere cessat.

Cæterum antiqui considerantes difficile esse dirimere hanc controversiam, Tiresiam finxerunt, quem utrumque sexum dicunt fuisse expertum, & litem inter Jovem, & Junonem in hunc modum diremisit, viri ardentius, mulieres pertinacius amant. Sic Arabum opinio intelligenda est, qui majorem mulieri quàm viro voluptatem tribuunt, ut scripsit Mercurialis.



DISPUTATIO TERTIA.

In quo consistat actio quæ perfecta conceptio est.



Iris etiam ut mulieribus infæcunditas accidit, ve- 18. *Lectione.* rum non est nostrum agere de infæcunditate virorum, quippe ea duntaxat quæ muliebri sexui accommodantur, pertractamus. Cum autem de mulierum sterilitate agendum sit, & sterilitas non sit aliud formaliter quàm privatio muneris concipiendi, cum rursus privatio rectè cognoscitur per suum habitum, antequam de sterilitate agamus, oportet de conceptione agere.

De facultate concipiendi parum est quod dici possit: nam ea sub facultate generandi comprehenditur: solumque differentia est, quòd generare pertinet tam ad marem quàm ad fæminam; concipere ad fæminam duntaxat. Generandi autem facultas una est ex naturalibus, quam multi cum nutriendi facultate eandem faciunt, neque profectò in alio differunt, nisi quòd generatio fiat in subjecto nondum constante; nutritio in jam constante. De actione verò concipiendi, in quo scilicet consistat, ambiguitas esse potest.

Valleriol. 1.
loc. comm. c.
8. Peram.
lib. de procr.
lib. c. 1. Lala-
mant. lib. de
offim. part.
schol. 15.
1. de sem.
c. 2.

Nonnulli inter quos referendi sunt Valleriola, Peramarus, Lala-
mantius tenent conceptionem consistere in seminis cum attractione, tū
retentione. Alii sunt qui existimant conceptionem esse commissionē
utriusque seminis cum priore parte sanguinis. Priores suam sententiam
probant auctoritate Galeni, qui conceptionem, quasi comprehensionem
à mulieribus, fuisse dictā scriptum reliquit. Vnde præcitatus Vallerio-
la hanc conceptionis definitionem nobis tradit, conceptio nihil aliud
est, quàm genitalis seminis in utero mulieris ad fetus generationem cō-
prehensio. Iuxta quam definitionem & horum authorum opinionem
conceptio est quidpiam antecedens generationem.

1. gener. A-
nim. c. 8.

Posteriorē probant suam opinionem auctoritate Aristotelis, qui
ait generationem id vocari, quod à generatione proveniens causa est,
quæ prima obtineat principium generationis, videlicet in his quæ coite
natura voluit; semen autem est quod ex ambobus illis originem trahit,
quale semen plantarum omnium est, & animalium nonnullorum, in qui-

Et lib. 2. c.
23.
Lib. 1. c. 20.

bus sexus distinctus non est, velut id quod ex mare & femina primum misce-
tur quasi conceptus promiscuus quidam aut animal, & alibi sic, à mari semine af-
fertur, quod principium ubi femina excrementum receperit, conceptus fit, & alibi con-
ceptum appello primam ex mare & femina mixturam. Iuxta hanc posteriorem sen-
tentiam conceptio & principium generationis. Caterum cum prædictarū
opinionum utraq; nihil aliud requirat in utero quàm attractionem &

Lib. 7. c. 8.

retentionem, Fernellius ulterius progreditur, asseritq; conceptionem esse
propriam, & peculiarem uteri actionem, qua seminis potestas exuscita-
tur, & insitum sibi munus obit, & exequitur. Itaque arbitratur edere
uterum peculiarem actionem in semen, sine qua non potest munus suum

4. De affec.
uter. c. 5.

obire. Capiuaccius istam actionem alterationem appellat, atque con-
ceptionem secundum naturam nihil aliud esse, quàm seminis fecundi
alterationem procedentem ab alteratrice uteri, propter speciei conserva-
tionem quasi dicat naturam conservationis speciei sollicitam tribuisse
utero alteratricem vim quæ semen prolificum alterat in naturam fetus.

Refellitur prima opinio.

Non sufficit etymon, ut dicamus attractionem & retentionem com-
prehensionem esse, comprehensionem verò & conceptionem idem.
Ita sentit Fernellius: quippe ait, neque profecto attractio, neque reten-
tio conceptio est, tamen si id ratio nominis videtur indicare; non raro e-
nim avidus uterus semen attraxit, sed biduo aut triduo finit elabi. Hoc
indicat manifestè Hippocrates: si enim signum quo cognoscimus an mul-

De genit.

liet

lier conceptura ſit nec ne, eſt, ſi poſtquam coiverit, ſemen foras effundat, an intus retineat, jam conſtat retentionem eſſe ante conceptionem: alioquin non diceret Hippocrates ſi mulier conceptura eſt, ſed ſi conceperit, imo alibi clarius ait, ſi læves igitur fuerint uteri, mulier in ventre non concipit: nam genituram ſuſcipiunt quidem uteri, ſi non aliqua cauſa obſtiterit, non autem concipiunt, ſed ſemen foras emittunt.

De ſterilib.

Nec ſolum atractionio, ſed retentio etiam poteſt dari ſine conceptione, id patet ex eodem, dicente, ſi verò ubi cum viro coierit, poſtridie detineat genituram, & neque die exeat &c. & paulò infra, ſi verò non conceperit, ſed ſecunda aut tertia die exeat, quæ à viro immiſſa ſunt: ex quibus colligitur Hippocratem voluiſſe non niſi poſt retentionem ſequi conceptionem. Idcirco Hippocratis conſilio ibidem, jubetur interrogari mulieres quæ non concipiunt, an ſtatim eis exeat genitura, an poſtera die, an tertia, aut ſexta, ut admoſeat mulierem, ſi parati fuerint uter, etſi genituram ad decem aut duodecim dies detinuerit, ne virum adeat. Id etiam probat hiſtoria quam narrat in libro de natura pueri à Galeno ſapius repetita, de muliere cantatrice quæ ſe concepſſe credidit, eo quod ſemen poſt coitum ei intus remaniſſerit juſta eſt ab Hippocrate ſaltare & poſtquam ſepties jam exiliſſet, genitura in terram profluxit. Denique nec ſi ſemen trahatur, nec ſi retineatur aliquid amplius. Hoc etiam poteſt oſtendi ex Hippocrate, ſi velis noſcere an conceperit mulier, cum dormitura eſt, ei aquam mulſam potandam dato, ſupponit ſemen jam fuiſſe retentum & dubitari an conceperit.

De morb. mulier.

g. aph. 41. Vide Ar. 4.

gen. animal. e. 7. ubi agit de mola, & iam accidit mulier cui dam ut cum concubuiſſet. &c. De natur. pueri in princip.

Refellitur ſecunda opinio.

NEque etiam aliorum opinio quæ tenet conceptum eſſe permiſſionē utriusque ſeminis cum priore parte ſanguinis carere repulſa: quippe Hippocrates ſi genitura, inquit, utriusque permanſerit in utero mulieris, primum quidem ſimul miſcetur, utpote muliere non quieſcente, coaceruaturque ac craſſa per calorem evadit, deinde ſpiritum concipit nempe in calido exiſtens, & poſtea matre ſpirante: verba illa, ſpiritum concipit, conceptionem ſignificant, quæ ſit poſtquam materia à calido craſſior evadit, hoc eſt poſt permiſſionem eius à calore factam.

Tertia opinio præfertur

ALia opinio eſt primam animationem factus eſſe conceptionem: ſtatim enim cum vivere incipit dicitur conceptus, & actio, qua ſit dicitur

citur conceptio. Et in opinione Aristotelis, qui primam partem quæ producitur, existimat esse cor, quum cor factum est in ordine ad articulationem sequentem, dicitur conceptus, & animatio conceptio.

Mihilanè videtur tam juxta primam quam juxta secundam & tertiam opinionem appellari: cæterum titulo quæstionis in quo quæsi in quo consistat perfecta conceptio, respondet ista tertia opinio: nam cætera conceptionis significata imperfectam, & minus propriam conceptionem significant, ita tertia perfectam. Sic apud autotes invenietis conceptionem appellari juxta omnem acceptionem: attamen ex adjectis intelligetis an loquantur de perfecta & propria, an de imperfecta & impropria.

Itaq; ex sententia, Fernelij prima uteri actio est attractio, qua uterus afficit semen: secunda est semini permissio; quod autè sit actio uteri probatur, quia aut permiscetur à se, aut ab alio, non à se quia non semper emittuntur eodè tempore, nec utrumq; semen in eodem loco ejaculatur: ergo ab alio agente: nullum autem est aliud præter uterum. Tertia actio uteri est retentio in qua manifestum uteri motum sentit mulier. Postrema uteri actio est seminum suscitatio & hanc conceptionem vocant. Cæterum mihi videtur potius post attractionem sequi retentionem, post retentionem permissionem, idque probo ex Hippocrate, qui ait, genituram ubi in utero permanferit, permisceri, cum autem permanentia fiat beneficio retentio jam supponitur ad permissionem. Aliqui dicunt attractionem non differre à permissione: quippe per attractionem unum semen alteri juxta ponitur, cæterum non sufficit qualiscumque juxta positio verum secundum minimas partes permissio, sic enim permissionem fieri dixit Aristoteles. At hæc permissio requirit tempus, si igitur aliquo tempore semen permanet, hoc non fit nisi operante retentrice.

Damnant aliqui Fernelium quasi voluerit totam generandi actionem utero tribuere, ut videtur ostendi posse ex quarta actione, in qua conceptionem consistere ait, nempe conceptionem consistere in actione, qua uterus suscitatur semen, accusatur etiam quia uteri actionem comparat actioni ventriculi, quippe uterus trahit semen & illud suscitatur non secus, ait ille, atque ventriculus tractum contentumque alimentum conficit, ut enim coctio ventriculi, sic conceptio uteri propria est actio: accusatur inquam, quia ventriculus nullum trahit principium quo conficiat alimentum, uterus verò trahit semen, ergo par ratio non est.

Immerito tamen Fernelius damnatur, nam quod attinet ad primam rectè ille dicit esse conceptionem propriam & peculiarem uteri actionem, qua seminis potestas exsuscitatur, & insitum sibi munus re ipsa obit, & exequitur.

De natura
pueri.

lib. I. de ortu
& interitu
a. 10.

exequitur : quemadmodum enim terra ferax , & fecunda susceptum semen suo calore fovet, deinde excitat & ad parturiendum pellit. Sic uterus fecundus ingenita vi quæ alteri nulli parti est concessa sopitam seminis vim & delitescentem in eo potestatem excitat, & ad agendum stimulat, ut energia fiat, & dicatur, tunc temporis semen opus aggreditur & suscipit, quod nusquam antea agere potuisset, alioquin enim mas solus in se ipso generaret.

Ex his constat eius sententiam non esse utero per se soli generandi vim tribuisse, sed semini in quo generatrix vis inest. Quod vero attinet ad similitudinem : similitudo non tenet in omnibus, sed in eo de quo res agitur. Vt n. ventriculus propria virtute, & actione conficit alimentum, sic uterus conceptionem, ad quam nullum aliud agens trahit, licet respectu ulterioris actionis sit diversitas.

Sed quoniam Fernelius uteri actionem in semen necessariam esse probat, deducens ad inconueniens: nempe quia alioquin mas conciperet in se ipso. Per amatus, hoc inconueniens non sequi, nritur monstrare: primò defectu uteri, neq; enim mas habet instrumentum aliud cavum, quo semen excipiat : secundum ob defectum materiæ, nam (ut Galenus ait) omnis facultas, si competens desit materia, ociosa est, & maris semen facultates in se ipso possidet, actionem vero non nisi circa materiam, fæmineum scilicet semen, & menstruum sanguinem obit. Quamvis enim semen viri materiam præstet fætui, exiguam tamen, & defectuosam præbet.

Tertio non sola vis aut masculi, aut fæminæ sufficit ad generationem, sed utraque est necessaria : in plantis, in quibus sexus non sunt separati, utramque vim conjunctam posuit Aristoteles, quoniam utraque erat procreationi necessaria: ea ergo quæ sexus habent separatos, conueniant oportet, ut ex ambobus semen unum proveniat procreandis liberis aptum.

Frustra tamen his rationibus Fernelii opinionem oppugnare conatur. Nam quod attinet ad primam, defectus uteri non est impedimentum sufficiens, nam non deest in masculo cavitas, quæ si non sit valde ampla, solùm efficiet ut magnitudo non sit tanta, quanta est in capacitate uteri. Ad defectum materiæ responderetur non deesse masculo sanguinem, ex quo posset simul cum semine fæcus efformari, qui post efformationem, sanguinis quantum sit satis, attraheret à rænis sine patris nocumento. Ad tertium quod supponit necessarium utrumque semen ad generationem, responderi potest non esse certum hoc theorema, imò verò non desunt qui existiment oppositum probabilius esse, hec est semen

famineum non esse necessarium : ex fundamento igitur incerto certam propositio elici non potest. Aristoteles autem in plantis fæminæ & maris vim conjunctam posuit, non quod cognosceret fæminas in generatione semen præstare : nam hoc manifestè rejicit, sed quasi dicat plantas, quoniam conjungi non possunt, non expectare incitamentum unius ab altero, sed illud unamquamque intra se ipsam habere.

Quod si virago, quantumvis calida sit, & semen habeat crassum, non concipit intra se ipsam, non est quia semen perfectum, debet esse ex duobus compositum, sed quoniam muliebri semen, quantumvis coctum & crassum lentumque non potest eam habere perfectionem, quam habet semen virile, quare virile semen non indiget ad sui perfectionem fæmineo, at fæmineum indiget virili. Sic etiã ova subventanea perfectione carent, quippe ex defectu seminis masculini perficientis, deficit in eis perfectio. Miraculosus Deiparæ Virginis conceptus, non debet in argumentum trahi, siquidem fuit factus (ut ait Poeta valde celebris) *naturâ mirante*.


Maneat ergo ratum Fernelium rectè fuisse argumentatum, nempe si uterus non ageret in officio conceptionis, posset extra uterum mas etiam in se ipso concipere. Cæterum relicta Fernelij ratione, non desunt aliæ magni momenti. Præcipuè quia si utrumque semen Deus poneret in alio loco extra uterum, poneret & sanguinem menstruum, & tunc conceptionem relinqueret suæ naturæ, non adhuc fieret conceptus : signum manifestum aliquid uterum præstare, siquidem ad eius absentiam cessat concipiendi actio. Quod autem non fieret conceptio extra uterum, probari potest exemplo plantarum : quippe si earum semen alibi extra terram collocetur, non germinabit ex semine planta. At terra subit vicem uteri teste Aristotele, si ergo eius absentia facit ut semen non prolificet, idem eveniet in animalibus ob absentiam uteri. Deinde probatur, quoniam venæ & arteriæ quæ in utero sunt, per quas fætus & alitur, & respirat, & ligatur, non reperiuntur alibi, cum ego natura utero tribuerit omnes commoditates, quas fætus ante quàm in lucem veniat, requirit, consentaneum videtur tribuisse etiam ei aliquam qualitatem, qua semen possit excitare, & educere de potentia ad actum. Confirmatur hoc, quoniam ut ex Galeno constat ea membra quæ autogena sunt, hoc est sui generis, & nulli alteri similia, peculiarem habent vim nulli alteri communem. At uterus membrana quædam carnosa intus aspera substantiam habet, qualem nulla pars obtinet, igitur habet etiam actionem quæ differt ab aliis actionibus.


Siquis autem quærat quæ nam qualitas sit isthæc quæ ab utero produci-
tur, reperiet aliquos qui respondent esse calorem vitalem, nam ut
constat

constat ex Aristotele ex ovīs pulli generantur, quando fovētur calore nativo, nec oportet aliam qualitatem imaginari, quam gallina incubans producat in ovīs. Cāterum hæc responsio non tenet: nam secundum eam corrūet tota præcedens machina: quippe si vulva non præstat aliud, quā calorem nativum, utique quælibet pars extra uterum calore nativo est prædita, ac proinde poterit producere in semen id quod producit uterus. Consentaneum magis est respondere, utrum habere qualitatem, diversam à calore naturali: nam si semen ponatur iuxta cor, ubi calor naturalis valde abundat, non adhuc ibi semen factum ex se producer. Similitudo autem ab ovīs sumpta non concludit, nam ova etiam à calore extraneo fovētur, & in pullōs evadunt: quod constat ex eo quod in Ægypto (ut refert Scaliger) contingit, ubi ovorum multas centurias in fornicum superiore planitie disponunt, & statis diebus erumpit pullorū turba, quos illi non numero, sed mensura venales habent. Modiolum statuunt sine fundo, quem ut complerunt, tollunt. At non sic de animalium ortu existimare libet; quare nihil prohibet hominum, & reliqua animalium semina in uterum injecta indigere aliqua qualitate ab ipso utero sibi communicata, ut in actum reducantur. Excitat igitur qualitas hæc semen ad operandum, nempe, disponens semen, ut facultatem quam habet reducat in actum.

An semen sit animatum.

PRæcipuum fundamentum quo Peramatus utitur ad excludendam actionem uteri in semen, est quia semen animatum cum sit, per se ipsū potest vegetantis animæ actiones edere, hoc tamen valde controversum est, & contraria opinio præstantissimos auctores pro se habet: interim tamen scire oportet; tamen si ex hypothēsi concedatur semen esse animatum anima vegetativa, qua potest nutrirī, & crescere adhuc non concluditur non esse necessarium, ut ad generationis opus sublimē ab alio adjuvetur, & extol-
latur.





DISPUTATIO QVARTA.

19. Leſio.

Quid conferat femina ad fœtus generationem.

Verus controversia est adversus Aristotelem suscepta à Galeno, an mulier in operæ generationis præstet suum etiam semen. Hanc nos in nostro de *Meteoris Microcosmi* libro & commentario in librum Hippocrati de alimento protinus in lucem exituro agitavimus, in qua multi etiam alij summa cum gloria versati sunt, quare per summa tantum capita libet rem hanc paucis absolvere.

Quid senserit Aristoteles de femineo semine.

2. de gen. a.
nim. c. 10.
ex professo
probat non
dare semen
femineum:
vid. ibi.
*

Notissimum est in Aristotelis doctrina feminam non conferre semē ad generationem: nam si semen, inquit, esset, menstrua non essent, iccirco autem illud non est, quia hæc sunt. Hoc confirmari potest, quia menstrua sunt sanguis imperfectè coctus, semen autem perfecta coctione fit: quare non potest coctum simul & crudum in eadem actione, & ad idem opus excerni.

2. gen. anim.
c. 19. 2. gen.
anim. c. 4.
5. gen. anim.
c. 3.

Fateretur Philosophus à feminis in uterum transmitti humiditatem quandam cum volupate, idque probat quoniam, ut maribus, sic & feminis accidit noctu per quietem, quod pollutionem appellant. Cæterum hunc humorem nihil ad conceptum conferre affirmat: neque etsi emissuræ aliquando sunt, infæcundum.

Probaturn etiam hanc humiditatem non habere vim seminis: nam si semen esset omnibus feminis, contingeret illius profusio in coitu. At Viragines & mulieres fusco colore præditæ nihil huius humoris solent emitte.

Alia ratio accipitur, quoniam feminæ coitu non emaciuntur, ut mares, at si semen conferrent sine dubio emaciarentur: est enim semen substantia ex optimo sanguine confecta & spiritibus repleta: ex huius autem evacuatione sequitur macies, & decoloratio, quorum neutrum feminis accidit, immo contrarium.

Præte-

Præterea multæ sunt quæ absque oblectatione ulla se concepisse testantur indicium manifestum defectus seminalis substantiæ. Imo cum non perpetua sit fæminis in coitu oblectatio, suspicari consonum est, iis quæ oblectantur, id contingere ex frictione & titillatu, non autem ex seminis ejaculatione: quid ni? nonnè pueri, & eunuchi quibus non est semen frictione genitalium delectantur.

Tandem indicium quoddam Aristotelem persuasit, ut crederet præter sanguinem menstruum, nihil aliud fæminam ad generationem conferre, illud autem est, quoniam eadem ætate maribus genitura fieri incipit & secerni, fæminis autem menstrua erumpunt, vox etiam mutatur, & mamma intumescunt, nec non desinente ætate aboletur maribus generandi facultas, fæminis menstorum confluxum. Atque hæc sunt præcipua, quæ semen fæmineum excludunt: in qua sententia totus fuit Aristoteles, nec est cur Capiuaccius eum in contrariam deducere con-<sup>1. gen. animi-
ciato.</sup> sendat. Neque etiam rectè Peramatus ex eo quod Aristoteles dixit fæminæ semen materiam tantum præbere: nam seminis nomine sanguinè menstruum intelligit, qui materiam tantum præbet. Huius etiam sententiæ, quam Aristotelem sequutum fuisse, scimus, fuerunt etiam (refe-<sup>4. gener. an-
nimal. 6. 1.</sup> rente Galeno) Herophilus, & Athenæus, & inter Arabes Avicenna, & Auerroes.^{2. de sem.}

Galenus sententia adversus Aristotelem.

IN prædictæ opinionis assertores insurgit Galenus, eosque manifestis-^{Gal. ut sup.} simis demonstrationibus adeo convincit, ut ni sponte obstinati esse velint à sua sententia desciscere cogantur. Testes fæmina habet, vasa præparantia, semen, & ejaculatoria velut mares. Atque in animalibus quæ ad Venerem stimulantur, seminalis meatus multo semine plenus reperitur, vacuus contra statim post coitum. Non parva etiam seminis copia in iis interdum conspicitur, quæ jam diu concepèrant, & gravidæ sunt. Nec verò satisfacit Herophilus qui postquam vulvam exactè descripsit, seminarium, inquit, meatum utrinque non admodum apparere, cum tamen satis conspicuus sit, & iterum eundem meatum ad cervicem vesicæ inferi dixit, quod in nullo unquam animalium videre potuit, neque etiam verum est istum meatum ex vulva apertum esse. Exemplo confirmatur mulieris quæ uteralibus morbis vexabatur, & in vulva moriens, deinde ex ea foras & copiosissimum, & cretissimum semen effudit, quoniam namque diu vidua permanerat, tam visum, atque huiusmodi collectum fuisse manifestum est: sed nec videtur huiusmodi moriens, cum

& pedum distensiones quædam invaluerant, ut convulsa esse videretur, in quibus excretum est semen, dicebatque se voluptate etiam simili affectam, qualis in coitu contingere solet: scimus autem ex Aristotele coitum epileptiæ assimilari, unde par erat, ut si hæc mulier verum semen eijceret, convulsivos motus epilepticis similes pateretur. Itaque semen huius mulieris, quia longo tempore fuerat acervatum, multum, & crassum semen erat, cum tamen in aliis paucum, & subtile reperitur.

Sed longè magis reprehensione dignum se exhibet Athenæus, qui ait, sicut maribus papillas, ita fæminis seminalia membra fuisse constituta: quæ etiam ratio Averroi placuit, cum tamen à vera ratione valde distet: non enim, ut illi arbitrantur, similitudo ac convenientia in sola prima membrorum formatione servata fuit, sed functio etiam. Quod addiscere poterant ex eo quòd in maribus, præter paucos quosdam, non sunt in mammillis glandulosa corpora, quæ in fæminis maxima conspiciuntur. At in genitalibus membris non ita se res habet, nam fæminis non solum seminalia vasa, sed testes etiam femine turgent.

Sed pro semine etiam adest autoritas Hippocratis, quam Aristoteles non debuerat subterfugere: Legendus igitur toto libello de genitura, ubi passim utriusque seminis mentionem facit, & quonam illorum prævalente masculus an fæmina fiat, nos docet, & tum ibi, tum initio libelli de natura pueri, quem Galenus citat, misceri utrumque semen expressè tenet.

Et ne amplius immoremur in dogmatis manifestissimi probatione, similitudo filiorum ad matres omnino veritatem, quam cum Galeno profitemur, declarat. Nam ipsemet adversarii agnoscunt semini vim inesse, quæ fætum contingat, ac format. Formantis autem officium est (neque hoc quispiam negabit) aliter utro ex parentibus similem, vel dissimilem fætum reddere. Cæterum illi dicunt fætui alimentum est sanguis, ex alimento autem advenit fætui ut sit similis matri. Cæterum cum multas afferant altercationes, quæ ex alimento proveniant, nunquam possunt eam afferre quæ speciem immutet: nam persica arbor in Ægyptum translata formam minimè immutavit, sed bonum tantum alimentum nacta, esui idoneum fructum, cum prius non esset, dicitur protulisse: neque oves unquam mutato pabulo capris, quæ prius eo vescabantur, similes evaserunt, neque capræ ovibus aut asinis aut equis.

In commistionibus diversi generis animalium fieri Athenæus ipse fatetur, ut fætus à matre quiddam peculiare accipiat: non accidentia quædam, ut in colore, in voce: non formæ affectionis, sed quod à matre in his provenit, tale esse ait, ut speciem quoque totam immutet: si enim

enim a sinæ semen equa in utero receperit, factus non patris tantum, sed ex utrisque mistam speciem præ se feret: si vulpem canis prægnantem reddiderit, quod nascetur non canis, sed mistum ex utroque animal esse: Imò verò ipse Athenæus plus à matre quàm à patre, volens nolens factum accipere affirmat: nam in commistione vulpis cum cane, si canis mas fuerit, factus vulpis specie præditus erit; si vulpes econtra, in canis formam evadet.

Tandem si formatrix vis est, quæ non solum formam, sed tum effigiem tum membra reliqua format, quomodo in uno signo matrem, in altero patrem, unus & idem factus quotidie similitudine admiranda refert? nunquid natum simum efficit alimentum, oculos verò cæcios, sanguis menstruus? Cera aut creta, ex qua Phidias imaginem fingit, colorem quidem referre potest: caput verò manus & reliqua membra organica referre non potest. Hoc optimè agnovit Hippocrates, & propterea similitudinem filiorum accipit ex eo semine, quod in commistione alterum superaverit. His præcipuè sed etiam aliis jaculis obruitur Aristotelicorum opinio.

Solvuntur argumenta quibus persuadere conantur peripatetici & alii semen fæmineum non dari.

SI semen, inquit Aristoteles, esset, menstrua non essent. Sed cur? nempe quia menstrua fiunt ex cruditate, semen ex perfectione coloris. At non fit sanguis ex cruditate: quippe si ex cruditate fierent menstrua, utique sanguinis formam non haberent, sed pituitæ. Verum quidem est calorem mulierum diminutum non discutere sanguinis portionem, ac propterea redundare in corpore fæmineo ob defectum scilicet discussionis, quæ in maribus multa est, & proinde absumit omne residuum, hinc evenit, ut diximus, quòd viragines, & quæ virilius exercentur, menstruis carent. At calor fæminarum, tamen si non sufficit ad discutiendas reliquias, sufficit tamen ad excoquendam magis exactè portionem illius quæ in vasis fæminariis, & testibus feminis formam recipit. Deinde tamen si consideremus sanguinem menstruum ex cruditate esse, quid prohibet exiguam ejus partem melius concoqui in vasis ad id destinatis?

Humiditatem illam, cujus meminit Aristoteles, & quam salivofam medici appellant, fatemur cum eodem non esse semen: hæc autem multis deficit, & quamvis deficiat, nihil damni inde consequitur: quippe

etiam si ex ea sumi possit materia ad secundinas creandas, hæc aliunde accipi potest: nam & vir humiditatem in vulvam ejicit, & ex materia quæ in semine non est apta ad formationem fetus, sumitur ea quæ allantoidem efficit: quippe generatio quædam quodammodo coctio est, omnis autem coctio sua habet excrementa. Itaque hæc humiditas non ejicitur cum delectatione. Sed poterunt respondere pueros antequam deveniant ad ætatem generandi semen & eunuchos hanc humiditatem cum delectatione ejicere. Respondeo, delectari ex confricatione, non ex humiditatis ejectione: deinde etiam natura puerorum, quæ jam incipit inclinare ad pudenda, & Eunuchorum quæ jam prius ex naturæ instinctu inclinavit, poterit illuc deducere spiritus quibus debetur delectatio: at mulier nihil istorum habet. Itaque assentimur Aristoteli dicenti hanc humiditatem non esse semen: non tamen assentimur eidem existimanti præter illam non dari alteram substantiam, quæ verum semen est.

de genit. Fæminæ coitu non emaciantur quoniam non valde multum est quod in semen absument: præterea fæminæ quæ coeunt, magis sunt sanæ ex Hippocratis sententia, quare paucum illud quod coitu perditur, sanitate cum fænore refarcitur.

de septimæ partu. Fæminas sine oblectatione aliquando posse concipere non negamus, hujus rei variâs artuli causas in meo *de Meteoris Microcosmi libro*, neque acquiescendum est Fernelio, qui muliercularum dictis fidem habendam esse negat, & propterea non posse sine oblectatione in coitu mulieres concipere constanter tener. Verum cum Hippocrate mulieribus de partibus fidem derogare non oportuit, dicunt enim omnia, & semper dicunt, & semper proferunt, neque enim aut opere, aut sermone persuasæ sunt, sed ex eo quod cognoverunt in corporibus suis contigisse. Quare potius dicendum est aliquando semen cadere in utero fundum, ubi sensus aliquantulum hebes est, ac propterea non sentiri eam oblectationem, quæ quando uteri ostangit, percipitur. Pueri autem, & Eunuchi frictione delectantur, delectatur etiam frictione mulier, nec delectari desinit, ut inquit Hippocrates, nisi postquam vir semen emiserit. Caterum delectatio quæ fit a confricatione, diversa est ab ea quæ fit in seminis emissionem, ut viri etiam in se ipsis agnoscunt, jam enim dici ex Aristotele in seminis emissionem sentiri epilepsiæ similem convulsionem.

de genit. Quod autem eadem ætate, & mares semen emittere incipiant, & fæminæ menstrua, non est cur nos moveat ad existimandum menstruam evacuationem respondere semini: nam fæmina & cum viro generat, & sine viro nutrit: quare utroque opus habet, & semine ad generandum,

& sanguine ad nutriendum. Negabunt forsàn fæminam cum viro gignere, sed id satis probatur, tum ex aliis quæ dicta sunt, tum vel maxime ex eo quòd fæmina potest in coitu delectationem illam, quæ sentitur in emissionem seminis accelerare, & tardare majore aut minore libidine tardiore aut concitatore motu acta. Vnde viri operis generationis periculi monent ut mulieres simul secum ad expulsionem serventur & conciteantur. Hinc Ovidius,

Odi concubitus qui non utrinque resolvunt.

Sed ut nihil sine responsione maneat, satisfacere oportet scrupulis, quos nobis Aristotelici ulterius injiciunt.

An mulier possit concipere sine Viro.

PRæcipuum, & quod validissimum esse arbitrantur est, si mulier habet semen, habet etiam menstrua, poterit absque viri consortio in utero concipere. Ad hoc respondendum est naturam, ut mutuis illecebris se se mas, & fæmina incitarent, ea lege duo semina efformasse ut neutrum eorum sine altero sufficiens sit ad perfectam prolis generationem. Hoc ostendunt ova subventanea, quæ sine maris semine producta imperfectum quiddam sunt, quippe ex se non possunt aliquid generare. Multi etiam pro exemplo afferunt molas, quas sine virili semine gigni posse contendunt; cæterum hæc opinio (ut suo loco referam) non mihi ar-
rider, idcirco ab exemplo superledebo. Afferam tamen pisces (de quibus Aristoteles) quorum fæminæ ova emittunt, masculi suo semine ea respargunt, quod facere non porteret, si fæmineum semen duntaxat sufficeret.

6. de hist.
6. 14.

Sed adhuc urgebunt: nam Hippocrates ait semen fæmineum aliquando fortius esse, & ab eo semen virile superari: si ergo habet quicquid muliebre habere debet, ut ulterius quicquid à virili expectatur, non est cur tunc temporis sit necessaria duorum seminum permixtio. Verba Hippocratis sic habent, *Quandoque fortius est semen à muliere emisum, aliquando vero debilius: similiter etiam quod vir emisit.* Et est tum in viro fæmineum, itemque masculum semen tum itidem in muliere. Videtur ergo velle aliquando mulieres habere in se simul cum fæminea potestate virilem etiam adjunctam. Respondeo tamen ea quæ apud Hippocratem sequuntur, manifeste ostendere in hujus magni viri doctrina requiri utrumque semen: ait enim *si ab utriusq. semen fortius prodierit, masculus erit partus, si vero debile, fæmina nascetur. Vtrum autem multitudine, ac copia prævaluerit, juxta illud ipsum partus nascetur: si enim multo plus fuerit debilis seminis quam*

Hipp. de genitura vide
explicationem hujus
auctoritatis
Hippocratis,
apud Mun-
dinum part.
1. c. 15. pag.
71.

fortioris, superatur forte; & debili permistum in feminam transit, si verò plus fuerit fortis seminis quàm debilis, superatur debile in marem transit; & quæ sequuntur, quæ ostendunt ad sexuum quidem discretionem attendi ad quantitatem debilis aut fortis: nihilominus ad generationem semper supponi duobus esse semina, nec unum quantumvis forte, sufficere. Imò verò id confirmat, quoniam ait multas mulieres peperisse fœminas, ex propriis viris, quæ ad alios transgressæ masculos pepererunt, ad aliarum mulierum mixturam progressi masculos genuerunt. Nonne hæc ratio convincit in fœmina quidem genituram fœmineam & masculum inesse, cæterum quæ non sufficiat proli gignendæ, sufficiat tamen sexui producendo.

lib. 2. com.
170 v. 6. 7.

Vallesius existimat rationem cur fœmina per se solam non possit concipere, esse quoniam si fœmina debilis est, & parum calida, semen habet invalidum, & quod necessarium cocturam assequi non potuit, si verò calidissima, tunc menstruis carebit, quippe sanguis tanquam in viris multo calore diffusus discutietur & evanescit, unde jam diximus viragines menstruis carere. Hanc responsionem sumpsit Vallesius ex Galeno lib. 2. de semine c. 6. Sed revera falsa est, nam viragini non deest tantus sanguis, quantus sufficiat ad generationem: quandoquidem, & copiosissimas sanguinis fluxiones, & sanguinis missiones tolerat, præcipuè cum ex Aristotele mulier, licet menstruis careat, possit gignere, quia tantum sanguinis congregat in utero quantum sufficit ad prolis formationem: sufficet etiam ad nutritionem tempore procedente sanguis quem uterus trahet ad nutrimentum fœtus. Quod si deesset sanguis, fierent in viragimbus crebri abortus: deinde falsa est eadem responsio quia non est impossibile dari fœminam, quæ nec sit adeo calida, ut virago, nec adeo frigida, ut menstruis careat. Solutio ad prædicta solum spectat ad duobus extrema & omittit medium, quæ arguta valde est, meus concivis ut argutam commendat, sed ut parum veritati consonam rejicit: quippe ut ipse ait, menstruus sanguis fœtus materia non est, sed pabulum post septimum diem: quare potius si fœmineum semen, completum haberet actionis principium, conciperet quidem perfecte, sed non aleret. Cæterum manifestè deceptus est, nam ad fœtus generationem non solum utrumque semen, sed sanguis etiam menstruus concurrit: unde psalteria sexta die jam ex sanguine, & materia alba permistum quoddam ejecit, imò verò si membra alba duntaxat fiunt ex semine, carnosa ex sanguine, multo melius, & magis manifestè in generatione fœtus apparet sanguis, quàm semen. Præterea in Aristotelis doctrina quæ semen fœmineum negat, sanguinem ad generationem admittere oportet, quod si nos cum Galeno semen fœmineum addimus, non propterea sanguinem rejicimus. Illud

Illud tamen non negarim, nempe perperam à Vallesio dictum esse in fœmina nihil deficere, quo minus sine concubitu concepiat: quippe quæ in se ipsa materiam, & efficiens principium habet, & propterea ut prober mulierem sine viro non concipere, confugit ad prædictam rationem. Sciât tamen oportet efficiens quidem principium, & in muliere, & in viro inesse. Efficiens, inquam, in singulis, non tamen in singulis sufficiens, sed naturæ instituto actum esse ut quod in plantis uno semine tribuit, animalibus tribuatur duobus, cujus opinionis fuisse videtur Platon, qui fabula quadam hanc doctrinam involvit, quippe hominem antiquitas quatuor habuisse crura, quatuor brachia, duo capita, & reliqua omnia duplicia, fulminatumque à Jove in duo divisum fuisse, quare cum vit, & fœmina conjunguntur, unumquodque suum quærit dimidium, & sic duo semina dimidiata, unum integrum efficiunt. Hanc fabulam possumus exponere verbis Hippocratis, dicentis, *ex utriusque permixtum, unum perfectum semen constari.*

Sed est alia ratio quæ fœminei seminis necessitatem tollit: quippe menstruum lacti comparatur, semen virile coagulo, cum igitur fœtus formatio comparatur caleationi, juxta illud, *nonne sicut lac multissime, & sicut caseum me coagulasti?* non est ergo necessarium tertium aliquid, quod generationem fœtus ingrediatur, nempe semen fœmineum. Nos in eadem responsione persistentes dicimus gerere quidem semen vices coaguli, semen, inquam, utrumque completè, incompletè autem unumquodque eorum: Sed occurrit Averroes. Si seorsim non habebant tantam vim, cur simileam habent? Undenam seminibus conjunctis vis advenit nova, quam disjunctum unumquodque eorum non habebat? Interrogabo ego vicissim undenam duo homines vim habeant movendi lapidem, quem singuli movere non poterant? Nonne semen utrumque est ejusdem speciei infimæ? ita sanè, neque enim diversitas specifica potest eis evenire ex parte formæ: quippe maris & fœminæ formæ substantiales ejusdem speciei infimæ sunt, neque ex parte materiæ: quippe utriusque seminis materia est sanguis, qui non differt specificè: potest etiam probari identitas specifica ex Galeno, qui aliquando habet hæc verba: *sive enim fœmina semen, sive sanguis qui in matrices promanat, motus principium quoddam conferat, omnino motus principium cum maris semine idem omnino putandum est.*

Itaque supposito quòd semina sunt ejusdem speciei, quid prohibet concurrere partialiter? sed dicent Aristotelici ex eo quod semina sunt ejusdem speciei infimæ, potest colligi fœmineum posse abesse, & sufficere masculinam. Nam sic actiones utriusque erunt etiam unius & ejusdem

speciei ac propterea potest semen viri in sua perfectione adeo crescere, ut non sit necessarius concursus seminis feminei, sicut ex duobus tollentibus lapidem, potest unus adeo viribus augeri, ut sufficiat sine altero. Licet enim quando agentia partialia sunt diversæ speciei, nunquam potest unus vis ita augeri ut suppleat vices alterius, u. g. intellectus, & species intelligibilis concurrunt ad intellectionem, nunquam tamen intellectus ad tantam perfectionem deveniet, ut sine specie possit intelligere. At tamen (ut jam probabimus) semen viri, & semen mulieris sunt ejusdem speciei, quare nihil prohibet posse unum adeo augeri in suo robore, ut alterius suppleat robur.

Quod si respondeamus unum semen non esse sufficiens in quantitate alterius, adhuc possunt dicere posse quantitate unius, aut intensiva qualitate ejusdem suppleri quantitatis alterius defectum, quando scilicet agentia partialia sunt ejusdem rationis. Supponamus enim virum alioquin valde fecundum producere duplum seminis magis quam producunt alii, aut efficaciore vi præditum, nonne tunc poterit sine adjumento alterius unum semen agere? possunt namque semina duorum virorum fecunda in unum conjungi: si enim potest interjectis pluribus diebus postquam genitus est conceptus alter de novo fieri, ut patet in superfætationibus, non erit impossibile accidentibus duobus hominibus unum post alium immediate aut uno homine qui vix semen eiecit, statim reiterare effusionem.

Hæc responsio, quæ tamen suum habet autorem, pace ejus sit dictum, videtur fatua. Nam in primis suppleri quantitatis defectum unius viri quantitate seminis alterius, res inaudita est, neque duo individua possunt adeo esse inter se similia, ut semen alterius. Deinde si supponamus unum, & eundem virum bis effundere semen consecutive, primum semen jam fuit ab utero comprehensum, quare secundum respicitur: exemplum autem sumptum à superfætatione inane est: nam aliud est unius fetus formationem fieri duobus seminibus, alterum ex iisdem duobus, in diversis tamen temporibus, formari duos fetus, hoc est, ut formato jam uno fætu, uterus mulieris gravidæ solita aaviditate alterum formet. Imò verò miror quòd superfætatio non sit admodum frequens, cum constet mulieres gravidas magis quam non gravidas in coitu delectari.

Itaque non potest unum tantum semen aucta quantitate alterius vicem subire: sed neque intentione qualitatis: etenim natura quæ matrem & feminam efformavit, qualitatem singulis eorum tribuit certo qualitatis termino circumscriptam: quod probò quia virtus uniuscujusque

que feminis vel habet intensiõnem determinatam, vel non habet: sic autem non habet, poterit augeri in infinitum quod nemo dicit, si habet debet esse tanta quanta secundum ordinem naturæ sit conveniens, sed ordo naturæ est ut mas & fæmina sint sobolis autores: ergo intensiõnem suam quodlibet istorum seminum habere debet. Quod autem ex staturo ordine naturæ effectus generationis debeat utrisque, ex eo constare videtur, quia non minus postulat naturæ ordo ut filius referatur ad matrem, quàm ad patrem refertur per realem respectum ad patrem, ergo per similem referri debet ad matrem.

Nec valet si dicatur matrem dici ob materiam tantum: nam si ob materiam tantum ita diceretur, sanè mater esset ob potentiam passivam, quippe materiæ est pati; & secundum hanc responsiõnem dicunt aliqui materiam habere, se merè passivè, quod tamen est falsum: nam filius refertur ad matrem potentia activa. Nam relationes hæc inter filium, & matrem funduntur in potentia activa, & passiva mediante actione & passione, sed matris relatio non fundatur mediante passione, ergo mediante actione, hæc autem actio nulla alia est quàm generatio, ergo mater activè concutrit. Præterea relatio patris, & matris ad filium sunt eijusdem speciei, sicut mater, & pater in specie infima conveniunt. Cum autem relationes distinguantur per fundamenta, si fundamenta sunt eadem speciei, eadem etiam speciei sunt relationes.

Itaque ad prædictam peripateticorum ediccionem, quod scilicet cum sint duo semina causæ partiales eiusdem speciei, possit unum supplere vicem alterius. Respondere possumus quando duo homines v.g. tollunt lapidem, posse quidem virtutem unius ad eo crescere, ut suppleat virtutem alterius. Hoc quidem fatemur, quia impulsus duorum tollentium lapidem in unum coalescit, ac proinde impulsus duorum est veluti unus impulsus magnus: poterit ergo impulsus unius ad eam magnitudinem pervenire, quæ sit veluti duorum. At in concursu maris, & fæminæ non ita res habet: conferunt enim virtutem, quæ non coalescit in unum: quippe semen virile temperatur à fæmineo, fæmineu perficitur à masculo. Vtrumque reducitur ad usum medium necessarium, & sic obiter respondetur Averroi quærenti, si unumquodque seminum seorsim non habet vim generatricem, unde nam ei advenit hæc vis, cum sunt conjuncta? advenit, quia ex conjunctione resultat qualitas, cuius neutrum eorum per se erat capax. quod indicat opus naturæ, quæ circa mare & fæminam fabricavit, & hoc ex sacræ paginæ autoritate probari potest, quippe dicitur, *masculum, & fæminam creavit eos, &c.* Ergo ex iis quæ diximus patet quomodo sit respondendum iis, qui verum semen activum

2. collig. et. 10.

Genes. 1. 27.

14. *usup.*
6. 11.

activum mulieri non concedunt. Neque verò existimet aliquis Galenum aliquando istius sectæ hominibus assensum præbuisse, quoniam fæmina cum masculo frigidior sit inconcoctum adeo tenuemque, in glandulosis parastatis hunc humorem habet, ut nihil ad proles generationem conferat, & quæ sequuntur. non, inquam, Galenus negavit seminis muliebris efficaciam, neque huius seminis ibi est sermo, sed cuiusdam humiditatis de qua nos jam egimus, & Galenus superius de eo dixerat. Porro qui humor in illis corporibus glandulosis gignitur, in meatum urinarii effunditur, in masculis quidem unâ cum semine in matricem delatus; in fæminis autem & foras in muliebri pudendum effusus. Sed quoniam cum oblectamento effundi dixit, ipse se ipsum inferius declarat, nempe oblectamentum non oriri ex effusione huius humiditatis, sed ex semine quod simul effunditur. Verùm in coitu quidem repente ac simul unâ cum semine delabitur, sensumque iccirco sufficit, reliquo autem tempore omni paulatim, ideoque sensu non deprehenditur. Tandem si quis dixerit non esse activum, quoniam inconcoctum, aquosumque est, sciat oportet esse quidem aquosum, sed non usque adeo, ut possit omnino incapax esse, ut effectivum principium dicatur, sed aliquantulum minus quam masculinum. Constat hoc ex ipso Galeno dicente, *est igitur fæmina mare imperfectior, una quidem ac prima ratione quia frigidior: siquidem in animalibus calidum est activum magis, frigidum autem calido minus: dixit esse frigidum minus effectivum, non tamen non effectivum penitus.* Cæterum Conimbricenses qui tamen possunt dicere amicus Aristoteles, sed magis amica veritas, quia nempe in hac re Aristotelem deserunt, & Galenum sequuntur, respondent aliter ad argumentum, dicentes causam partialem posse augeri adeo ut per se sola possit effectum aliarum supplere, non in iis causis instrumentalibus, quarum una ex naturæ lege quoad suum cōcursum ab alterius consortio & virtute dependet.

Porro satis videtur demonstratum fæminas habere semen, & in semine effectivum principium generationis: mihi autem præter omnes jam allatas demonstrationes, una instar omnium est, quod ea quæ sunt eadem in specie easdem dicuntur in specie facultates habere: vir, & fæmina conveniunt in specie infima, conveniunt igitur in facultatibus, facultas maris est activa, debet etiam fæminarum activa esse. Restat tamen dicere ex Aristotele marem, & fæminam duo contraria esse, ergo, & facultates utriusque contrarias esse debere: quemadmodum enim albi est proprium disgregare visum, nigri congregare, sic maris est generare active, fæminæ verò passivè. Cui objectioni respondemus album, & nigrum specie differre, ac proinde posse habere proprietates specie differ-

rentes.

Eodem lib.
6. 6. in prin

Conimb. de
orsu & in-
ter. lib. 1.
c. 4 q. 27.
art. 2. ad
secundum.

rentes. mas autem, & fœmina (ut diximus) non differunt specie, quod ab Aristotele accipimus, dicente: *mas, & fœmina, specie idem sunt*: quando autem idem Aristoteles alibi ait: contrarium maris fœmina est, videlicet quia *alterum mas, alterum fœmina est*, non accipit contrarietatem propriè sumptam: hæc enim non reperitur inter individua ejusdem speciei, quippe verè contraria sunt; quæ sub eodem genere maximè differunt. quare opponuntur propria ratione, seu definitione, *est enim mas: animal quod in alio gignit, fœmina quod in seipso*: præterea Aristoteles quærit cur mas, & fœmina non differunt specie, cum sint contraria; respondet quædam contraria differre specie, alia minime. Porro contraria possunt considerari dupliciter, vel respectu generis sub quo continentur, vel respectu subiecti quod denominant; primo modo differunt specie ut album, & nigrum sub colorato; secundo verò minime, quia non semper causant specificam diversitatem in subiecto.

Volunt tamen aliqui, si mulier habet materiam, & principium effectivum posse ex coitu duarum fœminarum inter se, prolem gigni, quod si possibile est, non erit prohibitus coitus fœminæ cum fœmina, quippe prolificus cum sit, præter naturam esse non potest. Nec valet, si quis dicat fœminam non habere instrumentum quo in alterius fœminæ uterum semen ejaculetur; nam sufficit vis uteri tractrix, quæ ex ore pudendi potest trahere semen. Vnde Amatus Lusitanus narrat mulierem concepisse quia rem habuit cum alia quæ paulo ante cum marito concubuerat. Cæterum absit ut hunc concubitus, prolificum, & non damnatum esse, dicamus. Solvitur autem hæc ratio quia ut jam superius manet inculcarum, fœmineum semen nunquam potest ad tantam perfectionem ascendere ut virili adæquetur in opere generationis; hoc autem ad naturæ ordinem; quæ suas cuique tribuit proprietates, referendum dicimus. proprietas ergo intrinseca, & profuens ab ipsa met fœminæ natura, est generare in seipsa, si igitur posset generare in alio coincideret cum definitione masculi, & ordo naturæ confunderetur.

Defenditur Galenus à Scaligeri calumnia.

Adest Julius Cæsar Scaliger, & falcem mittit in segetem alienam (si aliena aliqua seges est ei qui omnia se exactè scire proficetur) quoniam verò Aristotelem, cui assentitur, semen fœmineum non esse semen dixisse, ait, Galenum carpit qui adversatur, & litigat, causas autem nec ponit, nec tollit, neque novit. Mira hominis temeritas, qui forsitan Galeni scripta ne primoribus quidem tetigit labris, neque enim si quæ ille in libris,

R. præci-

præcipue de semine scripsit legisset, non nisi mentis impos causas huius veritatis. Galenum latuisse, negaret, quas nos superius ex eodem retulimus.

Neque solum in hoc peccat, sed etiam quod Aristotelicam sententiam se Aristotelico argumento stabilire proffertur, hac ratione inquit coactus est Aristoteles secludere fœmineum semen. quæ nam ratione? nempe ea quàm mox subjiciam, & quàm ne imaginatione quidem pervolvatur. Imoverò rationis assumptum ut videbitis Aristoteli adversatur. Supponit duo verissima quidem, unum est ex duobus entibus per se fieri non potest, unum ens per se fieri, quod probat quoniam in omni generatione fit corruptio (ut loquuntur) à termino à quo: hypothesim admitto, nempe ex duobus entibus per se non posse fieri unum, per se solummodo fieri intelligat, hoc est generari, nam in mixtione potest unum compositum fieri ex pluribus entibus per se, plura enim elementa efficiunt unum mixtum, & in eo incorrupta manere, opinio est præclarissimorum authorum. Altera hypothesis ex duabus formis tamen indivisibilibus, nam divisibiles possunt coalescere in unam, ut duæ partes aquæ duas suas formas habent, quæ tamen in unam conveniunt si conjungantur. Itaque Scaliger qui se aliorum censorem exhibet sine censura deberet se ostendere, neque theoremata absolute pronunciare quæ, secundum quid possunt exceptionem pati:

Sed admittamus duo ista pronunciata nam vera in subiecta materia vera sunt tamen si universim vera non sint. Quid ergo ex illis colligit? nempe generationem non nisi duabus aut pluribus corruptis substantiis potest una fieri: quid nî? nonne potest ex una dumtaxat corrupta substantia fieri etiam una? hoc illum debuerat docere Aristoteles qui ait, *corruptio unius est generatio alterius*, dixit unius non verò duorum, aut plurimum. Addit ille ex putridis mixtis fieri animal. At ego non video fieri animal nisi ex putredine unius. Fiat tamen ex plurium putredine. Quid inde? infert ille hoc modo igitur ex duabus formis tanquam ex partibus non potest una forma fieri, sed illis abolitis, una potest in eam quæ illarum formarum fuerit, materiam introduci. Hoc licet concedatur (ne in singulis immoremur) nihil tamen ad rem facit: nam ex duabus abolitis unam introduci verum est, & Galeni opinioni non adversatur: sint enim duo semina ac proinde duæ formæ, ex his duabus formis abolitis una introducitur, nempe forma geniti: At Scaliger non vult formam geniti esse diversam à seminum formis siquidem inquit, in semine enim est, & materia, & forma futuri canis: neque differt à cane canis semen nisi sicut potestas ab actu: quia semen fit actu canis perficiendo, non autem per putrefactionem

tionem (ut alibi demonstratum est) neque dicitur alio modo corrumpi semen, nisi quæ definit esse quomodo erat: scilicet potentia; & sit quomodo non erat, id est actu. Est autem materia eadem cum eodem principio formali, cui nihil aliud additur quam organorum expressio, qua confusa prius erant. Igitur est ens quod erat, sed non quomodo erat. Quia essentia seminis est hæc esse quod est ut aliud sit, id est animal; &c.

Hic in primis considero sumptum pro exemplo canem, & canis semen, sed cur ad canem confugit? nempe ut hominem fugiat: cum enim dicat non differre à cane canis semen; non auderet dicere non differre ab homine semen hominis: noluit forsan impietatem detegere quam tamen non valde occultavit; nam si canem proponit pro exemplo, & inde argumentum ducit ad omnia animalia, sicut in semine canis ait esse materiam, & formam canis, ita etiam in semine cuiusvis animalis erit materia, & forma ejus. At si cuiusvis ergo etiam hominis: si etiam hominis ergo forma hominis non aliter ac reliquæ formæ educitur de potentia materiæ. Si ita sentit impius est, sin aliter debuerat explicare cur excipitur ab hac propositione homo, si id explicet, & excipiat hominem: sciat oportet Galeum de generatione hominis loqui. Et sic subtilitas tua ô Scaliger, aut in impietatem, aut in ruditatem abit.

Perge ulterius cum generatur canis, semen non corrumpi, sed perfici ait; perfici quidem admitto, neque est mirum substantiam genitam esse nobiliorem, quàm corruptam. Sed non corrumpi semen, ut generatio fiat, est in primis (ut impietas tua magis detegatur) contra veritatem evangelicam: sunt enim verba Redemptoris nostri, *Nisi granum fructus cadens in terram, mortuum fuerit, ipsum solum manet.* Si autem mortuum fuerit, multum fructum affert. Et quoniam impietati semper adjungit ignorantiam ab Aristotele, quem recipis; ignarus recedis, nonne apud eum legisti corruptionem unius esse generationem alterius & e contra? imo ex hujus vicissitudinis necessitate probat Philosophus perpetuitatem generationum.

Sed tu dicis semen canis esse canem in potentia, atque ita non corrumpi, sed reduci ad actum accepta organizatione quam non habebat, ac proinde esse id quod prius erat. Sed tu subtilitate tua evanescens, ignoras aliud esse aliquid esse in potentia, aliud continere aliquid in potentia. Sic gelu continet aquam in potentia, aqua igitur quæ est in potentia non corrumpitur, sed reducitur ad actum, hoc tu perfici appellas, sit ita. At gelu quod continebat aquam in potentia dissolvitur ut reducatur aqua ad actum. Accede ad semen: continet semen canis, organizationem canis in potentia, hæc organizatio quæ in potentia est ac proinde imperfecta atque confusa reducitur ad actum, perficitur, & ordinatur.

a quo corrumpatur semen vide Carr. super sen. pag. 108 column. pra.

Ioan. c. 12. n. 24.

de ortu & inter lib. 1. c. 7.

dinatur. Semen tamen quod continebat organice canem in potentia corrumpitur, & corruptione sua præbet locum organis canis ut acta sint, hoc est ut introducatur forma canis, quippe forma est actus corporis organici.

Iterū Aristotelem facis dicentem quod nunquam dixit. Nactū fuisse ais argumentū à plantarum, semine à plantarū similitudine in earum semine unū tantum est principium generationis, idq; ex nulla coitus participatione. Non ostendes usquam apud Aristotelem ductū argumentū à similitudine seminis plantarum ad excludendum semen fæmineum, tuum est istud argumentum, qui poteras illud omittere: cū enim dicas plantas gignere ex nulla coitus participatione, jam ostendis non posse ex iis argumentum duci ad animalia quæ coitus participatione gignunt. Terra utero comparatur, & propterea plantarum mater dicitur, sed cū plantis Aristoteles sexuum distinctionem negaverit, quam tamen animalibus concessit, non est quod in necessitate utriusque sexus similitudo à plantis ad animalia accipiat. Plura adhuc effutiendo pronunciat, quæ quoniam Cardanus contra quem scripta sunt, merito contempsit, merito etiam à nobis in præsentia contemnuntur.





INDEX RERUM.

P refatio,	pag. 1
Discriminis inter utrumque sexum causa,	pag. 12
Finalis causa inquiritur,	ibid.
Solvuntur argumenta initio proposita,	pag. 15
Causa efficiens inquiritur,	pag. 18
Quid sentiendum de Aristotelis Doctrina,	ibid.
Quid in Doctrina Galeni sentiendum,	pag. 23
Resolutio quaestionis,	pag. 25
De muliebri temperamento,	pag. 26
Argumenta quae persuadere videntur mulierem viro calidiorē,	ibid.
Contrariam sententiam veram esse demonstratur,	pag. 27
Frigiditas faminarum colligitur ex debilitate feminei sexus,	pag. 29
Ex loco quo femina procreantur, earum frigiditas colligitur,	pag. 32
Ex materia colligitur num mas sit an femina,	pag. 34
Ex constitutione temporis quo foetus generatur colligi etiam potest feminei sexus frigiditas,	pag. 37
Solvuntur rationes initio in contrarium propositae,	ibid.
De muliebri corporis habitu & constitutione,	pag. 44
An rariores sint mulierum quam virorum carnes,	pag. 45
De mulierum candore, glabritie, lavore,	pag. 48
Utrum sit possibile sexuum permutatio,	pag. 55
Non posse ex Galeni Doctrina colligi mutationem sexus,	pag. 56
Hippocratem suis historiis noluisse mutationem sexuum insinuare,	pag. 58
Examinantur historiae quibus aliqui sibi persuadent possibilem esse sexuum mutationem,	pag. 60
An sanguis menstruus sit omnino necessaria materia ad generationem foetus,	pag. 64
An menstrua purgatio sit evacuatio secundum naturam,	pag. 66
Argumenta quae persuadere videntur menstrua purgationem esse praeter naturam,	p. 67
Controversia resolutio,	pag. 68
Quenam sit mensivis purgantibus aetas dicata,	pag. 69
Cur singulis mensibus eveniant,	pag. 70
An per aeternum fiat naturaliter menstrua purgatio,	pag. 76
	Sol.

I N D E X.

<i>Solvuntur argumenta initio proposita.</i>	pag. 78
<i>Utrum sanguis menstruus inter venena sit connumerandus.</i>	pag. 82
<i>Pars altera, nempe sanguinem menstruum veneni participem esse ex affectu demonstratur.</i>	pag. 84
<i>Controversia resolutio.</i>	pag. 87
<i>Solvuntur rationes pro priore sententia adductæ.</i>	pag. 90
<i>De menstruorum tum redundantia, tum defectu.</i>	pag. 93
<i>De notis virginittatis.</i>	pag. 97
<i>Signum ex urinis.</i>	pag. 98
<i>Signum ex lacte.</i>	pag. 100
<i>Signum ex colli mensura.</i>	ibid.
<i>Signum ex variis experimentis.</i>	pag. 101
<i>Signum ex sanguinis effusione.</i>	pag. 102
<i>Corollarium.</i>	pag. 103
<i>Virne an femina maiorem in coitu sentiat delectationem.</i>	pag. 110
<i>In quo consistat actio quæ perfecta conceptio est.</i>	pag. 111
<i>Refellitur prima opinio.</i>	pag. 112
<i>Refellitur secunda opinio.</i>	pag. 113
<i>Tertia opinio præfertur.</i>	ibid.
<i>An semen sit animatum.</i>	pag. 117
<i>Quid conferat femina ad fatus generationem.</i>	pag. 118
<i>Galenî sententia adversus Aristotelem.</i>	pag. 119
<i>Solvuntur argumenta quibus persuadere conantur Peripatetici & alii semen famineum non dari.</i>	pag. 101
<i>An mulier possit concipere sine viro.</i>	pag. 123
<i>Defenditur Galenus à Scaligeri calumniâ.</i>	pag. 129

F I N I S.